

# *CHISIMBISO CHEKUTANGA*

 Ngatikotamisei misoro yedu zvino kuti tinamate.

Baba vedu veKudenga, tinoKutendai manheru ano nekuda kweuyu, mumwe mukana wekuuya kuzoKunamatat. Tinotenda nekunge tiri vapenu nekuve nechizaruro chikuru ichi cheHupenu Husingaperi huchigara matiri. Uye tauya, manheru ano, Baba, kuzonzvera Shoko reNyu, pamwe chete, zvakavanzika zvikuru izvi zvanga zvakavanzwa kubva pamavambo enyika. Uye Gwayana ndiro Roga rinogona kuChizarura kwatiri. Ndinonamata kuti Rigouya pakati pedu, manheru ano, uye ritore Shoko raRo uye rigoRizarura kwatiri, kuti tigoziva kuva varanda vari nani kwaRiri, munguva dzino dzekupedzisira. O Mwari, tichiona kuti zvino tava munguva yekupedzisira, tibatsirei kuziva nzvimbo yedu, Ishe, nehunhu hwedu husina simba, nemazvirokwazvo eKuuya kwaShe, nenguva isipi. Tinozvikumbira muZita rajesu. Ameni.

<sup>2</sup> Ndinotenda kuti ndiDhavhidha, akati, “Ndakafara pavakati kwandiri, handei mumba majehovha.” Wagara uri mukana mukuru kwazvo kuti tiuye. Uye—uye kudzidza Shoko iri, pamwe chete, kunotipa tariro huru iyi.

<sup>3</sup> Zvino kune vazhinji vakamira, uye ndichangomhanya nekukasika kwandinogona. Asi ndinovimba kuti makaitirwa zvakanaka neHupo hweMweya Mutsvene, sezvandakaita, munguva shoma dzapfuura idzi.

<sup>4</sup> Uye, nhasi, ndava nechimwe chinhu chaitika chandisina kumbova nacho kwenguva yakareba. Ndanga ndichinzvera pane ichi, pane chizaruro ichi pano, pakuzarurwa kweChisimbiso.

<sup>5</sup> Makore adarika ndakapinda nemaChiri pano, angangoita makore 20 adarika, ndinofunga kudaro, kana zvime zvakadaro, asi neimwewo nzira hazvo handina kumbonyatsogsikana chaizvo. Zvaiita sekuti panga pane zvime zvinhu, kunyanya muZvisimbiso izvi, nekuti Zvisimbiso izvi ndiro Bhuku rose. Maona? Ndiro Bhuku racho. Bhuku rose iri iBhuku 1, rakasimbiswa. Rinotanga . . .

<sup>6</sup> Semuyenzaniso, dai ndanga ndine chimwe chinhu pano, ndaizokuratidzai zvandiri kureva. [Hama Branham vanoshandisa mapepa kuratidza kumonwa nekusimbiswa kwemupumburu—Mupepeti] *Hechino* chisimbiso 1. Ringori 1, zvino unorimona *sezvizvi*, nzira yarakamonwa nayo. Uye unorimona nenzira iyi. Zvino, kumucheto uku, kune kachikamu kadiki kanobudikira kunze, *sezvizvi*. Ndicho chisimbiso chekutanga. Zvakanaka, saka, ndicho chikamu chekutanga chebhuku. Zvino, chisimbiso chinotevera chinomonwa nenzira *iyi*, chiri padivi pacho chaipo. Uye chinomonwa nenzira *iyi*,

*seapa.* Uyezve, kumucheto kwacho, *apa* chaipo, pane kamwe kakabudikira kunze. Zvinoreva, zvisimbiso 2.

<sup>7</sup> Uye ndiwo manyorerwo akaitwa Bhaibheri rose, mumipumburu. Uye, saka, izvo...kuparura Zvisimbiso izvi, kunozarura zvakavanzika zveBhuku iri.

<sup>8</sup> Makazombonzvera here muna Jeremia, manyorerero aakazviita, vazhinji venyu makazvinyora pasi manheru apfuura? Kunyorwa kwakaitwa zvisimbiso izvi nekurongedzwa, kuti zvichengetwe, kusvikira adzoka mushure memakore 70, ehutapwa. Akadzoswa ndokutora zvanga zviri zvake.

<sup>9</sup> Uye zvirokwazvo ndinofarira kuZvinzvera. Iwe haugone... Hapana nzira yekuZviratidza pachena zvose, nekuti IShoko reKusingaperi. Uye IBhuku reKusingaperi, nekudaro tinotongoita sekubata nhongonya dzacho chete. Zvakare nhasi, mukunzvera, ndanyora pasi Magwaro akawanda kuti mugoAverenga. Uyewo zvakare...Uye matepi achazarura zvihinji zvaCho, pamunonzvera. Zvino pane zvinhu zvakawanda kwazvo!

<sup>10</sup> Dai ndaingokwanisa kumira pano papuratifomu ndoZvizarura kwamuri, nenzira yaZvinozarurwa nayo kwandiri mukamuri, ini zvangu, zvingava zvinoshamisa. Asi, wasvika pano, unenge wakamanikidzika, uye unongoita sekucharika nepamusoro pezvinhu zvacho, uye woyedza kungosvitsa chikamu chikuru kuvanhu, kuti vaZvione.

<sup>11</sup> Zvirokwazvo ndinoyemura rwiyo urwu rwuchangobva kuimbla naHama Ungren; *Kudzika Kubva muKubwinya kwaKe*. Dai asina kuuya kubva muKubwinya kwaKe, tingadai tose tiri kipi manheru ano? Saka tinotenda kuti Akaburuka kuzotibatsira.

<sup>12</sup> Zvino, nevazhinji vakamira, tichangokasika nemuno umu, neku—nekukwanisa kwese kwatingagona. Handisi kuti tichangomhanya nemazviri, asi ndinoreva kuti tichatanga nekukurumidza kwose kwatinogona. Uye zvino ngativhurei, zvino, mushure me...

<sup>13</sup> Takava nechitsauko chekutanga, chechi 2, chechi 3, nechechi 4. Uye chechi 5, manheru apfuura. Zvino manheru ano tiri kutangira pachitsauko chechi 6 chaZvakazarurwa.

<sup>14</sup> Zvino, tichidzidza chitsauko ichi, tiri kudoma nzvimbo dzakasiyana-siyana, kunyangwe kuTestamende Yekare neItsya, zvime chete, nekuti Bhuku iri rose haro chizaruro chaJesu Kristu. Maona? Ringori zvachose chizaruro cha—chaIshe Jesu, chizaruro chaJesu Kristu. NdiMwari, vachizvizarura pachaVo muBhuku; vachizvizarura pachaVo, kubudikidza naKristu, muBhuku. Uye Kristu ndiye chizaruro chaMwari. Akauya kuzozarura Mwari, nekuti iYe naMwari vaiva mumwe. "Mwari vakanga vari muna Kristu, vachiyananisira nyika kwavari iVo." Nemamwe mashoko, waisamboziva chaizvo kuti Mwari vaiva ani

kusvikira VaZvizarura kubudikidza naKristu; ipapo unogona kuchiona.

<sup>15</sup> Ndaimbofunga, makore ekumashure, kuti pamwe Mwari vainge vakandishatirirwa, asi Kristu aindida. Ndakatozoona kuti, angori Munhu mumwe chete, munoona. Uye Kristu ndiyemoyo waMwari chaiwo.

<sup>16</sup> Uye zvino patiri kunzvera izvi, tiri kuzvienzanisa zvino. Mabhuku 3 ekutanga eBhaibheri, aZvakazarurwa, ayo atakanyatsopinda nemaari zvizere, ndiwo mazera ekereke, mazera 7 ekereke. Zvino kune mazera 7 ekereke, Zvisimbiso Zvinomwe, Hwamanda Nomwe, neNdiro, ne—nemweya yetsvina yakaita sematatya, uye zvose izvi zvinoenderana pamwe chete.

<sup>17</sup> Ini zvangu, ndingada sei kuva ne—nemepu hombe yakakura, ndoidhirowa yese, nenzira yandinozviona nayo, munoziva, kuti chimwe nechimwe chinotora nzvimbo yacho sei. Ndakazvidhirowa pabepa diki, asi ini... Munozviviza. Uye zvose, kusviika pari zvino, zvinonyatsonanga chaipo. Uye nenguva yacho nemazera acho, sekuya kwaakaita nekuenda, uye zvinhu zvose zvanyatsopindirana zvakakwana chaizvo. Saka, zvinogona kunge zvisiri izvo zvachose, asi ndizvo zvakanakisa zvandinoziva nezvazvo, zvisinei. Uye ndinoziva, kana—kana ndikaita zvandinogonesesa, uye ndokanganisa mukuedza kuita zvandinogonesesa, nezvandinozivisisa, kuti zvirokwazvo Mwari vachandiregerera pakuita... pakukanganisa kana ndikange ndakanganisa.

<sup>18</sup> Asi, zvino, mabhuku 3 iwayo ekutanga ndiwo ekutanga, Mazera Manomwe eKereke. Uye zvakare tinoona kuti, muchitsauko 4 chaZvakazarurwa, Johane anotakurwa kuenda kumusoro. Maona? Tinoona machechi. Hapana zvakawanda zvinotaurwa pamusoro pemazera ekereke. Ipapo ndipo pandinofunga kuti vanhu vachashamiswa zvikuru. Vari—vari—vari kuisa Chechi kumberi-mberi uko muKutambudzika, kuzvinhu izvo zvichazoitika. Uye sezvandakataura, Svondo, nezuro: chinhu chekutanga munoziva, matambudziko iwayo achaya, uye muchashamiska kuti sei pasina... Kuuya kwekutanga kwaiva Kubutwa. Uye zvichava sezvazvagara zviri: zvakapfuura uye hamuna kuzviziva. Maona?

<sup>19</sup> Zvino, hakuna zvakawanda zvakavimbiswa kuChechi iyoyo, Chechi iyi yeMarudzi, Mwenga. Zvino, ndinoda kuti muise mupfugwa dzenyu, kuti kune chechi uye neMwenga. Maona?

<sup>20</sup> Unofanira kugara uchiita kuti zvifambe zviri muma 3; muma 4 handizvo. Muma 3! Muma 3, muma 7, muma 10, muma 12, nemuma 24, nema 40, ma 50, manhamba aya asina kugurwa. Bhaibheri ndiro... uye Mwari vanofambisa Mharidzo dzaVo mu—munham... manhamba eBhaibheri, mumanhamba iwayo. Uye ukawana chimwe chinhu chisingabve pane imwe yemanhamba aya, unofanirwa kuchenjerera. Hazvizobuda

zvakanaka, pane chinhu chinotevera. Unofanirwa kuchidzosa kuno kwaunotangira.

<sup>21</sup> Hama Vayle, Hama Lee Vayle, ivo—ivo...Ndinofunga vari pano. Taitaura rimwe zuva nezvevanhu vari kubuda mugwara. Zvakangofanana nekupfura chipfuro. Kana pfuti iyoyo yakanyatsogadzirwa, yakanyatsonangiswa uye nekunyatsoona, inofanira kurova chipfuro chacho; kunze kwekunge mupongoro wayo wafamba, kana kumonyoroka, kana kakubvunda kainongedzesza padivi, kana kupi...kana kufuridza kwemhepo. Chero hapo painotangira kupotsa, pane nzira 1 chete yekuita, kudzoka panzvimbo payabudira mugwara, wotangidza zvakare, kana iri kuzorova chipfuro. Kana ikasadaro, handiti, haitomborova chipfuro chacho.

<sup>22</sup> Uye ndiyo nzirawo mukunzvera Gwaro, ndinotenda kudaro. Kana tikaona kuti tatanga chimwe chinhu pano, uye chorega kubuda zvakanaka, moona kuti hachisicho, hongu, takakanganisa pane imwe nzvimbo, munofanira kudzoka. Haufe wakaZvibata nepfungwa dzako. Hazvisi zvekungo...

<sup>23</sup> Tichangobva kuzviona, kubudikidza neMagwaro, kuti hapana munhu Kudenga, kana panyika, kana pasi penyika, kana akambovapo, kana achazovapo, anogona kuzviita. Gwayana roga ndiro rinogona kuzviita. Saka, tsananguro yekuseminari, chero zvaingava, hapana zviripo. Maona? Zvinotorera Gwayana kuti riZvizarure, ndizvo zvoga, saka tinovimba kuti Richatibatsira.

<sup>24</sup> Johane, akatakurwa kumusoro, muchitsauko 4, kuti aone zvinhu “zvakambovapo, uye zviripo, nezvichazouya.” Asi Chechi inogumira pachitsauko 4. Zvino Kristu anotora Chechi kumusoro, inobvutwa muchadenga, kuti igosangana naYe, uye haionekwu zvakare kusvikira chitsauko 19, paAnodzoka ne... saMambo wamambo naShe wamadzishe, aine Chechi. Uye zvino, oo, ndinovimba rimwe zuva kuti tinozogona kuzvipedza zvose, zvichida Asati auya. Kana tikasadaro, tichazviona, zvisinei, saka hazvina basa.

<sup>25</sup> Zvino, muchitsauko 5 ichi, kuparurwa kweZvisimbiso izvi, uye zvino neBhuku rakasimbisa ka 7. Chekutanga, tinoda kuverenga Chisimbiso Chekutanga.

<sup>26</sup> Manheru apfuura, kuchipa nheyo yakati wedzerei zvishoma, tinoona, kuti, Johane paakatarisa ndokuona Bhuku richiri mumaoko eMuridzi waro wepakutanga, Mwari. Munorangarira here kuti Rakarasika sei? Kubudikidza naAdhamu. Akarasikirwa neBhuku reHupenyu, nokuda kwezivo yaSatani, uye akarasikirwa nenhaka yake, akarasikirwa nezvose; uye pasina kana nzira yerudzikinguro. Zvino, Mwari, vakaitwa mumufananidzo wemunhu, vakaburuka ndokuva Mudzikinguri kwatiri, kuti vagotidzikingura.

<sup>27</sup> Uye zvino tinoona kuti, mumazuva apfuura, zvinhu izvi zvakanga zvakavanzika zvichazarurwa kwatiri mumazuva ekupedzisira.

<sup>28</sup> Zvino tinoonawo, zvakare, mune izvi, kuti, Johane paakangonzwa chiziviso ichi chekuti mu—Mudzikinguri weHama auye kuzotora zviri zvaKe, pakanga pasina munhu aikwanisa kuzviita; pasina munhu Kudenga, pasina munhu panyika, pasina munhu pasi penyika. Hapana akanga akakodzera kunyangé kutarisa Bhuku iri. Chimbofungai nezvazvo. Pasina munhu, zvachose, akakodzera kutomboRitarisa.

<sup>29</sup> Zvino Johane akangotanga kuchema. Akaziva kuti, oo, pakanga pasina mukana wekudzikinguriwa ipapo. Zvose zvainge zvakundika.

<sup>30</sup> Zvino nekuchimbindza tinoona kuchema kwake kuchimira, nekuchimbindza, nekuti zvakazivisa nechimwe cheZvipuka <sup>4</sup> izvi, kana kuti vakuru, waro. Mumwe weva—vakuru ava akati, “Usachema hako, Johane, nekuti Shumba yerudzi rwajudha yakurira,” nemamwe mashoko, “yakunda, uye yarwa ikakurira.”

<sup>31</sup> Johane, achitendeuka, akaona Gwayana richibuda. Rinofanirwa kunge raiva neropa uye rakachekwa uye rakakuvaldza. Rakanga rauraiwa, iri...akati, izvo, “Gwayana rakanga rauraiwa.” Uye, honguka, rakanga richine ropa; kana uchinge wacheka gwayana ne—nekuriuraya zvainge zvakaitwa Gwayana iri, zvisinei. Rakatemwa-temwa kuita zvidimbu pamuchinjikwa, mapfumo parutivi, zvipikiri mumaoko netsoka, neminzwa pahuma. Akanga ari muchinhano chakaipa kwazvo. Zvino Gwayana iri rakabuda, rikaenda kuna iYe akanga agere paChigaro chehushe, ainge akabata gwaro rese remvumo kuhaka reRudzikinguro. Zvino Gwayana rinoenda ndokutora Bhuku kubva muruoko rwaiYe akanga agere paChigaro chehushe, uye rikatorwa, ndokuzarura Zvisimbiso uye rikazarura Bhuku.

<sup>32</sup> Zvino zvakare pazvakaitika, takaona kuti panofanira kunge pakava nechimwe chinhu chi—chikuru chakaitika Kudenga. Nekuti, vakuru, uye vakuru 24 ava, neZvipuka, ne—nezvose zviri Kudenga, zvakatanga kudanidzira kuti, “Makakodzera!” Zvino hedzo Ngirozi ndokuuya, ndokudurura Ndiro dzeminamoto yevertsvene. Vatsvene vari pasi peartari vakadanidzira vachiti, “Makakodzera iMi, O Gwayana, nekuti Makatidzikingura, uye zvino Matiita madzimambo nevapratisa, uye tichatonga panyika.” Oo, ini zvangu! Uye ndizvozvo, paAkazarura Bhuku iri.

<sup>33</sup> Munoona, Bhuku rakanyatsorongwa chaizvo uye ndokunyorwa nyika isati yavambwa. Bhuku iri, Bhaibheri, rakanyorwa chaizvo nyika isati yavambwa. Uye Kristu, ari Gwayana, akauraiwa nyika isati yavambwa. Uye nhe—nhengo dzeMwenga waKe, mazita avo akaiswa muBhuku reHupenyu

reGwayana nyika isati yavambwa. Asi, Rainge rakasimbisa, uye zvino Riri kuzarurwa; avo vane mazita avo aivemo imomo, zvose pamusoro paRo, uye chinhu chikuru zvakadini.

<sup>34</sup> Zvino Johane, wakati azviona, iye—iye akati, “Zvese zviri Kudenga, zvese zviri pasi penyika...” Zvese zvakamunzwa achiti, “Ameni, maropafadzo, nekukudzwa!” Aingova zvake nenguva yakanakisa, uye, nokuti, “Gwayana rainge rakakodzera.”

<sup>35</sup> Uye zvino Gwayana rimire. Zvino, manheru ano, tichipinda muchitsauko 6 ichi, Rine Bhuku muruoko rwaRo, uye riri kutanga kuRizarura.

<sup>36</sup> Uye, oo, ndingadai zvirokwazvo nhasi... Uye ndinovimba kuti vanhu ndevemweya. Ndingadai ndakanganisa zvakaipisisa paChiri, dai pasina kuti, nenguva dzingaite 12 o'clock nhasi, pauya Mweya Mutsvene mukamuri ndokundigadzirisa pane chimwe chinhu chandanga ndichinyora pasi kuti ndigotaura.

<sup>37</sup> Ndanga ndichiZvitora kubva muzvinyorwa zvekare. Hapana chandanga ndinacho paChiri. Handizive kuti Chisimbiso Chechipiri chii, kana zvachose. Asi ndanga ndine zvimwe zvinyorwa zvekare zvechimwe chinhu chandakataura nezvacho makore akati kuti apfuura, ndikazvinyora pasi. Zvino ndakanga ndawana zvinyorwa izvi, zvinyorwa zvinobva kuna Chiremba Smith, vadzidzisi vakuru vakawanda, vakakurumbira pandainge nda—ndazviwana. Uye vose zvavo vaitenda izvozvo, saka ndainge ndazvinyora pasi. Uye ndanga ndichigadzirira kuti nditi, “Saka, zvino ndichaChinzvera kubva pamaonero iwayo.”

<sup>38</sup> Zvino ipapo, nguva dzingaite 12 o'clock masikati, Mweya Mutsvene wangofamba zvine simba uchidzika mukamuri, uye nyaya yacho yose yabva yangozaruka kwandiri, zvino heChoka icho, munoono, saka... zveichi—zveichi Chisimbiso Chekutanga chichizarurwa. Ndine chokwadi sekumira kwandakaita pano manheru ano, kuti ichi iChokwadi cheVhangeri chandichataura pano. Ndi—ndinongoziva kuti ndizvo.

<sup>39</sup> Nekuti, kana chizaruro chichipesana neShoko, zvino hachisi Chizaruro. Uye, munoziva, pane zvimwe zvezvinhu zvinogona kutaridzika chaizvo sechokwadi, asi zvakadaro chisiri chokwadi. Maona? Zvinoita sekuti ndizvo, asi zvisiri.

<sup>40</sup> Zvino, tinoona, Gwayana rine Bhuku, zvino. Uye zvino muchitsauko 6 tinoverenga.

*Zvino ndakaona Gwayana parakazarura chimwe chezvisimbiso izvi, zvino ndikanzwa, serwaive ruzha rwemutinhiro, uye chimwe chezvipuka 4 chichiti, Uya uone.*

Zvino ndakaona, zvino tarira *bhiza jena: naiye akanga akaritasva akanga aine uta; uye akapiwa korona: uye akabuda achikunda, uye kuti akunde.*

<sup>41</sup> Zvino, ichi Chisimbiso Chekutanga, icho chatichaedza, nenyasha dzaMwari, kuChitsanangura manheru ano. Nezvakakanakisisa... Uye ndinocherechedza kuti munhu, achiedza kuZvitsanangura, ari kufamba panzvimbo dzine njodzi kana usingazive zvauri kuita. Maona? Saka kana zvikauya kwandiri nechizaruro, ndinokuudzai kudaro. Kana ndikangozvitora nepfungwa dzangu pachangu, zvino ndino—ndinokuudzai izvozvo ndisati ndataura nezvazvo. Asi ndine chokwadi chaicho, sekumira kwandakaita pano manheru ano kuti, Chauya chiri chitsva kwandiri, nhasi, kubva kuna Samasimba. Handina kurerekera pakungotaura zvinhu zvakadaro, kana zvasvika pachikamu ichi cheGwaro. Ini—ndiri...

<sup>42</sup> Ndinovimba kuti munoziva zvandiri kutaura pamusoro pazvo zvino, munoona. Zvino, munoziva, uye haugone kutaura zvinhu... Kana chimwe chinhu chichifanirwa kunge chiri *pano* chisati chaitika, iwe—iwe haukwanise kuzvitaura kusvikira chimwe chinhu chazviisa ipapo. Maona? Uri kuverenga here? Uri kuteerera kune chimwe chinhu here? Maona?

<sup>43</sup> Zvino, Bhuku reZvisimbiso Zvinomwe, rakamonwa rave kutupfunurwa neGwayana. Tinosvika panzvimbo iyoyo manheru ano. Mwari, vatibatsire. Zvisimbiso pazviri kuparurwa nekutupfunurwa, zvakavanzika zveBhuku iri zvinozarurwa.

<sup>44</sup> Zvino, munoona, *Iri iBhuku rakasimbisa*. Zvino, isu tinozvitenda izvozvo, ndizvo here? Tinotenda kuti IBhuku rakasimbisa. Zvino, hatina kumbobvira takaziva izvi kumashure, asi Rakasimbisa. Rakasimbisa neZvisimbiso Zvinomwe. Ndiko kuti, kuseri kweBhuku, Bhuku rakasimbisa neZvisimbiso Zvinomwe.

<sup>45</sup> Dai tanga tiri kutaura nezve mhando *iyi* yebhuku, zvaizoita sekuisa kabhande pariri, tumabhande 7. Asi harisi bhuku remhando *iyi*.

<sup>46</sup> Mupumburu. Uye zvakare kana mupumburu wamononorwa, toti 1; zvino riri mukati chaimo memupumburu inhamba 2. Uye pano *apa* chaipo Rinotaura zvaChiri, asi Ichakavanzika. Asi, zvakadaro, takatsvanzvdzira maRiri; asi, rangarirai, Bhuku iri rakasimbisa. Uye Bhuku iri iBhuku rechakavanzika, chechizaruro. Chizaruro chaJesu Kristu, munoona, Bhuku rezvizaruro. Uye zvino munoziva, zvichidzika nemuzera, munhu akatsvanzvdzira uye achiedza kupinda maZviri. Tose takadaro.

<sup>47</sup> Asi, zvisinei, imwe nguva, ndinorangarira... Kana—kana VaBohanon vachinge vari pano, kana—kana vamwe vevanhuvavo, ini—ini handizvireve mukunyomba. VaBohanon ishamwari yepamoyo, uye vakanga vari mutungamiriri wePublic Service

pandainge ndichishanda ikoko. Pandakaponeswa kekutanga, ndaivaudza nezvekuverenga Bhuku raZvakazarurwa. Vakati, "Ndakaedza kuverenga chinhu ichi," vakadaro. Zvino VaBohanon vaive murume akanaka, uye va—vakanga vari nhengo yechechi. Uye—uye handizive kuti vaiva nhengo yechii, asi vakati, "Ndinofunga kuti Johane anofanira kunge akadya chikafu chine mhiripiri tsvuku husiku ihwohwo, ndokurara akazvimbirwa."

<sup>48</sup> Ndiyati kwavari, kunyangwe hazvo zvaigona kundidzingisa basa, ndakati, "Hamunyare here kutaura kudaro?" Uye ndaingova hangu mukomana. Asi ndakati, "Hamunyare here kutaura zvakadaro pamusoro peShoko raMwari?" Maona? Zvakadaro, ndichingori mwana mudiki, ndisati ndapfuura... pamwe makore 21, 22 ekuzvarwa; uye mabasa achinetsa kuwana, uye kuine kuderera kwehupfumi hwenyika. Asi, zvakadaro, makava nekumwe kutya imomo, pandaka...nyomba, ndanzwa chero kunyombwa kweShoko raMwari. IChokwadi; Chokwadi chose. Saka, kwaisatombova kurota kana madzikirira; zvaisava zvekuti kuti Johane akanga adya.

<sup>49</sup> Akanga ari paChitsuwa chePatimosi nekuti akaedza kuisa Shoko raMwari muchimiro chebhuku, uye akadzingirwa ikoko nehurumende yeRoma. Uye akanga ari pachitsuwa, paZuva raShe. Uye akanzwa shure kwake Inzwi remvura zhini, ndokucheuaka kuti atarishe, ndokuona Zvigadziko zvemwenje zveNdarama Zvinomwe. Zvino hapo pakamira Mwanakomana waMwari, pakati pazvo, zvino.

<sup>50</sup> Uye, zvakare, Bhuku iri chizaruro. Saka, chizaruro chinhu chinoziviswa chechimwe chinhu, chimwe chinhu chakazarurwa. Uye zvino, cherechedzai, kuti musazvikanganwe, "chakapfigwa kusvikira nguva dzekupedzisira." Maona? Chakavanzika chose chaRo "chakapfigwa kusvika panguva dzekupedzisira." Tinozviona muMagwaro pano.

<sup>51</sup> Zvino, chakavanzika cheBhuku zvinozarurwa kana Zvisimbiso zvaparurwa. Zvino kana Zvisimbiso zvaparurwa zvakazara, nguva yerudzikanuro yapera; nekuti Gwayana rinenge rasiya nzvimbo yekureverera, kuti ribude kundotora zviri zvaRo. Ranga riri Murevereri, pakati pazvo. Asi kana chizaruro chaicho chaitika paZvisimbiso, paZvinotanga kuparurwa, Gwayana riri kubuda kubva munzvimbos tsvene. Zviri maringe neShoko. Takazviverenga manheru apfuura. Rinobva mu...kubva pakati, zvino ndokutora Bhuku, saka haRichisiri Murevereri zvachose. Nekuti, kunyangwe vakaRidaidza kuti Shumba, zvino ndiye—ndiye Mambo, zvino haRisisiri Murevereri ipapo.

<sup>52</sup> Kunyangwe hazvo, vatambi veZvisimbiso izvi vakatangira pazera rechechi yekutanga. Zvino rangerirai, kuitira kuti mu—muwane nheyoyacho zvakanyatsokwana, kana

tichikwanisa, kana zvakanyatsokwana chaizvoizvo. “Vatambi ava,” ndichazvireva saizvozvo nemhaka yekuti mutambi munhu anoshandura zvifukidzo zvekumeso. Maona?

<sup>53</sup> Uye mumutambo uyu, manheru ano, tichaona kuti ndiSatani ari kushandura chifukidzo chake. Uye, nevose, vatambi vemutambo.

<sup>54</sup> Kristu, achiita chikamu chaAkaita, paAkabva pakuva Mweya achiva munhu, Akangopfeka hanzu yemutambi, nyama yemunhu, ndokudzika ari muchimiro cheMunhu, kuitira kuti ave Mudzikinguri weHama.

<sup>55</sup> Zvino—zvino, munoona, chingori chimiro chemutambi. Ndicho chikonzero zvese zviri muzvirahwe nemifa... uye sezvavzviri pano apa, sezvipuka, nemhuka, nezvimwe zvakadaro. Zviri mumutambo. Uye vatambi ava vanotangira muzera rechechi yekutanga, nekuti aiva Kristu achiZvizarura kumazera 7 echechi. Mazvinzwisisa here zvino? [Ungano inoti, “Ameni.”—Mupepeti] Zvakanaaka. Maona? Kristu achizvizarura pachaKe kumazera 7 echechi.

<sup>56</sup> Zvino, kubudikidza nemazera echechi aya, pane nyonganiso huru inouya. Zvino, pakupera kwezera rechechi, Mharidzo yemutumwa wechi 7 ichanhonga zvakavanzika izvi zvakarasika uye nekuzvipa kuChechi. Maona? Zvino tichacherechedza izvozvo.

<sup>57</sup> Asi zvisati zvazarurwa muchimiro chazvo chechokwadi. Zvino, munguva dzeBhaibheri, zvakavanzika zvaivepo, uye vakaona zvinhu izvi zvichiitika nenzira yazvakaonekwa nayo naJohane pano. Zvino akati, “Pane mutasvi webhiza jena.” Asi, chakavanzika chacho ndecekuti, pane chakavanzika chinoenderana nemutasvi uyu. Zvino, zvachaiva, vaisaziva, asi zviri kuzozarurwa. Asi zviri kuzozarurwa mushure mekunge Gwayana rasiya Chigaro chaBaba chehushe, chekureverera kwaRo seMudzikinguri weHama.

<sup>58</sup> Ndichadonhedzera chimwe chinhu chidiki muno umu. Zvino, kana chero munhu akawana matepi aya... Chero munhu anogona kutaura chero zvaanoda. Ane kodzero kune chero chinhu chaanotenda. Asi kana... Munoziva, kana mushumiri asingade izvi pakati pevanhu vake, zvino vaudzei kuti vasazvitore. Asi ini—ini... Izvi zviri pakati pevanhu vandakatumwa kuti nditaure kwavari, naizvozvo ndinofanira kuzarura zvinova Chokwadi. Maona?

<sup>59</sup> Zvino, Gwayana, munguva yekureverera kumashure *kuno*, Raiziva kuti maiva nemzita imomo akanga akaiswamo kubva kumavambo enyika. Uye chero bedzi mazita iwayo asati aratidzwa panyika, Raifanira kugarapo seMurevereri. Muri kuzvibata here? Zvakanyatsokwana, kufanotemerwa! Maona? Zvakanaaka. Raifanira kugara ipapo, nekuti Rakauya kuzofira avo vakanga vakafanotemerwa naMwari kuHupenyu

Husingaperi. Maona? Maona? Nekufanoziva kwaKe, Akavaona. Kwete nekuda kwaKe iYe; kuda kwaKe kwaiva kwekuti pasava neanoparara. Asi nokufanoziva kwaKe Aiziva kuti ndiani aizodaro uye ndiani aisazodaro. Naizvozvo, chero bedzi panga pachine zita 1 risati, zvachose raziviswa panyika, Kristu aitofanira kugara ipapo seMurevereri, kuti achengetedze zita iroro.

<sup>60</sup> Asi zita rekupedzisira iroro parakangokandwa muClorox iya kana jiki, ipapo mazuva aKe ekureverera akabva apera. "Regai uyo ane tsvina arambe aine tsvina. Regai uyo ari mutsvene, achiri mutsvene." Maona? Zvino Anosiya nzvimbo tsvene yobva yava Chigaro cheKutonga. Vane nhamo avo vari kunze kwaKristu panguva iyoyo!

<sup>61</sup> Zvino cherechedzai, asi Zvichazarurwa kana Gwayana rasiya nzvimbo yaRo yekureverera kubva kuna Baba. Zvino, iyi iZvakazarurwa 5. Zvino Rinotora Bhuku reZvisimbiso, Bhuku reZvisimbiso, kana kuti Bhuku rakanamwa neZvisimbiso, rozviparura nokuzviratidza. Tarisai. Pakupera kwezera zvino, mushure mekunge kureverera kwapera, mazera echechi apera.

<sup>62</sup> Akauya, muzera rokutanga, Zera reEfeso; akazarura, ndokutuma mutumwa.

<sup>63</sup> Cherechedzai zvinoitika, tichipfuirira mberi. Heunoi hurongwa hwazvo. Chinhu chekutanga chinoitika, pane chi-chi—chiziviso kuMatenga, kutanga. Chii chinoitika? Chisimbiso chinozarurwa. Chii ichocho? Chakavanzika chinobhedhenurwa. Maona? Zvino kana chakavanzika chabhedhenuka, ipapo hwamanda inorira. Inozivisa hondo. Denda rinowira pasi, uye zera rechechi rozarurwa. Maona?

<sup>64</sup> Chikamu che "hondo" chii? Mutumwa weChechi anobata chakavanzika chaMwari, chisati chanyatsozarurwa zvizere. Asi, paanodaro, anobata chakavanzika chaMwari ichi, uye obva abuda achienda kuvanhu mushure mekunge chakavanzika chapihwa kwaari. Anoenda kuvanhu! Anoitei kunze ikoko? Anotanga kuzivisa Mharidzo iyoyo. Uye zvinotanga chii? Hondo, hondo yepamweya.

<sup>65</sup> Zvino Mwari vanobva vatora mutumwa waVo, pamwe neVasanangurwa vezera iroro, uye vovaradzika, vavete. Uye Vanobva vadonhedza denda pamusoro peavo vakaIramba; mutongo wechinguvana.

<sup>66</sup> Uyezve kana izvozvo zvapera, zvinobva zvapfuirira mberi, zvino vobva vaita sangano, vounza masangano, uye votanga nebasra remurume iyeye, seraWesley nevamwe vose. Zvino zvinobva zvapinda mune nyonganyonga zvakare.

<sup>67</sup> Zvino zvakare chimwe chakavanzika chinouya. Zvino chii chakaitika? Mumwe mutumwa anosvika panyika, kune rimwe zera rechechi. Maona? Zvino, paanosvika, iye hwa—hwamanda inorira. Anozivisa hondo. Maona? Uye zvino chii chinoitika?

Pakupedzisira, zvino, anotorwa. Zvino kana aradzikwa, ipapo denda rino bva rawira pasi, rovaparadza. Rufu rwepamweya rwunorova chechi, uye yatoparara, boka iroro.

Ipapo Vanoenda kune rimwe. Oo, hurongwa hukuru!

<sup>68</sup> Kusvikira, zvasvika kune mutumwa uya wekupedzisira. Zvino, haana chimwewo chakavanzika. Asi anounganidza zvose zvakanga zvarasika mune mamwe mazera iwayo, Zvokwadi yose yanga isati yazarurwa zvechokwadi, munoona, panouya chizaruro, anobva azarura zvinhu izvi muzuva rake. Kana muchida kuzviverenga, hapo pazviri. Zvakazarurwa 10, 1 kusvika...1 kusvika kuda pana 4, muchazviwana. Zvakanaka. Maona? “Anotora Bhuku uye, reZvisimbiso, ozviparura,” uye oratidza mutumwa wechi 7; nokuti izvi zvega, zvakavanzika zvaMwari, ndiyo shumiro yemutumwa wechi 7. Zvino, tichangobva mukupfuura nemumazera ekereke, kunyange nenhorondo, uye tikazviratidza izvozvo. Maona? Ndiyo Mharidzo yemu—mutumwa, wechechi yechi 7, zvakanaka, anozarura zvakavanzika zvese zvaiva kumashure, zvinhu zvese zvekumashure. Zvakazarurwa 10:1-7, zvichazovapo. Zvino, rangarirai, “Mumazuva emutumwa wechi 7, kuridza kwake, achiridza hwamanda yeEvhangeri, ari kuzopedzisa zvakavanzika zvose zvaMwari.”

<sup>69</sup> Sezvakangoita, pano panouya, mumazera ekereke ekutanga. Tichazvibata, mushure mechinguva, imwe dzidziso yechi. Uye, zvadaro, ndokuva chitaurwa, kutanga; tevere dzidziso; ndokubva wava mutemo; uchibva wava chechi, uye nemumazera erima.

<sup>70</sup> Zvino kubva mumazera erima kwakauya kuvandudzwa kwekutanga, Luther. Uye akaunza, pamwe naye, mhando dzose dzezvinhu zvakavanzika zvakaitika mukati mezera iroro rechechi, zvese kumashure ikoko, asi haana kuzozvipedzisa.

<sup>71</sup> Kukabva kwauya Wesley, nekucheneswa, akawana zvimwezve zvazvo. Zvakadaro, haana kumbozvipedza; akasiya zvakarembra kwese-kwese, zvakaita sekusasa panzvimbo yerubhabhatidzo. Zvino Luther ndokutora “Baba, Mwanakomana, Mweya Mutsvene” panzvimbo ya “Ishe Jesu Kristu.” Zvinhu zvese izvi zvakasiyana-siyana!

<sup>72</sup> Zvino kwakauya zera rePentekosti, nerubhabhatidzo rweMweya Mutsvene, ndokuperera chaizvo pane izvozvo. Zvino, hapangave nemamwe mazera zvakare. Ndiwo ose. Ndiyo Firadheria...kana, zvino, Zera reRaodhikia. Asi zvino...

<sup>73</sup> Takaona, mukunzvera Magwaro, kuti mutumwa wezera anouya kumagumo chaiko kwezera, nguva dzose. Pauro akauya kumagumo ezera. Tinoona kuti Irenaeus akauya kumagumo ezera. Martin, kumagumo ezera. Luther, kumagumo ezera rechiKatorike. Uye (chii?) Wesley kumagumo ezera

rechiLutherani. Uye Pentekosti kumagumo ezera rekucheneswa, kuenda kurubhabhatidzo rweMweya Mutsvene.

<sup>74</sup> Uye kumagumo ezera rePentekosti, tinofanirwa kugamuchira, maringe neShoko, Mwari vachindibatsira manheru ano kukuratidzai, kubudikidza neapa, kuti tiri kuzoona, kugamuchira mutumwa achatora zvose zviya zvakasaririra kunze ikoko ozarura chakavanzika chose chaMwari, kuitira kubvutwa kweChechi.

<sup>75</sup> Uye zvakare kuri kuuya Mitinhoiro 7 yakavanzika isina kana kutombonyorwa zvachose. Ndizvozvo chaizvo. Uye ndinotenda kuti, kubudikidza neMitinhoiro Minomwe iyi, ichazarurwa mumazuva ekupedzisira kuitira kuunganidza Mwenga pamwe chete kuti uwane kutenda kwekubvutwa. Nekuti, kwatinako iko zvino, isu—isu hatingakwanise kuzviita. Pane chimwe chinhu. Tinofanira kufambira mberi. Isu, hatikwanise kuva nekutenda kwakakwana kwekopodzwa naMwari, zvachose. Tinofanira kuva nekutenda kwakakwana kuti tishandurwe, muchinguvana, uye tigotakurwa tichibva panyika pano. Uye tichazviona, mushure mechinguvana, Ishe vachitendera, towana paZvakanyorwa.

<sup>76</sup> Tevere, kutongwa kwose kwevaiti vezvakaipa ava! Zvino, munoono, zvichidzika nemumazera eZvisimbiso izvi, zvanga zvichiparuka, kusvika zvino Chisimbiso chekupedzisira chaparurwa. Uye zvino sezva—sezvavakange vakatarisa paZvisimbiso izvi uye vachingofungidzira, vachifungidzira pane zvavaiita. Zvino, pakupera kwemazera, kwemazera ekereke, vose vaiti vezvakaipa ava vachavapo uye vachananga muKutambudzika; vese vaiti vezvakaipa ava veZvisimbiso Zvinomwe, vanga vachishanda zvakavanzika muchechi.

<sup>77</sup> Uye tichazoona, muchinguvana, zvakatoshanda kunyange muzita rechechi. Vanozvidana pachavo kuti, “Chechi Huru.” Zvino zvionei kana zvisiri izvo chaizvo. Ndosaka ndanga ndichipesana kwazvo nemasangano, ndisingazine kuti sei. Maona? Maona?

<sup>78</sup> Vanoguma. Zvino, zvinotanga kumashure kuno zviri zvidiki, uye zvigoramba zvichiwedzera kuipa nekuipa, zvichidzika kusvika... Uye vanhu vanonyatsopinda mazviri, vachiti, “Oo, hongu, *izvi* zvakangonaka.” Asi mumazuva ekupedzisira, zvinhu izvi zvinoziviswa. Uye pakupedzisira vanozonyanya kuipa kwazvo kusvikira vapinda chaimo munguva yeKutambudzika.

<sup>79</sup> Uye munhu angataura sei kuti Mwenga waKristu unopinda muKutambudzika? Handigone kuzvinzwisia. Maona? Anoendeswa kure neKutambudzika. Kana—kana Chechi yakatotongwa, uye vakazvitonga vega uye vakagamuchira Ropa, ko Mwari vangatonga sei munhu akanyatsokwana, asina chivi zvachose?

Munoti, “Hakuna munhu akadaro.”

<sup>80</sup> Mutendi wese akazvarwa patsva, mutendi wechokwadi, akakwana, haana chivi zvachose pamberi paMwari. Haasi kuvimba nemabasa ake; muRopa raJesu, umo makawira kureurura kwake. Bhaibheri rinotaura kudaro. Maona? “Uyo aka—akaberekwa naMwari haaiti chivi, nekuti haagone kutadza.” Ungaita munhu mutadzi chirudzii kana jiki yeRopa raJesu Kristu iri pakati pake naMwari? Inomwararidza chivi kusvikira pasisina chinosara nezvacho. Maona? Ko ropa raKristu rakachena iri ringagorega sei chivi chichipuura nepo? Haakwanise.

<sup>81</sup> Jesu akati, “Naizvozvo ivai vakakwana, saBaba veNyv vari Kudenga vakakwana.” Uye tingagotanga sei pfungwa yekuva vakakwana? Asi ndizvo zvaidiwa naJesu. Uye kana Jesu aizvida, Anofanira kuzvigadzirira nzira yazvo. Uye Akazviita; Ropa raKe pachaKe!

<sup>82</sup> Zvino, zvese, zvinozarura zvakavanzika zvese zvakaitika kare. Zvino, pfungwa yacho ndeyekuti, pano panguva yekupedzisira, kuti zvakavanzika zvakatanga kare-kare chaiko ndokuuya zvichidzika nemumazera echechi, zviri kuzozarurwa kuno pakuparurwa kweZvisimbiso, kuno mumazuva ekupedzisira, mushure mekunge nguva yekureverera yava kuda kupera, panguva iyoyo.

<sup>83</sup> Ipapo, kutongwa kunomirira avo vari kumashure. Vanobuda vachinopinda imomo. Ndipo mushure mekunge Mwenga wabviswa panzvimbo.

<sup>84</sup> Oo, ngatingoverengai Gwaro. Mese mungada kunyora pasi mamwe eMagwaro aya here? Ngatitorei VaTesaronika Vechipiri, kwechinguvana, uye titarise apa kwechinguvana. Mu—mufananidzo wakanaka kwazvo pano! Ndinoufarira. Uye ngationei. Hongu, VaTesaronika Vechipiri. Uye ndinoda chitsauko 2 cheVaTesaronika Vechipiri, uye ndi—ndima 7. Ngationei. VaTesaronika Vechipiri 2:7. Ndinofunga kuti ndizvozvo, zvino. Ndanyora izvi pasi, ndichibvunda nekudedera.

...chakavanzika chokusarurama chotobata basa  
kare: uyo woga ano...anotendera achatendera,  
kusvikira iye achibviswa munzira.

<sup>85</sup> Ani? “Uyo anotendera.” Maona? Munoona, chakavanzika, “chakavanzika chekusarurama,” kareko muzera rechechi yekutanga chaiyo apa. Hepano Pauro achinyora, achitaura kuti, “Chakavanzika chekusarurama.” Kusarurama chii? Kusarurama, chimwe chinhu chaunoziva kuti haufanire kuchiita, asi unoichiita zvakangodaro. Zvino Pauro akati pane vakadaro panyika nhasi, vaiti vezvisakarurama. Oo, kana iwe...Tiri kusvika kune...Ngatingoverengai chidimbu ichi, kwechinguva. Kutangira pamberi zvishoma, vhesi 3.

*Ngakurege kuva nomunhu anokunyengerai nomutowo upi noupi: nokuti zuva iri harisviki, kana kutsauka kusati kwatanga kuuya, uye uya (m-u-r-u-m-e) murume wechivi aratidzwa, mwanakomana wokurasika; (ndizvozvo)*

*Iye anopikisa uye achizvikwidziridza pamusoro pezvoze zvinonzi Mwari, kana zvinonamatwa; kuti iye saMwari anogara mutemberi yaMwari, achizviratidza kuti ndiMwari, achikanganwira zvivi.*

*Hamurangariri here, kuti, ndichiri kwamuri, ndakakuudzai zvinhu izvi?*

<sup>86</sup> Ndaingada kunge ndakagara pasi peimwe yedzidziso yake. Hamungadiwo here?

Uye zvino imi munoziva chinodzivisa kuti azarurwe munguva yake.

<sup>87</sup> Kwete ipapo, munoona, kwete ipapo; asi, “munguva yake,” munoona, pakuparurwa kweChisimbiso ichocco. Tinozozivila chaizvo kuti chaiva chii. Ndianiko murume wekusarurama uyu? Ndianiko murume uyu wechivi, muchinda uyu ari kuita zvisakarurama? “Asi anoratidzwa munguva yake.”

*Nokuti chakavanzika chokusarurama chotobata basa kare (vanyengeri, munoona, vachinyengera vanhu mune chimwe chinhu, munoona): iye woga (Mwari) anotendera achatendera, kusvikira iye (Chechi, Kristu, Mwenga) abviswa munzira.*

Uye ipapo iye Asakarurama achazarurwa, . . .

<sup>88</sup> Pakuparurwa kweChisimbiso, “panguva yake.” Pauro akati, “Kwete munguva yangu, asi munguva yaachazozarurwa.” Maona?

. . . iye achaparadzwa naIshe nomweya womuromo wake, . . .

<sup>89</sup> Tichasvika kune izvozvo mushure mechinguva, “mweya womuromo wake.” Tarisai kuti chii ichocco.

. . . uye achaparadza nokubwinya kwokuuuya kwake:

Kunyangwe iye, kuuya kwake kuri kubata kwaSatani. . .

<sup>90</sup> Iye, “iye,” murume ari kushanda kubva pakushanda kwaSatani.

. . . nesimba rose nezviratidzo nezvinoshamisa zvenhema,

Uye nokunyengera kwese kwekusarurama, achinyengera vanhu nekusarurama, mune avo vanoparara (kwete Mwenga uyu), mune avo vari kutarisira chinhu chakadaro; nokuti havana kugamuchira rudo rwezvokwadi, . . .

<sup>91</sup> Zvino Kristu ndiye Zvokwadi, uye Kristu ndiye Shoko; asi vangasva havo vava nechitendwa. Huh! Maona?

... *kuti vaponeswe.*

Uye nokuda kwechikonzero ichi *Mwari* akavatumira kutenda kwakasimba pane zvisizvo, *kuti vatende nhe-nhema:*

<sup>92</sup> Inofanira kududzirwa ipapo, sezvandakatarisa muduramazwi, "nhema chaidzo," kwete "nhemawo zvadzo." "Nhema chaidzo," dzimwe chetedzo dzaakaudza Evha.

*Kuti ivo...vatongwe vasina kutenda chokwadi, asi vaifarira zvisakarurama.*

<sup>93</sup> Chirevo chakadini! Ini zvangu! Mushure mekunge Mwenga watorwa, zvino murume wechivi uyu achazvizarura pachake.

<sup>94</sup> Iye, Mwenga wechokwadi waKristu, wakasarudzwa kubva muzera rega-rega rechechi.

<sup>95</sup> Zvino, rimwe zuva ndakaita chitaurwa, "Mwenga unogona kuenda Kumusha uye usingazomboziva nezvazvo." Ichokwadi.

<sup>96</sup> Mumwe munhu akati, "Asika, Hama Branham, iroro ringava boka duku kwazvo."

<sup>97</sup> Jesu akati, "Sezvavakanga zviri mumazuva aNoa," zvino chitaura naYe nezvazvo, munoona, "apo mwuya 8 yakaponeswa nemvura, ndizvo zvazvichava pakuuya kweMwanakomana wemunhu." Dai paiva ne 800 vanopinda muKubvutwa manheru ano, hamaizombonzwa kana shoko zvaro pamusoro pazvo mangwana, kana zuva rinotevera, kana imwewo nguva. Vanenge vaenda uye hapana chawaizoziva nezvazvo. Munoona, zvinenge zvingori zvimwe chetezvo.

<sup>98</sup> Ndiri kuedza kutaura kuti kudii? Handisi kuedza kukuvhundutsirai, kuti munetseke. Ndi—ndinoda kuti munge makagadzirira. Ivai makagadzirira, makarinda, nguva dzose. Siyanai nezvenyu zvisina maturo. Ingosvikai pakunyatsoresesa kunaMwari, nekuti nguva yaperapura kupfuura zvamunofunga.

Zvino, rangarirai, Mwenga wechokwadi!

<sup>99</sup> Zvino, kune mwenga wenhema. Tinoziwana muna Zvakazarurwa 17. Iye akati, "Ndiri chirikadzi, uye handina chandinoshaya," munoona, akagara pamusoro pechine ruvara rwutsvuku chinorira ichi, nezvimwe zvakadaro, chikara, waro.

<sup>100</sup> Zvino, asi Mwenga wechokwadi uchaumbwa nezviuru zvakapetwa zviuru zvavanhu, asi vachange vari Vasanangurwa kubva muzera rega-rega rechechi. Pese paifamba mharidzo, uye vanhu voitenda nekuigamuchira muChiyedza chose chayaiva, pavakasimbiswa kusvikira paZuva riya reRudzikinguro.

<sup>101</sup> Ko Jesu haadzidzise zvimwe chete here, paAkati, "I—inzwi rakauya mu—munguva yekurinda yechi 7"? Ndiro zera rechechi

yeKupedzisira. Maona? Uye akati, “Tarirai, Chikomba chouya; budai munoChichingamidza.”

<sup>102</sup> Ndokubva mhandara yakarara yauya, ikapukuta maziso ayo, ndokuti, “Ndinodaira kuti ndinofanira kuva nemamwe eMafuta iwayo, zvakare, saka pamwe mochitongova nemamwe.”

<sup>103</sup> Zvino Mwenga chaiwo, wechokwadi wakamira ipapo, wakati, “Tinongova neanotikwanira isu pachedu. Uh-huh. Tinongova neanotikwanira kuti tipinde, isu pachedu. Hatigone kukupai chinhu. Kana muchiada, imi chiendai munonamata.”

<sup>104</sup> Zvino payakabuda ipapo, Chikomba ndokuuya, zvino Mwenga ndokupinda. Uye zvadaro avo vakasara ipapo, avo vakanga vakachena zvirokwazvo, chechi, vakasiwa vari kunze. Zvino Akati, “Kuchava nokuchema, nokuungudza, nekugedageda kwemeno.”

<sup>105</sup> Munoona, zvino, ndivo Vasanangurwa. Uye kana inzwi rasvika, “Chikomba chasvika,” zvino mumwe nemumwe weavo vakarara mumazera iwayo, vakamuka, mumwe nemumwe. Munoona, havasi Mwari, sezvatingafunga, vari kungonoZvitsvagira zviuru zvishoma zvevanhu vezera rino vovatora. Vasanangurwa chaivo kubva muzera roga-roga. Uye ndicho chikonzero Kristu achifanira kugara pachigarо chekuyananisa kumashure kuno, seMurevereri, kusvikira wacho wekupedzisira apinda muzera rekupedzisira. Zvino zvizaruro izvi zvino, zvezvazvaiva, zvinobhedhenuka pavanhu, uye vanoona zvakaitika. Maona? Mazvibata zvino? [Ungano inoti, “Ameni.”—Mupepeti] Zvakakanaka.

<sup>106</sup> Cherechedzai, “Vamwe vose vevakafa,” nhengo dzechechi, “havana kuraramazve kusvikira makore 1,000 apfuura.” Nhengo dzechechi, ma—Makristu, chechi, havana kuraramazve zvakare kusvikira pakupera kwemakore 1,000. Zvino ipapo vanouya kuzomira pamberi peMwenga, ndizvozvo, vomira pamberi paMambo naMambokadzi. Kubwinya!

Imwe chechi nhasi inozviti, “Mambokadzi weKudenga.”

<sup>107</sup> Mambokadzi weKudenga ndiyе Mwenga waKristu akasarudzwa, uye Anouya pamwe naYe. Dhanieri akazviona, ndokuti, “Makumi ezviuru akapetwa makumi ezviuru vakashumira kwaAri.” Zvino kana mukatarisa Gwaro ipapo, muna Dhanieri, “kutonga kwakagadzwa, uye mabhuku ndokuzarurwa.” Zvino rangarirai, paAnouya, Anouya neMwenga waKe. Mudzimai anoshumira kumurume wake. “Uye makumi ezviuru akapetwa makumi ezviuru zvezviuru vakashumira kwaAri. Kutonga ndokugadzwa, uye mabhuku akazarurwa.” “Uye rimwe bhuku rikazarurwa, ranova bhuku reHupenyu,” kwete Mwenga, zvachose. Wakatokwira kare nekudzoka, uye wakamirapo mukutongwa kwezvizvarwa zviya zvakaramba Mharidzo yeEvhangeri.

<sup>108</sup> Jesu haana kutaura here? “Mambokadzi wekuMaodzanyemba achasimuka nechizvarwa chino mumazuva ake, eKutongwa, uye achapomera chizvarwa ichi mhosva; nekuti akabva kumativi ekure enyika, kuzonzwa huchenjeri hwaSoromoni, asi mukuru kuna Soromoni ari pano.” Hero da—dare rakagadzwa, mambokadzi we—weShebha, wekuMaodzanyemba, akamirapo paKutonga, nehuchapupu hwake pachake.

<sup>109</sup> Asiri kana muJudha akauya nechizvarwa ichocco vaiva maJudha. Zvino vakanga vari mapofu, uye vakaMupotsa. Nekuti, vakanga vachiMutsvaga, asi Akauya ari muhunyoro kwazvo zvekuti vakachirika nepamusoro pazvo, saizvozvo.

<sup>110</sup> Zvino, ipapo, mambokadzi mukuru uyu akazvininipisa, akuuya ndokugamuchira mharidzo. “Uye achamira muKutonga uku,” Akati, “uye achapomera chizvarwa ichocco.”

<sup>111</sup> Zvino munooma mapoka 3, nguva dzose. Bhuku, vakafa ravakatongwa naro; rimwe bhuku, Bhuku reHupenyu, avo vaiva nemazita avo mubhuku reHupenyu.

<sup>112</sup> Vanoti, “Kana zita rako riri mubhuku reHupenyu, zvakanaka, uh?” Kwete, changamire!

<sup>113</sup> Tarisai, Judhasi Isikarioti aive nezita rake mubhuku reHupenyu. Zvino unoti here hazvisi? Jesu, muna Mateo 10, akavapa simba rokudzinga madhimoni, ndokuvatumma kunopodza vanorwara, nokunatsa vane maperembudzi, nokumutsa vakafa. Zvino vakabuda, vakadzokazve, Judhasi achitovapo navo. Zvino vakadzinga madhimoni, uye vakaita mhando dzose dzevishamiso. Ndokudzoka, vakati, “Kunyangе madhimoni chaiwo ari kuzviisa pasi pedu.”

<sup>114</sup> Jesu akati, “Musafara nokuti madhimoni anozviisa pasi penyu, asi farai nekuti mazita enyu akanyorwa Kudenga.” Uye Judhasi akanga ainavo. Asi chii chakaitika? Pazvakasvika paboka reVasanangurwa, riende kumusoro uko paPentekosti nekunyatsogamuchira Mweya Mutsvene, Judhasi akaratidza mavara ake. Achange aripo paKutongwa.

<sup>115</sup> Saka mabhuku akazarurwa; uye bhuku, Hupenyu, rikazarurwa; uye munhu wese akatongwa naro. Zvino, Mwenga wakamira ipapo naKristu, kuti utonge nyika. Ko... Pauro haati here, “Munozviitirei,” achitaura neMwenga, “muine chero nyaya zvayo yekukanganisirana, yekuti munendo kune vemutemo usakarurama. Hamuzivi here kuti vatsvene vachatonga nyika?” Maona? Hezvoka izvo. Vatsvene vachatonga nyika nekuitora. Ndizvozvo chaizvo.

<sup>116</sup> Unoti, “Ko zvingagove sei chaizvo kuboka duku rakadarо?” Handizive kuti zvichaitwa sei. Asi Akati zvichaitwa, saka zvatoringana, sekuziva kwangu.

<sup>117</sup> Zvino tarisai. Zvino cherechedzai. “Vamwe vose vakafa,” nhengo dzechechi, nhengo dzechechi dzakafa, “hadzina kuraramazve kusvikira makore 1,000.” Uye zvadaro pamakore 1,000, vakaunganidza; rumwe rumuko rwunouya, rwunova rumuko rwechipiri, zvino vakaunganidza. Uye Kristu neChechi, Mwenga, kwete chechi; Mwenga, Kristu naMambokadzi, kwete chechi. Che...Kristu neMwenga vakamirapo.

<sup>118</sup> Zvino vakaparadzaniswa, semakwai kubva kumbudzi. Ndizvozvo chaizvo. Hedzo nhengo dzechechi dzichiuya. Zvino kana vakanzwa Chokwadi uye vakaramba Chokwadi, zvino chii chichazotaurwa kana chinhu chikuru ichi chatambanudzirwa pazijira, apo kunyangwe mifungo yako chaiyo ichange iripo, zvawakafunga pamusoro paCho? Uchapunyuka sei, uye izvo zviri ipapo chaipo pazijira rekumatenga, neterevhizheni huru yaMwari ipapo. Mifungo yako pachako ichimukira. Mifungo yako pachako ichataura ichikupomera panguva iyoyo.

<sup>119</sup> Saka kana ukataura chimwe chinhu, uye wofunga chimwewo, zviri nani urege hako kudaro. Isa mifungo yako pana Mwari. Ichengeye yakachena, uye ugare ipapo chaipo nayo, uye utaure chinhu chimwe chete nguva dzose. Maona? Usati, “Haa, ndichangoti ndinoZvitenda, asi ndichaenda ndonoongorora.” Iwe Zvitende! Ameni.

<sup>120</sup> Cherechedzai, mhando iyi, chikonzero sei vachifa, vanopfuura nemukuchenesa kwemuyedzo wemuKutambudzika nekuti havasi chaizvoizvo pasi peRopa. Vanozviti vari, asi havasi. Vangapinda sei nemumuyedzo, kuti uvachenese, ipo paine apo (jiki) Ropa raJesu Kristu richibvisa chiratidzo chese chechivi nezvinhu kubva pauri? “Uye wakatofa kare, uye hupenyu hwako hwakavigwa maAri, kubudikidza naMwari, uye wakasimbiswa imomo neMweya Mutsvene.” Uchatongerwa chii? Uchawanepi kucheneswa kwako? Chii chaunofanira kucheneswa kubva pachiri, kana iwe uri muna Kristu zvakakwana, usina chivi? Sei...Ko kutongwa ndekweyi? Asi iboka rakarara, iro vanhu vasiri kukwanisa kuziva.

<sup>121</sup> Zvino, havasati vazviita kwemakore, munoona, asi ino ndiyo nguva yechizaruro, munoona, munoona, zvichizarurwa pakuuya chaipo kweMwenga; kупедзиса kwekupedzisira, zvinhu zvekupedzisira zviri kuuya. Zvave kusvika kumagumo, shamwari, ndinotenda. Kuti riinihi? Handizive. Ini—ini handikwanise kukuudzai. Asi chero chinhu...Ndinoda kurarama manheru ano sekunge ndimanheru ano, ndinenge ndakagadzirira. Maona? Anogona kuuya manheru ano, asi zvakadaro, uye Anogona kusauya mumakore 20. Handizive kuti Achauya riinihi. Asi chero nguva yakuchava,...Uye hupenyu hwangu hunogona kupera, manheru ano; uye, zvadaro, zvose zvandakaita pano, zvinopera panguva iyoyo. Ndi—ndinofanira

kusangana naYe mukutongwa, nenzira yandakafamba nayo pasi pano. "Kwakarerekera muti, ndiko kwaunodonhera."

<sup>122</sup> Rangarirai, pavakaenda kunotenga Mafuta, vaka... "Oo," unoti, "zvino chimbomirai zvishoma, Hama Branham. Handizive nezvazvo." Pavakaenda kunotenga Mafuta, pavakadzoka, Mwenga wakanga watoenda uye mukova wavharwa. Zvino vakagogodza, uye vakati, "Tipinzeiwo! Tipinzeiwo!" [Hama Branham vakagogodza papurupiti kakawanda—Mupepeti] Asi vakanga vari kunze murima rokunze.

<sup>123</sup> Zvino, kana muchida mufananidzo wazvo, zvino tarisai. "Munguva yaNoa," Jesu akati, akatura nezvayo. Zvino, munguva yaNoa, vakapinda muareka. Asi vakatakurwa kuenda... pangua yekutongwa, asi izvozvo—izvozvo hazvina kufananidzira Mwenga waKristu.

<sup>124</sup> Enoki akafananidzira Mwenga. Enoki! Noa akaenda, kubudikidza neMwenga... akaenda napamusoro, nemunguva yekutambudzika, ndokutambudzika, uye akava chidhakwa, ndokuфа. Asi Enoki akafamba pamberi paMwari, kwamakore 500, uye akava nechapupu chekuti, "akafadza Mwari," nekutenda kwekubvutwa; ndokutanga kufamba achitobuda, akakwira kumusoro nemumatenga, ndokuenda Kumusha asina kana kuravira rufu; haana kumbofa, zvachose.

<sup>125</sup> Ndiwo mufananidzo we, "Isu vapenyu uye vakasara, hatizodzivisa, kana kuti kutadzisa, mhando imwe chete iyoyo yevanhu vavete," vakarara nokuda kwezera remunhu, mu—muchimiro chezera remunhu. Vakafa kumashure uko, asi havana kufa. Vakarara. Ameni. Vakarara, havana kufa. Uye chinhu bedzi chinodiwa ndechekuti Chikomba chigovamutsa. Hongu. "Uye isu vapenyu uye vakasara, hatizodzivisa avo vakarara kare. Nekuti hwamanda yaMwari icharira, uye vakafa muna Kristu vachamuka kutanga; zvino isu vapenyu vakasara tichabvutwa pamwe chete navo, uye tichasangana naShe muchadenga."

<sup>126</sup> "Asi vamwe vevakasara vakafa havana kurarama kwemakore 1,000." Hezvoka izvo, vakapfuura nemunguva yeKutambudzika.

<sup>127</sup> Chaiva chii? SaEnoki. Munoziva, Noa akatarisa Enoki. Nekuti, Enoki paakashaiwa, akaziva kuti kutongwa kwakanga kwaswedera. Akatanga kutambira pedyo neareka.

<sup>128</sup> Asi Noa haana kukwira kumusoro. Akangosimukira zvishoma, ndokuyangarara nepamusoro pematambudziko. Akatakurwa nemunguva yekutambudzika, kuti afe rufu. Maona? Asi Noa akatakurwa ndokuyambuka.

<sup>129</sup> Enoki akashandurwa, pasina rufu, mufananidzo weChechi ichibvutwa pamwe chete nevavete, kunosangana naShe muchadenga, zvino imwe chechi yose inotakurwa ichipinda munguva yeKutambudzika. Handione chimwe chinhu kubva pazviri, pachangu. Enoki, akabvutwa, pasina rufu.

<sup>130</sup> Zvino ngatitangei kunzvera zvishoma zvino, todzika muchidzidzo chedu. Ndikangoramba ndiri ipapo, hatingatombopinda mune izvi, Chisimbiso ichi. Zvino cherechedzai. Ngatitorei zvino, nokuti tichazova, pamwe chete, zvichida mangwana manheru kana manheru anotevera acho, kutaura nezveHwamanda, apa neapo, nekuti Hwamanda inorira panguva imwe chete yeZvisimbiso. Zvinongova zvimwe chete. Zera rechechi rinozaruka, izvo... zvingori zvimwe chete. Maona?

<sup>131</sup> Zvino, hwamanda yagara ichimiririra hondo kana kuti, neimwe nzira, nyonganyonga mune zvematongerwo enyika, hwamanda inodaro, nyonganyonga mune zvematongerwo enyika, uye izvozvo zvinokonzerwa hondo. Pamunotanga kutambira mune zvematongerwo enyika, mobva mavavhiringa vose, sezvatava nazvo zvino, chenjerai, hondo yava pedyo. Asi, munoonaa, humambo huchiri hwaSatani. Achiri nechikamu ichi muruoko rwake.

<sup>132</sup> Nemhaka yei? Yakadzikanurwa naKristu, asi Ari kuita chikamu cheMudzikanuri weHama, achitora vanhu vaKe, kusvikira rekupedzisira (zita) raiswa muBhuku iroro, atoRigamuchira kare uye rakasimbisa. Zvino mazvibata here? [Ungano inoti, "Ameni."—Mupepetii]

<sup>133</sup> Zvino Anobva paChigaro chaKe chehushe, Chigaro chaBaba vaKe chehushe, ofamba achiuya mberi, otora Bhuku kubva muruoko rwaMwari, kubva paChigaro chehushe, uye otora kodzero yaKe. Chinhu chekutanga chaAnoita kudaidza Mwenga waKe. Ameni! Zvino chii chaAnotora? Anotora mupikisi waKe, Satani, omusunga, uye omukandira mumoto kunze uko, pamwe nevose vaimutevera.

<sup>134</sup> Zvino, rangarirai, yakanga isiri Russia. Kwete. Antikristu muchinda akadzikama. Ingotarisai kuti akadzikama zvakadii. Akangwara, zvino. Hongu, changamire. Zvinotongotorwa Mweya Mutsvene; chinhu chega chinogona kumukunda.

<sup>135</sup> Cherechedzai, Hwamanda dzinoreva nyonganyonga mune zvematongerwo enyika, hondo. Mateo 24, Jesu akataura nezvazvo. Akati, "Muchanzwa nezvehondo neguhu rehondo, munoonaa, nzira yose zvichidzika." Munorangarira...Jesu achitaura kuti, "Hondo, guhu nehondo, neguhu nehondo, zvichienda zvichidzika kunosvika kumagumo." Zvino, ndidzo Hwamanda dzichirira.

<sup>136</sup> Zvino, kana tasvika paHwamanda, tichadzokera ipapo uye totora imwe neimwe yehondo idzi, uye tokuratidzai kuti dzaitevera machechi iwayo, tokuratidzai kuti dzinotevera Zvisimbiso izvi. "Hondo neguhu rehondo." Asi, Hwamanda, inomirira nyonganyonga mune zvematongerwo enyika.

<sup>137</sup> Ukuwo, Zvisimbiso zvinoshanda nenyonganyonga yemuzvinamato. Maona? Chisimbiso chinozarurwa, Mharidzo

inodonhedzwa. Uye zvakare chechi inogara yakanyatsodzika midzi munzira dzayo dzezvematorgerwo enyika, nezvimbewo zvakadaro, nevose varemekedzwa vayo. Zvino kana Mharidzo iyi chaiyo yadonha, mutumwa uyu anoenda mberi obva avazunza kuita zvidimbu. Ndizvozvo chaizvo. Inyonganyonga yemuzvinamato kana Chisimbiso chavhurwa. Ndizvo zvakaitika. Ehe. Hongu.

<sup>138</sup> Vose vanodekara muZioni. Chechi inodekara, uye, "Takatopedza nazvo zvese." Zvakangofanana nechechi yeEngland, vose vakanga vakadekara. Chechi yeKatorike, vose vakadekara, ndokubva kwauya Luther. Pakava nenyonganyonga yemuzvinamato. Hongu, changamire! Chokwadi ndizvo zvazvaiva! Saka, chechi yakaenderera mberi, naZwingli. Uye kubva kuna Zwingli, ndokuuya zvichidzika kune vakasiyana-siyana, uye nekuna Calvin. Zvino mushure mechinguvana, chechi yeAnglican yakadekara, uye yakanga igere zvakanaka, ndokubva Wesley auya. Pakava nenyonganyonga yemuzvinamato. Ndizvozvo. Munona, zvinogara zvichireva nyonganyonga yemuzvinamato.

<sup>139</sup> Zvino, Chisimbiso. NgatimboChiverengai zvishoma zvino. Ndinoda ku—kuti tiwane izvi, tichangoZviverenga. Ndikatanga kutaura. Ini . . .

*Zvino ndakaona Gwayana parakazarura chimwe chezvisimbiso, (chii chakaitika?) ndikanzwa, serwaiva ruzha rwemutinhiro, . . .*

<sup>140</sup> Oo, ndingada sei kugara pazviri kwemaminitsi mashoma chete! Uye ndinovimba zvino kuti vanhu vose vanoziva zvinhu izvi uye vakamirira kunyaradza kwaShe, vachanyatsonzvera nepadhuze; uye pamatepiwo, zvakare, kuti muchafunga nezve izvi.

<sup>141</sup> Chinhu chekutanga chakaitika, Gwayana parakaparura Chisimbiso Chekutanga chacho, Mutinhiro wakadhirima. Zvino, izvozvo zvine zvazvinoreva. Zvine . . . Zvakakosha. Zvine zvazvinoreva. Chirevo. Hapana chinhu chinoitika chisina zvachinoreva. Zvakanaka, Mutinhiro, Mutinhiro wakadhirima. Hameno kuti Mutinhiro iwoyo waiva chii?

<sup>142</sup> Zvino ngativerengei zvishoma. Ngativhurei kuna Mateo . . . Kwete, ngatitorei Mutsvene Johane, kutanga. Mutsvene Johane, chitsauko 12, uye ingobatai kwechinguvana. Mutsvene Johane, chitsauko 12. Uye zvino ngatitangei nendima 23 yaMutsvene Johane 12. Zvino tererai pano, zvino, zvakanyatsonaka, zvino hamuzoshamiswa zvakare kuti chii.

*Zvino Jesu akavapindura, achiti, Nguva yasvika, kuti Mwanakomana wemunhu abwinyiswe.*

<sup>143</sup> Munona, mave kumagumo kwezera, ipapo. Shumiro yaKe iri kupera. Maona? "Nguva yasvika, yekuti Mwanakomana wemunhu abwinyiswe."

<sup>144</sup> Ko, “Nguva yasvika inofanira kutorwa Mwenga waKe”? Chii? Nguva yasvika, yekuti, “Nguva haichazovepo.” Mutumwa agadzirira kuisa tsoka imwe panyika, neimwe pagungwa, nemuraraungu uri pamusoro paKe, tsoka dzaKe, uye oti, “Nguva yapera.” Uye pamusoro pazvo, Akasimudza ruoko rwaKe ndokupika kuti “nguva haichazovepo,” yakaitika izvi. Zvakakwana sei—sei, mhiko yakanyorwa pasi kuChechi!

... *Nguva yasvika, yekuti Mwanakomana wemunhu abwinyiswe.*

*Zvirokzwavo, zvirokzwazvo, ndinoti kwamuri, Kunze kwekunge tsanga yegorosi yawira muvhru uye yofa, inogara iri yoga: asi kana ikafa, inobereka zvibereko zvivzinji.*

Uyo anoda hupenyu hwake acharasikirwa nahwo;... uyo anovenga hupenyu hwake panyika ino achahuchengeta kuhupenyu husingaperi.

*Kana munhu achindishumira, ngaanditevere; napandinenge ndiri, ipapo... nomuranda wangu achavapowo: kana munhu achindishumira, Baba vangu vachamukudza.*

*Zvino mweya wangu unotambudzika;...*

<sup>145</sup> Unoti, “Zvakakanaka, iYe, achisvika kumagumo enzira, zvino une dambudziko here?” Sei zvichikuita kuti ufunge kana chimwe chinhu chikuru chemweya chikaitika, chinokutambudza? Oo, ini zvango! Uh-huh!

*Zvino mumweya wangu ndinotambudzika; zvino ndichatiiko? Baba, ndiponesei panguva ino: asi ndakauya panyika nekuda kwechikonzero ichi, panguva ino.*

*Baba, bwinyisai zita renyu. Ipapo izwi rakauya richibva kudenga, richiti, Ndakatoribwinyisa, uye ndicharibwinyisazve.*

*Vanhu vakati, ivo vakanga vamirepo, vakarinzwia, vakati... kwatinhira:...*

<sup>146</sup> Zvino, Gwayana parakatora Bhuku rikaparura Chisimbiso Chekutanga ichocco, Mwari vakataura kubva paChigaro chaVo chehushe cheKusingaperi, kuti vataure kuti Chisimbiso ichi chaiva chii, chaizozarurwa. Asi paChakaiswa pamberi paJohane, chakanga chiru mumufananidzo. Johane paakaChiona, Chakanga chichiri chakavanzika. Sei? Chakanga chisina kana kutombozarurwa panguva iyoyo. Hachigone kuzarurwa kusvika zvaAkataura apa, “panguva yekupedzisira.” Asi chakauya chiru mumufananidzo.

<sup>147</sup> Apo, “kwakatinhira.” Rangarirai, ruzha rukuru rwekurira kweMutinhoiro Inzwi raMwari. Ndizvo zvinotaura Bhaibheri, munoona, “kurira kweMutinhoiro.” Vakafunga kuti waiva

mutinhoiro, asi Vakanga vari Mwari. AkaZvinzwisia, nokuti Zvakanga zvazarurwa kwaAri. Maona? Waiva Mutinhoiro.

<sup>148</sup> Uye, cherechedzai, Chisimbiso Chekutanga chakazaruka. Chisimbiso Chekutanga, paChakazarurwa muchimiro chemufananidzo, kwakatinhira. Zvino ko kana Chazarurwa mumazvirokzwazvo aCho chaiwo? Ini zvangu... Kwakatinhira apo Gwayana parakangozarura Chisimbiso. Zvino Chakazivisa chii? Kwete zvese nezvaCho. Kutanga, Chiri kuna Mwari; tevere, Chiri mumufananidzo; chobva, Chazozarurwa. Zvinhu 3. Maona? Chiri kubuda kubva paChigaro chehushe.

<sup>149</sup> Chekutanga, haChigone kuonekwa, kunzwika, kana chii zvacho. Chakasimbisia. Ropa reGwayana rakabhadhara muripo.

<sup>150</sup> Kwakatinhira paAkaChitaura. Zvino paAkadaro, mutasvi webhiza jena ndokutanga kubuda, uye Chakanga chichiri mufananidzo. Zvino tarisai, Akati Chaizozivikanwa muzuva rekupedzisira. Asi Chakaya mumufananidzo wechechi. Munozvinzwisia here, chechi? [Ungano inoti, "Ameni."—Mupepeti] Chinouya chiri mu—mumufananidzo wechechi, zvekuti vanoziva kuti kune Chisimbiso. Asi zvaChiri chaizvo, zvisinei, havazivi, nokuti Mutasvi webhiza jena.

<sup>151</sup> Uye chichazozarurwa chete pazuva rekupedzisira, Chisimbiso ichi chaicho pachinoparurwa. Kuparurwa kuna ani? Kwete kuna Kristu, asi kuChechi. Cherechedzai, zvino. Oo, ini zvangu, zvinongondiita kuti ndidedere! Ndi—ndi—ndinovimba kuti Chechi inoZvinzwisia zvechokwadi, zvandinoreva, imi vanhu. Ndichakudanai kuti Mwenga, munoonaa, kuti MuZvinzwisise.

<sup>152</sup> Iri Inzwi Mutinhoiro. Iri Inzwi rakabva kupi? Rakabva paChigaro chehushe apo Gwayana rakanga richangobva, seMurevereri. Zvino Rakamira pano kuti ritore nzvimbo yaRo nezviri zvaRo. Asi Mutinhoiro wakabva mukati meChigaro chehushe, ndokutinhira. Zvino Gwayana rakanga rakamira kunze kuno. Mutinhoiro, ndeuko kwakanga kwabva Gwayana. Rakasiya Chigaro chehushe chaBaba, kuti riende kunotora Chigaro chehushe chaRo pachaRo. Kubwinya! Zvino, zvino musazvipotsa, shamwari.

<sup>153</sup> Isu tose tinoziva, seMakristu, kuti Mwari vakapika kuna Dhavhidhi kuti Vaizomutsa Kristu kuti agare paChigaro chake chehushe, uye vakaMupa humambo husingaperi pano panyika. Vakazviita.

<sup>154</sup> Uye Jesu akati, "Uyo anokunda antikristu nezvinhu zvose zvemunyika, achagara neNi paChigaro changu chehushe, sezvaNdakakunda ndikagara paChigaro chehushe chaBaba vaNgu." Maona?

<sup>155</sup> Zvino, rimwe zuva Anosimuka kubva paChigaro chaBaba chehushe, oenda kunotora Chigaro Chake Omene chehushe.

<sup>156</sup> Zvino Anouya kuzodana vanhu vaKe. Achavatora sei? Anotova neBhuku reRudzikinuro kare muruoko rwaKe. Kubwinya! Oo, ndiri kunzwa kuda kuimba rwiyo.

Nenguva isipi Gwayana richatora Mwenga  
waRo kuti agare parutivi rwaKe nguva dzose,  
Hondo yose yeKudenga ichange yakaungana  
(kuti ione izvozvo);  
Oo, chichava chiono chinobwinya, vatsvene  
vose vakapfeka zvichena zvisina gwapa;  
Uye naJesu tichadya Nokusingaperi.

<sup>157</sup> Oo, ini zvangu! Taura nezve “kugara zvino munzvimbo dzeMuchadenga”? Zvichange zvakadii! Kana tichikwanisa kuita manzwiro aya, takagara pano panyika, Kubvutwa kusati kwauya, muchinhano ichi chatiri machiri zvino; uye tichigona kufadzwa, uye nekumira pose pamadziro, nekumira mumvura ichinaya, kuti tingonzwa iZvi; zvichazovei patinoMuona agere ipapo! Oo, ini zvangu! Oo, ichava nguva inobwinya.

<sup>158</sup> Akasiya Chigaro chehushe chaBaba, akauya kune... Mwanakomana waVo, kuti ave... Ndiye Mwanakomana waDhavhidhi. Ndizvo zvaifungwa neIsraeri kuti Aizoita ipapo. Rangarirai mukadzi weSirofonike, akati, “Mwanakomana waDhavhidhi!” Rangarirai Bhartimeo bofu, “Mwanakomana waDhavhidhi!” Uh-huh! Uye Jesu, achiziva hake zvaiva hurongwa hwacho, asi vakange vasingahuzive. Vakaedza kuMumanikidza nekuMuita kuti atore chigaro chehushe. Kunyange Pirato akatoMubvunzawo.

<sup>159</sup> Asi iYe akati, “Dai humambo hwaNgu hwaiva hwenyika ino, zvino vanhu vaNgu vaizorwa. Humambo hwaNgu huri Kumusoro.” Asi iYe akati, “Pamunonamata, namatai kuti, ‘Humambo hweNyu ngahuuye. Kuda kweNyu ngakuitwe panyika, sezvazviri Kudenga.’” Ameni. Uh-huh! Chinobwinya zvakadini chinhu chikuru ichi!

<sup>160</sup> Akasiya Chigaro chehushe chaBaba, kuti atore Chigaro chehushe chaKe pachaKe. Iye zvino abuda kubva mubasa raKe rekureverera, kuzotora Chigaro chehushe chaKe pachaKe, vanhu vaKe vakadzikingurwa. Ndizvo zvaAkabvira paChigaro chehushe kuti agoita. Ndipo apo Chisikwa chakafanana neshumba chakati kuna Johane, “Uya, uone.” Tarirai. Muri kuzviverenga here?

...chimwe chezvisimbiso, zvino icho... sekunge  
rwaive ruzha rwemutinhiro, zvino chimwe chezvipuka  
4...

<sup>161</sup> Munoziva kuti Zvipuka zvaiva chii. Takabata pazviri. “Chimwe chakaita seshumba; chimwe chakaita semhuru; uye chimwe chakaita semunhu; uye chimwe chakaita sechapungu.” Zvino, Chipuka chekutanga chakati... Tarisai, nguva imwe neimwe pane Chipuka chakasiyana, kusvikira vatasvi

vemabhiza ava 4 vapfuura. Kune Zvipuka 4, uye kune vatasvi vemabhiza 4.

<sup>162</sup> Cherechedzai, chimwe nechimwe cheZvipuka izvi chichizivisa. Mateo, Marko—Marko, Ruka, naJohane. Tichadzokera mukati toratidza kuti ndechipi, Mateo, Marko, kuti ndechipi Marko—Marko, ndechipi chaiva Johane, chimwe nechimwe pazvaienda! . . . ? . . .

. . . chimwe che . . . zvipuka chichiti, Uya . . . uone.

<sup>163</sup> Akanzwa ruzha rwemutinhiro. Zvino chimwe cheZvipuka chikati, “Zvino huya, uone.”

<sup>164</sup> Nemamwe manzwi, zvino, *hepano* pamire Gwayana, naJohane akamira kunze uko achizviona zvichiitika. Gwayana rakabuda kubva paChigaro chehumambo, sekunge Rakabaiwa, Rakazara Ropa kwese-kwese. Ndiro Rachō rakawanikwa rakakodzera. Zvino paRakasvika ndokutora Bhuku, zvino zvinhu zvose zvakatanga kudanidzira, nokuzhambatata, nokuenderera, munona, nekuti vanoziva kuti rudzikinguro rwakabhadharwa.

<sup>165</sup> Zvino Rauya kuzotora Vari vaRo. Saka, Rinotora Bhuku, romira ipapo pamberi paJohane, zvino RoRizarura roparura Chisimbiso. Roisa Chisimbiso pasi! Zvino paRinoisa Chisimbiso pasi, Mutinhiro wakarira nemunzvimbio iyoyo. Uye pakarira Mutinhiro, pasina kupokana Johane anogona kunge akasvetuka mudenga, pakadhirima Mutinhiro.

<sup>166</sup> Ndokubva chimwe cheZvipuka 4 chati, “Zvino huya, uone zvaChiri, zvazarurwa pasi apa.” Oo, ini zvangu! “Johane, nyora zvawaona.” Saka Johane anoenda kunotarisa, oona kuti Chaive chiri chii. Johane anoenda kunoona zvakataurwa neMutinhiro. Ndipo apo Chisikwa ichi chakaudza Johane, “Huya, uone zviri chakavanzika chiri pasi peChisimbiso Chekutanga.” Mutinhiro, Inzwi reMusiki ndiro raZvitaura. Zvino, Anofanira kuziva zviripo Ipapo. Maona? Oo, ini zvangu! Asi, fungai zvino, akanyora iZvi.

<sup>167</sup> Asi paakatanga kunyora mimwe iya, Mitinhiro Minomwe, Akati, “UsaInyore.” Akanga arairwa kunyora zvose zvaaina. Asi Mitinhiro Minomwe iyi, muna Zvakazarurwa 10, payakataura, Akati, “UsaInyore, zvachose.” Zvinhu zvakavanzika. Hatisati taziva zvazviri nazvino. Asi, maonero angu, zvichazarurwa izvozvi. Uye kana zvadaro, zvichapa kutenda kwenyasha idzodzo dzekubvutwa, kuti Chechi iyoyo ibude. Maona?

<sup>168</sup> Isu takangofamba nemune zvese zvatinoziva nezvazvo, kudarika nemumwaka yese. Takatarisa zvese. Takaona zvakavanzika zvaMwari. Takaona kuonekwa kwe—kwekuungana kukuru pamwe chete kweMwenga mumazuva ekupedzisira. Asi, zvakadaro, pane chimwe chinhu Imomo

chatisingangokwanise kuzvijekesera nacho. Pane chimwewo chinhu.

<sup>169</sup> Asi ndinofungidzira, apo zvakavanzika izvi pazvinotanga kubuda, Mwari vakati, "ChimboZvimisa zvino. Mira zvishoma. NdichaZvizarura muzuva iroro. UsaZvinyore, zvachose, Johane, nokuti vachadzedzereka napamusoro paZvo. Chingo—chingozvirega zviende, munoonaa. Asi ndichaZvizarura muzuva iroro pazvinenje zvichifanira kuitwa."

<sup>170</sup> Hazvina kumbotaurira pasina. Rangarirai, sedonhwe duku reingi, chinhu chose chine chinangwa. Chinhu chose chine chikonzero. Asi, cherechedzai, Musiki akataura. Zvino iye—iye akanzwa Inzwi iri, ndokuenda kunoona.

<sup>171</sup> Asi zvino Gwayana riri kuratidza Johane, mumufananidzo we...we—wegwaro rechechi, tingati, kuti chechi izive. Zvekunyora, Akangomuratidza. Akati, "Zvino, usa—usataure izvi, zvazviri chaizvo. Usaende zasi, Johane, wonoti, 'Zvino, izvi ndizvo chaizvo zvazviri, zveizvo zviri pasi peChisimbiso cheChinomwe ichi.' Usadarao, usadzike zasi uchinotaura izvozvo. Nokuti, kana Ndikaudza Johane izvozvo, zvino zvose mukufamba nemuzera, hurongwa hwose huchaputswa. Ichakavanzika." Maona? Anongoda...Kuuya kwaKe! Akati, zvino, "Uye hapana achaziva paNdiri kuuya. Ndiri kungouya." Maona? Maona? Ndizvo zvoga. Harisi basa rangu kuziva kuti ndirinhi. Ndichangogadzirira, munoonaa. Saka zvino akati...

Zvino Johane akaenda, akafunga, "Ndave kunoZviona zvino."

<sup>172</sup> Uye chii chaakaita, Johane paakaenda? Iye, zvino, chii chaanofanira kuita? Zvino anofanira kunyora izvi kuzera rechechi. Ndizvo zvaanofanira kuita, kuzvinyorera kumazera echechi. "Nyora zvaunoona nezvezvigadzikoo zvemwenje Zvinomwe zveNdarama, pakutanga. Nyorera kuchechi iyi ugovaudza." Zvakakanaka.

<sup>173</sup> Zvino Mutinhoiro wakarira. Johane akaziva kuti rakanga riri Inzwi raMwari. Ndokubva Chisikwa chakaita seshu—shumba chati, "Huya, uone kuti chaiva chii." Zvino Johane akaenda zvino, aine chinyoreso chake, kunonyora zvaanga ari kuzoona.

<sup>174</sup> Zvino, haana kumbonyatsoona chaizvo kuti chaive chii. Haana kumbozvinzwisia. Asi zvaakaona ndizvo zvaitumirwa naMwari kuchechi kwe "nguva." Zvino Vane...Vachazviita; Vanogara vachidaro; Vanoita kuti zvive pachena kana yava nguva yacho yekuzviisa pachena. Asi haVana kuzviisa pachena panguva iyoyo. Sei? Nekuti, Vaizozvichengeta zvakavanzika kusvikira pazera rekupedzisira. Uye kurira kweMharidzo yemutumwa wekupedzisira kwaive kwekuunganidza zvakavanzika izvi. Maona?

<sup>175</sup> Havana kuzvijekesa. Asi zvakaonekwa naJohane, akangoona, “Bhiza jena richibuda, riine mutasvi pariri,” saka ndizvo zvaakanyora pasi, munoonaa, paakadaro.

Ndizvo zvaakataura kuti, “Huya, uone.”

<sup>176</sup> Saka Johane akaenda kunoona zvaagiona kuona, kuti anyorere kuchechi. Uye paakadaro, akaona, “Bhiza jena, naiye wakaritasva akange ane uta; uye akabuda achikunda, nekukunda; zvino akapihwa korona.” Uye, zvino, ndizvo zvoga zvakaonekwa naJohane, saka akangonyora, ndokunyora zvose izvozvo pasi. Zvino, munoonaa, zviri mumufananidzo. Ndiyo nzira iyo chechi yakaZvigamuchira nayo.

<sup>177</sup> Asi, nevimbiso, uye nepazuva rekupedzisira AizoZvizarura, oratidza zvaZviri. Mwari, vatabatsire kunzwisisa. Mazera ekereke, asi haaziviswe zvizere kusvika paMharidzo yechi 7, yezera rino rechechi yekupedzisira. Cherechedzai, anotanga...

<sup>178</sup> Mutumwa uyu wezera rechechi yechi 7, kana mukazvicherechedza, haavambe sangano, sezvakaita vamwe vose. Rangarirai, kana akasatanga... Kwete. Kana mukatozviona, anopesana naro. Ko Eria, ko Eria aipesana naro here? Chokwadi, aidaro. Ko Johane aipesana naro here, aine Mweya waEria?

<sup>179</sup> Eria aive neMweya wemhandoi paari? Akanga ari... Hapana anoziva zvakawanda nezvake. Aingovawo munhu, asi aiva muporofita. Ainge akavengwa. Ini zvangu! Uye akasimuka munguva ipi? Munguva chaiyo yemukurumbira weIsraeri, apo vose vakanga voita zvemunyika. Uye akaenda kunze ikoko, uye aive “muvengi wevakadzi.” Uh-huh. Hongu, changamire. Chokwadi aive. Uye aida renje. Ndihwo hwaive hunhu hwake.

<sup>180</sup> Zvino, vanhu ivavo vaifanira kunge vakaziva pakauya muchinda uyu kunze ikoko aine Mweya mumwe chete paari, akauya ikoko, Johane uyu. Asina kupfeka sevane mukurumbira, sezvandakataura usiku hwapfuura; vanotsvoda vacheche, nokuchatisa, nokuviga, nezvimwe zvakadaro. Asi murume uyu akauya semurume wemurenje. Aiva chii? Aida renje. Chimwe chinhu chaakaita, aivenga sangano. Akati, “Zvino, musatange kutaura kuti, ‘Isu tiri veiyi kana iyo,’ nekuti ndinokuudzai, Mwari vanogona kubva pamabwe aya, kumutsa vana kuna Abrahama.”

<sup>181</sup> Akanga asiri munhu anorerutsa. Havana kugona... Akati, “Makaenda kunoona rutsanga rwunozunguzwa nemhepo here? Kwete Johane.” Kwete, changamire.

<sup>182</sup> Akaitei, zvakare? Sezvakangoita Eria akaudza Jezebheri, iye akaudza Herodhiasi. Akafamba ndokusvika chaipo pachiso chaHerodhi, ndokuti, “Hazvisi pamurawo kuti unge unaye” Mukadzi uyu ndokumugura musoro, nokuda kwazvo. Maona? Akaedza kubata Erisha. Mweya mumwe chete iwoyo, waiva muna Jezebheri, waiva mumukadzi uyu.

<sup>183</sup> Uye zvime chetezvo zviri muchechi yaJezebheri nhasi, zvime chete. Zvino zvicherechedzei. Chidzidzo chikuru sei chatinowana pano apa!

<sup>184</sup> Uye, zvino, zvinoita sekunge vanhu ava vangadai vakaziva. Johane akatanga kupopotera vanhu ivavo, ndokumira ipapo, zvakaita sokuti vangadai vakatoziva kuti ndiwo waive Mweya uya waErisha. Vaifanira kunge vakazvinzwisa izvozvo. Ndizvo zvaiva.

<sup>185</sup> Zvino, uye tinoona kuti, uye takadaro kubudikidza nemazera echechi, maererano neRugwaro, kuti takavimbiswa kudzoka kweMweya iwoyo, nguva yekupedzisira isati yasvika. Ichokwadi here?

<sup>186</sup> Zvino, uye cherechedzai, muchacherechedza hunhu hwawo. Zvino, haavambe rimwe zera rechechi, sezvakaita Luther, naWesley, nevamwe vose zvavakaita. Haazovambi imwe chechi, nekuti hapasisina zvakare mazera echechi ekuvamba. Maona? Hapasi kuzova nemamwezve. Saka anofanira kunge achipesana nazvo, nokuti Mweya wake uchange wakangofanana chaizvo sezvakanga vari kumashure uko, Mweya mumwe chete.

<sup>187</sup> Sezvandakataura manheru apfuura, zvakafadza Mwari kuUshandisa ka 3 panguva dzakasiyana. Iyi inhamba yaVo, 3, kwete 2; 3. VakatoUshandisa ka 2, zvino Vari kuzoUshandisa zvakare. Vakataura kudaro, vakazvivimbisa. Zvino cherechedzai, iye...

<sup>188</sup> Cherechedzai zvino, paVakadaro. Haasi kuzotanga rimwe sangano, nekuti Zera reChechi yeRaodhikia ndiro zera rekupedzisira. Uye mutumwa, wengirozi yechi 7, anova mutumwa wechi 7, kuzera rechechi yechi 7, ndiye muchinda achazarura, neMweya Mutsvene, zvinhu zvose zvakavanzika izvi. Zvichazo... Vangani vakanga vari pano nezuro manheru? Ngationei ruoko rwako. Ndinodaira kuti handisungirwe kuzoRiverenga zvakare, zvino. Munongoziva pazviri, chi-chitsauko 10, munoonaa. Zvakanaka. Zvakanaka.

<sup>189</sup> Vavandudzi vakauya kuzovandudza zera rechechi yekupedzisira rakawa iro rakavatangira. Uye zvakare, mushure mekunge vavandudzi vauya ndokuvandudza zera re—rechechi kubva payaive, zvino yakadzokera munyika, vakabva vatanga zera rechechi idzva. Vakagara vachizviita, nguva dzose. Zvino, takapfuura nemazviri. Maona?

<sup>190</sup> Nemamwe mashoko, *pano* pakambova nezera rechechi yeKatorike, rechechi yeRoma Katorike. Kukabva kwauya Luther, muvandudzi. Anonzi muvandudzi. Zvino chii chaanoita? Anotangira ipapo chaipo, kukomerera. Uye, paanodaro, anopikisa chechi. Uye, chokutanga munoziva, chii chaanoita? Anovaka chinhu chimwe chete chaakauya kuzodzinga, imwezve chechi.

<sup>191</sup> Zvino vanova nerimwe zera rechechi. Zvino, chinhu chekutanga munoziva, hapo pouya...Zera rechechi iri ringori munyonganyonga. Kunobva kwauyawo John Wesley, mumwe muvandudzi. Munoona, anovaka rimwe zera rechechi. Mabata zvandiri kureva? Rimwe zera rechechi rinovakwa ipapo. Vose vavandudzi.

<sup>192</sup> Cherechedzai, Mharidzo iyi yekupedzisira, yezera rechechi yekupedzisira, haasi muvandudzi. Muporofita, kwete muvandudzi. Ndiratidzei apo muporofita mumwe akambotanga zera rekereke. Haasi muvandudzi. Uyu muporofita.

<sup>193</sup> Vamwe vaiva vavandudzi, asi kwete vaporofita. Dai vakanga vari, Shoko raShe rinouya kumuporofita. Ndicho chikonzero vakaenderera mberi murubhabhatidzo muna “Baba, Mwanakomana, Mweya Mutsvene,” zvime zvinhu zvose izvi, nekuti vakanga vari vavandudzi, uye vasiri vaporofita. Asi zvakadaro vaive vanhu vaMwari vakuru kwazvo, uye vakaona chaidikanwa chezuva ravairarama mariri. Zvino Mwari vakavazodza, uye vakatumira kunze ikoko ndokunoparadza zvinhu izvozvo kuita zvidimbu. Asi Shoko raMwari rakazara harina kumbouya kwavari, nekuti vakanga vasiri vaporofita. Vakanga vari vavandudzi.

<sup>194</sup> Asi mumazuva ekupedzisira, anofanira kuva ari muporofita, anotora zvakavanzika zvaMwari, kuti azvidzose, nekuti zvakavanzika zvaizivikanwa chete nevaporofita. Saka, anofanira kunge ari muchinda uyu anouya. Munoona zvandiri kureva zvino? Haagone kuva muvandudzi. Anofanira kunge ari muporofita, nekuti anofanira kuva mumwe munhu ane chipo uye akagadzwa ipapo, anobata Shoko.

<sup>195</sup> Zvino, vavandudzi ava vaiziva kuti paiva nechimwe chinhu chakakanganisika. Luther aizviziva, kuti chingwa ichi chaisava mutumbi waKristu. Uye saka akaparidza, “Vakarurama vachararama nekutenda,” uye ndiyo yaiva mharidzo yake. Zvino John Wesley paakauya, akaona kuti paiva nekucheneswa, saka akaparidza kucheneswa. Ndiyo yaiva mharidzo yake. Maona? MaPentekosti akaunza mharidzo yeMweya Mutsvene, nezvime zvakadaro.

<sup>196</sup> Asi mumazuva ekupedzisira, muzera rino rekupedzisira, mutumwa haasi kuzovamba chero kuvandudza zvako, asi ari kuzotora zvakavanzika zvose zvakasiwa nevavandudzi ava, ozviunza pamwe chete uye ozvigadzirisa kuvanhu. Regai ndingoZviverenga zvakare. Zvinonzwika zvakanaka chaizvo kwandiri! Ndi—ndinofarira kuZviverenga.

...Ndakaona mumwe mutumwa ane simba  
achiburuka kudenga, akapfeka gore: ...  
muraarangu...pamusoro wake, uye chiso chake  
chakanga chakaita...zuva, netsoka dzake sembiru  
dzemoto:

<sup>197</sup> Zvino, takaona chinhu chimwe chete, aiva Kristu. Uye tinoziva kuti Kristu anogara ari iye Mutumwa kuChechi. Zvakanaka. Anonzi iye Shongwe yeMoto, Mutumwa weSungano, nezvimwe zvakadaro.

Uye *akanga akabata bhuku duku rakazarurwa muruoko rwake:...*

<sup>198</sup> Zvino, Zvisimbiso zvanga zvaparurwa, apa. Tiri kuzviparura zvino. Asi, ichi, Chinhu ichi chakazaruka.

...ndokuisa *rutsoka rwake rworudyi pamusoro pegungwa, norworuboshwe rwake...pamusoro penyika,*

Zvino iye *akadanidzira...inzwi guru, seshumba inoomba:* zvino iye *akati...adanidzira,* mitinhiro 7 ikabuditsa *mazwi ayo.* (Ini zvangu! Chakakkwana chacho!)

Zvino mitinhiro 7 yakati yabuditsa mazwi ayo, ini Johane *ndakanga ndonyora* (kunyora chii?) zvayataura: zvino ndakanza *izwi richibva kudenga* (Mwari) *richiti kwandiri, Zarira zwarehwa nomitinhiro 7, uye usazvinyora.* Usazvinyora. (Maona?)

Zvino *mutumwa wandakaona amire pamusoro pegungwa...akasimudzira maoko ake kudenga,*

Uye *akapika naiye anorarama nokusingaperi-peri, akasika matenga, nezvinhu zvirimo, nenyika, nezvinhu zvirimo imomo, negungwa, nezvinhu zvirimo, kuti nguva haingazovepo:*

<sup>199</sup> Tarisai! Musakanganwa izvi zvino, tichienda.

*Asi namazuva (mazuva) ezwi romutumwa wechi 7,...*

<sup>200</sup> Ngirozi yekupedzisira iyi, ngirozi yepanyika. Ngirozi *iYi yakaburuka kubva Kudenga.* Akanga isiri *iYe; iYe akabva Kudenga.* Asi Ari kutaura pano nezveinzwi rengirozi yechi 7, anova iye...*Ngirozi zvinoreva "mutumwa," chero ani zvake anozviziva izvozvo, uye mutumwa kuzera rechechi.*

...*namazuva ezwi romutumwa wechi 7, paachatanga kuridza, chakavanzika (Zvisimbiso Zvinomwe, zvose, zvakavanzika zvose) chaMwari chichapedziswa, sezvaakazivisa kuvaranda vake vaporofita.*

<sup>201</sup> Chakavanzika chose chinobhedhenurwa. Ndiyo shumiro yemutumwa uyu. Maona? Zvichava nyore kwazvo, vanhu vanongodonhera nepamusoro pazvo. Asi, zvakadaro, zvichanyatsosimbisa. Zvichangonyatsozivikanwa. Maona? Wese anoda kuzviona anogona kuzviona. Maona? Ndizvozvo chaizvo. Asi avo...

<sup>202</sup> Jesu akataura, sezvaAkataura paAkauya, akati, “Mune meso, uye hamugoni kuona. Isaya akati makadaro. Maona?

Uye mune nzeve, uye hamugoni kunzwa.” Zvino, saka tinoona kuti...

<sup>203</sup> Zvandivhundutsa izvozvo. Ndatarisa kumashure uko pawachi iyo ndikafunga kuti nguva dzava 10 o'clock. Asi, dziri, nda—ndawana... Hadzisati dzatombosvika 9, nazvino, munoona. Zvakakanaka. Oo, ini zvangu! Ngatizvitorei zvino. Cherechedzai. Ndinozvida izvi.

<sup>204</sup> Vamwe, vavandudzi, asi, nekuva vanhu vaMwari vakuru, vakaona chaidikanwa chezuva iroro, ndokuunza vandudzo.

<sup>205</sup> Asi Zvakazarurwa 10 yakati Mharidzo yake yaizozarura, kwete kuvandudza; kuzarura zvakavanzika. Kuzarura zvakavanzika! IShoko riri mumunhu. VaHebheru 4 inotaura, kuti, “Shoko raMwari rinopinza kukunda munondo unochecka nekumativi ose, rinobaya richipatsanura bvupa, uye ndiro Muzaruri wezvakavanzika zvemoyo.” Maona? Murume uyu haasi muvandudzi. Uyu muzaruri, muzaruri we (chii?) zvakavanzika zvaMwari. Apo machechi akaZvisunganidza zvose nezvimwe zvinhu, anofanira kuuya neShoko raMwari ozarura nyaya yacho.

<sup>206</sup> Nekuti, anofanira “kudzoreredza Kutenda kwevana kuchidzokera kuna baba.” Kutenda kwepamavambo kweBhaibheri kuchadzoreredza nemutumwa wechi 7. Zvino, oo, ndinozvida zvakanyanya izvi! Zvakavanzika zvose zveZvisimbiso, izvo vavandudzi vasina kumbobvira vakanzwisisa zvizere! Maona? Zvino tarisai Maraki 4, kwechinguvana. Zvakakanaka, ingozvinyorai pasi. Uyu muporofita, uye, “anodzoreredza Kutenda kwepamavambo kwemadzibaba.” Zvino tiri kutarisira munhu uyu kuti aoneke panzvimbio. Achange akaninipa kwazvo zvekuti mamiriyoni gumi akapetwa nemamiriyoni gumi acha... Asika, pachava neboka duku richaZvinzwisia.

<sup>207</sup> Apo, munorangarira rimwe zuva, apo Johane aifanira kuuya, akaporofitwa, kuva mutumwa Kristu asati auya, “inzwi reuyo anodanidzira murenje.” Maraki akamuona. Tarisai, chitsauko 3 chaMaraki ndiko kuuya kwaEria aizouya uye otungamira kuuya kwaKristu.

<sup>208</sup> Unoti, “Oo, kwete, kwete, Hama Branham. Chitsauko 4.” Ruregerero ipapo.

<sup>209</sup> Jesu akati chaiva chitsauko 3. Zvino torai Mutsvene... Imi torai Mutsvene Mateo, chi—chitsauko 11 uye ndima 6, Acha—Achazvitura izvi. Chitsauko 11—11, ndinotenda kuti indima 6; 4, 5, kana 6, neche ipapo chaipo. Akati, “Kana muchikwanisa kuzvigamuchira,” paAitaura nezvajohane, “uyu ndiye akataurwa nezvake, ‘Ndichatuma nhume yaNgu pamberi pechiso chaNgu.’” Zvino verengai Maraki 3. Vamwe vavo vanoedza kuzviisa pana Maraki 4. Kwete, changamire, handizvo.

<sup>210</sup> Cherechedzai Maraki 4, mutumwa uyu paanongoenda, nyika inopiswa zvachose, uye vakarurama vobuda vachifamba muMireniyamu, pamadota avo. Saka, munoona, kana mukazviisa kuva ari iye kumashure uko, zvino—zvino Bhaibheri rakataura chimwe chinhu chakanga chisiricho. Tava nemakore 2,000, uye nyika haisati yatsva nazvino, uye vakarurama vachigara mairi. Saka zvinofanira kunge zviri kumberi uko. Oo, ini zvangu!

<sup>211</sup> Kana mukauya neche kuno muna Zvakazarurwa, uye moona zvinofanira kuitwa nemutumwa uyu kumagumo kwezera rino, zvino muchaona zvazviri. Anofanira kunge ari muporofita. Anofanira kubata izvi zvakasaririra izvo vavandudzi ava vasina kuona, oZviisa imomo.

<sup>212</sup> Ko Mateo 28:19 ingaenzaniswa sei naMabasa 2:38, pasina chizaruro chaMwari chemweya? Ko vanhu ava vangataura sei kuti mazuva ezhishamiso akapfuura, nezvimwe zvakadaro, uye (huh!) pasina chizaruro chaMwari? Nzira yoga yavangatozviviza nayo, kuziva kana zvirizvo kana kuti kwete! Maona? Asi vakauya nemumaseminari. Ndinovimba kuti tine nguva yekupinda mazviri.

<sup>213</sup> Ndinoda kukurumidza, nekuti handisi kuda kukuchengetai pano zvinodarika vhiki rose, munoziva zvandiri kureva, izvi, kuzarura Zvisimbiso izvi. Ndine zuva rimwe chete, uye ndingada kunamatira vanorwara pazuva iroro, kana ndikakwanisa.

<sup>214</sup> Zvino tarisai, Maraki 4, muporofita, uye “anodzoreredza Kutenda kwepamavambo kwemadzibaba.”

<sup>215</sup> Panguva yekupedzisira, kana nguva yeKutambudzika yasvika... Zvino hechino chinhu chidiki chatichadzosera kumashure, zvishoma, apo makore 3 nehafu, kana kuti, mavhiki 70 aDhanieri, hafu yekupedzisira yemavhiki 70 aDhanieri, anova makore 3 nehafu. Zvino, isu... Vangani vanozviranganira, kubva mumazera echechi? [Ungano inoti, “Ameni.”—Mupepeti] Maona? “Pane mavhiki 70 akatemerwa.” Tarisai kuti zvakanga zvakakwana zvakadii. Akati, “Mesiya achauya, uye Achagurwa, kuti ave chibayiro, pakati pevhiki, uye basa racho richaguma.” Zvino, kuchine makore 3 nehafu akamirirwa, eDzidziso yaMesiya kumuJudha.

<sup>216</sup> Uye Mwari havashande nemuJudha neMurudzi panguva imwe chete. Vanoshanda neIsraeri senyika, Murudzi semunhu dungamunhu. Havana kumbobvira vakatora Marudzi kuve Mwenga waVo; Vakatora vanhu kubva kuMarudzi. Maona? Zvino Vanoshanda neIsraeri senyika. Uye zvino hapo paigere, ipapo chaipo zvino, senyika.

<sup>217</sup> Ndawana tsamba kubva kuna Paul nhasi, Paul Boyd. Zvino anga achindiudza, akati, “Hama Branham, ichokwadi chaicho! MaJudha aya achine manzwiro asinganzwisisike kuMarudzi,

zvisinei nekuti paitikei.” Chokwadi, vachadaro. Vanofanira kudaro.

<sup>218</sup> Martin Luther paakapa chitaurwa chiya, chekuti, “MaJudha ese anofanira kudzingwa, uye zvivakwa zvavo ngazvipiswe, nekuti vaiva vanaantikristu.” Maona? Martin Luther akaita chitaurwa ichi, pachake, mukunyora kwake. Zvino, Hitler akangozadzisa zvakataurwa naMartin Luther. Sei Martin Luther akataura kudaro? Nekuti aiva muvandudzi, kwete muporofita.

<sup>219</sup> Mwari, kuti, “Muporofita wangu akaropafadza Israeri, akati, ‘Ani naani anokuropafadza acharopafadzwa, uye anokutuka achatukwa.’” Ko mumwe muporofita angamira sei uye oramba zvakataurwa nemumwe muporofita? Haakwanisi kuzviita. Zvinofanira kunge zviri mukuwirirana, munoona.

<sup>220</sup> Asi ndicho chikonzero vanoisa mapoka...Munoona, Germany inofanirwa kunge iri nyika yeChikristu, uye, ivo, mabatiro avakaita Israeri! Vachiri nechigumbu nazvo, uye haugone kuvapa mhosva. Asi ingorangarirai, maJudha akagara pano, musanetseke, zuva riri kuuya! Mwari havangambovakanganwa. Vakapofomadzwa nekuda kwedu.

<sup>221</sup> Munoziva, Vakati kumuporofita, Iye...Muporofita akadanidzira, akati, “Mungakanganwa Israeri here?”

<sup>222</sup> Vakati, “Tora chimuti chiya chokuyeresa; zvino denga rakakwirira zvakadini? Gungwa rakadzika zvakadini?”

Akati, “Handina kukwanisa kuzviyera.”

<sup>223</sup> Vakati, “HaNdingafi ndakakanganwa Israeri.” Ndivo vanhu vaVo, varanda vaVo.

<sup>224</sup> Uye Marudzi, vashoma chete vanotorwa kubva imomo, vave Mwenga waKe. Ndizvozvo chaizvo. Ndiwo Mwenga.

<sup>225</sup> Zvino, mavhiki 70 akatemerwa, zvakanyatsokwana, sezvakataurwa naDhanieri kuti Mesiya aizouya uye aizogurwa pakati pevhiki. Zvino Jesu akaporofita makore 3 nehafu. Zvino, pakati peaya, makore 3 nehafu aDhanieri, pakati paro, Akagurwa. Asi zvino chikamu chekupedzisira inguva yeKutambudzika, pane kereke yeMarudzi. Oo, izvi zvikuru! Zvino musapotsa. Mwenga unopinda pamwe neChikomba; zvino, mushure meMireniyamu, unobuda uchifamba napamusoro pemadota evakaipa.

<sup>226</sup> Regai ndikuratidzei chimwe chinhu pano, tichingori nazvo mupfungwa. Ngatingokuratidzai zvaRakataura, zvinotaurwa neBhaibheri. Uye hatigoni kuramba kuti iRi iShoko raMwari. Kana tikadaro, ipapo hatisi vanamati. Munoona, tinofanira kuZvitenda. Unoti, “HandiZvinzwisise.” Kana nenivo. Asi ndiri kutarisira kuti iVo vaZvizarure. Tarisai.

*Nokuti, tarirai, zuva rinouya, richapisa sechoto;  
zvino vose vanozvikudza (sevanhu vemuAmerica,*

nevamwe vakadaro), hongu,...*vose vanoita zvakaipa, vachava mashanga:* (Zvichatsva.) uye *zuva rinouya*, randichavapisa, *ndizvo zvinotaura JEHOVHA wehondo*,... haringavasiiri *mudzi kana davi*.

<sup>227</sup> Wakawana sei gehena raZiyendanakuenda imomo zvino? Munoona, mazuva okupedzisira, apo zvinhu izvi zviri kuzarurwa. Hamuna nzvimbo muBhaibheri inoti gehena nderaZiyendanakuenda. Saka, kuva...kuti uve mugehena raZiendanakuenda, unofanira kuva neHupenyu Husingaperi kuti ugaremo. Kune mhando imwe chete yeHupenyu Husingaperi, uye ndiwo watiri kushingairira. Chose, chine mavambo, chine magumo. “Gehena rakasikirwa dhiyabhore nevatumwa vake,” uye richapedzwa nekuparadzwa. Ndizvozvo. Maona? Asi kana izvi zvaitika, “Hazvivasiire mudzi kana davi.”

Asi kune avo vanotya zita rangu *Zuva rokururama richasimuka nekupodza mumapapiro aro; ... muchabuda, sekukura semhuru dzomudanga.*

*Muchatsikira vakaipa pasi; nokuti vachava madota pasi petsoka dzenyu nezvula randichaita izvozvi, ndizvo zvinotaura JEHOVHA wehondo.*

<sup>228</sup> Vakaipa vachavepi mushure meKutambudzika? Madota.

*Rangarirai... mirayiro yaMosesi... yandakamuraira... paHorebhi yavaIsraeri vose, uye zvandakatema nezvandakaraira.*

*Tarirai, ndichatumira kwamuri muporofita Eria zuva iroro guru raJEHOVHA rinotyisa risati rasvika:*

<sup>229</sup> Ameni! Heino Testamende Yekare ichipfigwa saizvozvo, uye heino Testamente Itsva ichipfigwa nechinhu chimwe chetecho. Uchazvidzivisa sei? Haukwanise. Tarisa, “Ndichakutumirai Eria muporofita zuva iroro risati rasvika.”

Uye *iye achadzorera moyo yamadzibaba kuvana, nemoyo yavana kuna madzibaba, kuti ndirege kuuya ndirove nyika nokutuka.* (Uh!)

<sup>230</sup> Hezvoka izvo. Ndiro Shoko raShe. Akazvivimbisa. Rinofanira kuuya. Uye zvino kana mukacherechedza kuti izvi zvinoitika sei. Zvakakanaka, Mwari maitiro avanozviita. Mwenga anoenda, pamwe chete neChikomba. Uye—uye shure kwaizvozvo, vakaipa vachapiswa nemoto usingadzimike. Uye mushure mekunge nyika yachenewa, inozvivandudza. Chinhu chose chinofanira kudaro, chinofanira kupinda nemuchinhano chekucheneswa.

<sup>231</sup> Matombo akanyungudika anopisa achabuda munguva huru iyi yekupedzisira, uye nyika ichaputika, nekupwititika, zvigoenderera; uye zvidziva zvetsvina zvose izvi zvechivi, nezvose zviri panyika, zvichanyungudutswa kusara pasisina chinhu. Zvichatsva nekupisa kwakanyanyisa, zvekuti zvichange

zvakaita sejiki inotumira ru—ruvara rwe—rweingi kudzokera kumasikirwo arwo epamavambo. Ndizvovo Moto unobva kuna Mwari uchange uchipisa kwazvo, uchadzorera chinhu chose chine tsvina kumamiriro acho zvakare, apo Satani nechivi chose zvichapiswa, nezvose. Uye zvakare ichabuda yakanaka sezvayaiva mubindu reEdheni. Ndizvozvo. Oo, nguva huru iyi ingori mberi kwedu chaiko!

<sup>232</sup> Munguva yeKutambudzika... Hezvino zvandinoda kuti mucherechedze zvino, kanhu kadiki kandadonhedzera muno. Imo munguva yeKutambudzika uku, mushure mekunge Mwenga wadanirwa kunze, uye chechi yapinda nemunguva yeKutambudzika, 144,000 vanodanwa nezvapupu 2 zvaZvakazarurwa 11. Zvino tarirai. Vachaporofita, mazuva 1,260, vakapfeka masaga.

<sup>233</sup> Zvino, tinoziva karenda yeRoma iyi ine... Tine mazuva 28 uye, dzimwe nguva, ne 30, ne 31. Asi, chaizvo, karenda iyi inoverenga kuti, mazuva 30 kumwedzi wega-wega. Ndizvozvo. Uye tora 100...mazuva 1,260, woaisa ari muzvikamu 30 kwairi, uone kuti unowanei. Makore 3 nehafu, chaizvoizvo akakwana. Ndiyo nguva yakatarwa, nguva yekuti Mharidzo yaMesia iparidzwe kuIsraeri, sezvayakanga iri kumashure uko. PaAnodzoka ozvizivisa pachaKe, mumufananidzo kuti paAnozouya...

<sup>234</sup> Apo, Josefa akaendeswa zasi kunyika, uye akarambwa nevakoma vake, nokuti akanga ari munhu wemweya. Aigona kuona zviratidzo nekududzira hope. Uye paakadaro, akaendeswa zasi kunyika ndokutengeswa potse nemasirivheri 30. Akaratidza Kristu, chaizvoizvo, nekuti wakanga uri Mweya waKristu waiva maari.

<sup>235</sup> Cherechedzai zvakaitika zvino. Uye cherechedzai kuti, paakaita izvi, akaiswa mutorongo, uye murume 1 akaponeswa uye mumwe wacho akarasika. Chaizvoizvo Jesu, paAkanga ari mutorongo pamuchinjikwa, mbavha 1 yakaponeswa uye imwe yacho ikarasika, chaizvoizvo.

<sup>236</sup> Akakandwa muguva, achinzi afa, ndokuburitswa, uye akakwira kuruoko rwerudyi rwaFarao, zvekuti hapana aigona kuona Farao asina kutanga aona Josefa. Jesu agere kuruoko rwerudyi rwaMwari, uye hapana munhu angauya kuna Baba kunze nekune Mwanakomana. Ndizvozvo.

<sup>237</sup> Uye cherechedzai nguva dzose Josefa paaibva, Josefa paaisimuka kubva paruoko rwerudyi irworwo rwechigaro chehushe. Tarisai! Kubwinya! Hapo Josefa agere, paruoko rwerudyi rwaFarao. Zvino Josefa paaisimuka, kuti abve pachigaro chehushe ichi, hwamanda yairira. "Pfugamai nebvi, munhu wese! Josefa ari kuuya!"

<sup>238</sup> Kana Gwayana iri robva paChigaro chehushe, mhiri uko, pamazuva aKe ebasa rekuyananisa, paAchabva paChigaro

chehushe kumusoro uko, uye otora Bhuku reRudzikinuro iri ofamba achienda, ibvi rose richapfugama. Hoyo Uyo. Cherechedzai.

<sup>239</sup> Zvino Josefa, paakaramba nevakoma vake, akapihwa mudzimai weMarudzi. Potiferi akanga amupa...Kana kuti, Farao akamupa mu—mudzimai weMarudzi, uye akabereka vana veMarudzi, hafu Murudzi nemuJudha. Vanopa mufananidzo mukuru. Jakobho paaivaropafadza, Efuremu kune rumwe rutivi uye Manase kune rumwe, akachinjika maoko ake ndokupa mwana mudiki wacho ropafadzo. Zvino vana 2 ava vakawedzerwa kune marudzi 12, ayo aingova 10 panguva iyoyo, zvino akavaropafadza muna Jakobho pachake. Zvino Josefa, mwanakomana wake muporofita, amirepo, akati, “Baba, makanganisa.” Akati, “Maisa maropafadzo eruoko rwenyu rwerudyi pamwana mudiki, irwo rwuchifanira kuenda pamukuru.”

<sup>240</sup> Zvino akati, “Ndiri kuziva kuti maoko angu achinjika, asi Mwari ndivo vaachinjika.” Sei? Israeri, iine kodzero dzekuva Mwenga, yakaramba uye ikatengesa hudangwe hwavo, uye... akabva kumwanakomana wekare, Israeri, kuenda kune mutsva, weMarudzi. Uye maropafadzo akabva ipapo, kubudikidza nemuchinjikwa, achienda kune weMarudzi.

<sup>241</sup> Asi cherechedzai shure kwaizvozvo, munona, kubudikidza naizvozvo, apo zvose...Akanga atora mwenga wake. Asi vakomana ivavo pavakadzika zasi kuzotenga zvekudya...

<sup>242</sup> Oo, uyu mufananidzo wakanaka kwazvo! Ndabva paChisimbiso ichi, asi ndinofanira kuzvitura, munona, nekuti muchawana mufananidzo wacho zviri nani, ndinotenda kudaro. Cherechedzai.

<sup>243</sup> Zvino, pavakauya kuzotenga zvekudya, munoziva, Josefa akabva avacherechedza pakare ipapo. Zvino Josefa akanga ari mwanakomana wokubudirira. Chero kwaaienda, zvaibudirira nguva dzose.

<sup>244</sup> Imi mirirai kusvikira Auya panyika zvakare; mirirai kusvikira Josefa wedu auya! Maona? “Renje richatumbuka seruva rerozi, uye Zuva roKururama richabuda nekupodza mumapapiro aRo.” Oo, ini zvangu! Madhorofiyo ese ayo muArizona achapetenuka kuita miti yakanaka, uye zvicha—uye zvichange zvakanaka.

<sup>245</sup> Cherechedzai, hoyo achiuya, zvino akatamba nepfungwa dzavo zvishoma ipapo. Zvino anotuma, ndokuti, “Baba vangu vachiri kurarama here?” Maona? Aida kuziva kana baba vomukomana uyu vairarama. Vakati, “Hongu.” Akaziva kuti aiva munin’ina wake. Asi macherechedza here paakagadzirira kuzvizarura kuvakoma vake?

<sup>246</sup> Zvino akawana Bhenjamini muduku, akanga aberekwa kubva paakanga aenda. Zvino izvozvo zvinomiririra majudha

aya, 144,000 ava vari kuungana ikoko chaiko zvino kubva zvaAkaenda. Zvino paAkadzoka, Akati...Akatarira Bhenjamini; moyo wake wakanga woda kupamuka.

<sup>247</sup> Uye, rangerirai, vaiva...iye...Havana kuziva kuti aigona kutaura chiHebheru. Akanga achitora muturikiri. Aiita semuEgipita. Maona? Uye zvakare pazvakazivisa, akada kuzvizivisa pachake, akaramba akatarisa pana Benjamini mudiki. Uye, rangerirai, akabuditsa mudzimai wake. Akanga ari mumuzinda wamambo paakazvizivisa kuhama dzake.

<sup>248</sup> Uye Mwenga weMarudzi, Mudzimai, mushure mekunge Jesu arambwa nevanhu vaKe pachaKe, Akatora Mwenga weMarudzi. Uye achaMutora kubva pano, kuenda kuMuzinda wamambo, kuImba yaBaba vaKe muKubwinya, kuMabiko eMuchato. Uye achaverevedza achidzokera pasi, kuti aZvizivise kuhama dzaKe, 144,000...?...nguva iyoyo.

<sup>249</sup> Hapo paamire. Uye, rangerira, tarisai pamufananidzo zvakanyatsokwana. Zvino paakadzoka kwaiva neizvi, akatarisa zasi kwavari, uye akati—akati...akatanga kutarisa. Zvino vakatanga kutaura. Vakati, “Zvino, Rubheni, unoziwa kuti tacheckera zvino, munooна. Nekuti, unoziwa zvatakaita. Takapinza mukomana uyu parumananzombe urwu. Zvino, taisafanira kunge takatengesa munin’ina wedu.” Akanga ari munin’ina wavo ainge akamira ipapo, muchinda mukuru uya, zvino vakanga vasingazvivive.

<sup>250</sup> Ndicho chikonzero Israeri isingaMunzwisisise nhasi. Handiyo nguva nazvino yekuzviziva.

<sup>251</sup> Uye zvakare, iye, vaifunga kuti aisanzwisia chiHebheru, asi ainge achitovateerera chaizvo. Vakati, “Tazocheckera zvino.” Zvino Josefa, paakavatarisa, haana kugona kuzvibata zvakare.

<sup>252</sup> Zvino, rangerirai, mudzimai wake nevana vakanga vari mumuzinda wamambo panguva iyi. Vatsvene vabuda, kubva muhupo uhwu.

<sup>253</sup> Zvino akati, “Ndini Josefa, hama yenu.” Zvino akamhanyira akabata nesimba Benjamini mudiki, akawira pamutsipa wake, ndokutanga kuchema. Maona? Zvino akazvizivisa.

<sup>254</sup> Vakabva vati, “Zvino tava kuzozviwana, nekuti takamutengesa. Ndisu takamutengesa. Ndisu takaedza kumuuraya, zvino tinoziwa kuti achatiuraya.”

<sup>255</sup> Akati, “Kwete, Musazvigumbukire, makangozviitira kuchengetedza hupenyu. Ndosaka Mwari vakanditumira zasi kuno.”

<sup>256</sup> Uye paAnoZvizivisa, Bhaibheri rakati izvo...apo tichipinda mazvir. PaAnoZvizivisa kune 144,000 ava ikoko, uyu Bhenjamini mudiki wanhasi, uye musarirwa wemaJudha

vakasara ikoko; paAnoZvizivisa, vachati, "Ko Wakawanepi mavanga iwayo? Ndeeyiko muruoko rwaKo?"

<sup>257</sup> Iye achati, "Oo, ndakaawana muimba yeshamwari dzaNgu." Maona? Oo, zvino vachazocherechedza kuti vakauraya Mesiya. Asi Achati kudii? Zvimwe chete nezvakaitwa naJosefa. "Makazviitira kuti mushumire hupenyu; regai...kuponesa hupenyu. Musazvigumbukira." Nekuti, izvo, veMarudzi vangadai vasina kupinzwa dai maJudha aya asina kunge akatamba nepfungwa yekuvharwa maziso. Saka, Akaponesa hupenyu hweChechi, nezvinhu zvavakaita. Zvino hezvoka izvo. Ndicho chikonzero, nhasi, havakwanise kunzwisia iZvi; haisi nguva yacho.

<sup>258</sup> Nesuwo taisanzwisisa zvinhu izvi kusvikira nguva yacho yekuti Zvinzwisiswe yawkana. Oo, ini zvangu! Mitinhiro Minomwe yemuna Zvakazarurwa! Dai Aratidza Mwenga magadzirirwo ekutenda kukuru kwekushandurwa!

<sup>259</sup> Zvino ngatichimbidzei, nekuti hatisisina maminitsi anokwana 15, kana 20 zvino.

<sup>260</sup> Zvino, bhiza jena iri rinorevei? Regai ndiverenge...Ndanga ndiri kure kwazvo; ndiregerereiwo nekubva pachidzidzo changu. Asi, asi ndichaverenga vhesi zvakare, mavhesi 2.

*Zvino ndakaona Gwayana parakazarura chimwe chezvisimbiso, ndikanzwa, serwaive ruzha rwemutinhiro, uye chimwe chezvipuka 4 chichiti, Uya...uone.*

Zvino ndakatarira, *ndikaona bhiza jena:...*

<sup>261</sup> Zvino tave kuenda kuvhesi yechi 2 yacho.

*...bhiza jena: naiye akanga akaritasva akanga ano uta; zvino korona yakapiwa kwaari, (akanga asinayo panguva iyoyo)...kwaari: uye akabuda achikunda, uye kuti akunde.*

<sup>262</sup> Ndizvo zvose zvacho. Ndicho Chisimbiso chacho. Zvino ngatitsvagei mifananidzo yacho.

<sup>263</sup> Tawana zvinoreva Mutinhiro. Ndizvo chaizvo, tinozviziva izvozvo, munooona. Mutinhiro uYu waiva Inzwi raMwari, pakazaruka Chisimbiso.

<sup>264</sup> Zvino, bhiza jena rinorevei? Zvino, hepano panouya chizaruro chacho. Ndine chokwadi neizvi, sezvandakamira pano, ndichiziva kuti iri iShoko.

<sup>265</sup> Ndakaverenga bhuku rose pamusoro pazvo randaigona kuwana. Uye ne...Ini...Nguva yekupedzisira yandaka—ndakaedza kuti ndipinde mazviri, ndichingozvidzidzisa, makore angangoita 30 apfuura, ndakatora bhuku...Mumwe munhu akanga andiudza kuti maSavadha vane ruzivo rwakawanda paKuuya kwechipiri kwaKristu kupfuura chero ani wavanoziva,

saka ndakawana mamwe emabhuku avo akanaka, kuti ndizviverenge. Ndine bhuku raSmith pamusoro paDhanieri, rezvizaruro. Zvino akati bhiza jena iri rakabuda rakanga riri jena, uye zvaireva kuti mukundi. Uye mukukunda uku... Vazhinji venyu hama maSavadha pano munoziva bhuku iri, uye vazhinji venyu vamwe vacho, zvakarewo, nokuriverenga. Uye—uye mamwe, ndakaverenga 2 kana kuti 3. Ndakaverenga, uye handikwanise kudoma... Pane mamwe mabhuku 2 andakaverenga, uye varume vaviri vakabvumirana kuti ndizvo. Ava vaiva vadzidzisi vakaisvonaka, vanofanirwa kunge vari vamwe vevakanakisa vacho, vane chiedza chakanakisa chacho. Saka ndakafunga, “Manje, ini kana ndisingazine, ndichangotaurawo zvavakataura, ndoedza kuzvidzidzisa nenzira iyoyo.”

<sup>266</sup> Vanopa tsananguro yakanaka kwazvo pazviri, kuti zvainyatsorevei. Ivo ndokuti, “Zvino, herino bhiza jena, uye bhiza jena isimba, hachi rakasimba.” Uye vakati, “Murume akagara pariri, raive bhi—bhiza jena iri, waiva Mweya Mutsvene wakabuda muzera rekutanga ndokukundira zera iroro kuHumambo hwaMwari. Akanga aine uta muruoko rwake, izvo zvaireva, saCupid, akafura miseve yerudo mumoyo yevantu, rudo rwaMwari, uye akakunda.”

<sup>267</sup> Zvino, zvinonzwika sezvakana chaizvo, asi hachisi Chokwadi. Kwete, changamire. Hongu. Zvakanga zvisirizvo. Huchena zvinoreva kururama. Isu—isu tinozvicherechedza izvozvo. Huchena zvinoreva kururama. Vadzidzisi vakazvidzidzisa, kuti wakanga uri Mweya Mutsvene uchikunda muzera rekutanga; asi chizaruro changu, neMweya Mutsvene, hachisi nenzira iyoyo.

<sup>268</sup> Chiratidzo changu, neMweya Mutsvene, hechi: Kristu neMweya Mutsvene Munhu mumwe chete, muchimiro chakasiyana bedzi. *Saka, hepano* pamire Kristu, Gwayana. Tinoziva kuti Aiva Gwayana. Akanga akamira *apa* neMabhuku muruoko rwaKe; uye *hoyo* mutasvi webhiza jena achienda, munoonaa, saka wakanga usiri Mweya Mutsvene.

<sup>269</sup> Zvino, ndicho chimwe chezvakavanzika chemazuva ekupedzisira, kuti Kristu anogona kuva vanhu 3 mune Mumwe. Havasi vanhu 3 vakasiyana, Baba, Mwanakomana, neMweya Mutsvene, vari vanaMwari 3, sekuedza kunoita vanhu vanotenda muhutatu kutiudza kuti Ndizvo. Kutatu, kuratidzwa kutatu kweMunhu mumwe chete. Kana kuti, munogona kuadaidza kuti mahofisi 3. Kana uri kutaura nevashumiri, haungashandisi kuti hofisi; nekuti, zvino, ndazokaruka ndafunga kuti, ndiri patepi. *Saka* ndichakuudzai... Chokwadi, Kristu haaikwanisa kuti, “Ndichakumbira hofisi yaNgu, uye Achakutumirai imwe hofisi.” Tinozviviza. Asi kana uchida kuzuviita... Hunhu 3 hwaMwari mumwe chete. Maona? Havasi vanaMwari 3. Hunhu 3 hwaMwari mumwe chete! Maona?

<sup>270</sup> Zvino saka Kristu angave sei kunze *uko*, bhiza jena, achikunda, uye akamira *pano* ane Bhuku muruoko rwaKe? Handizvo, zvisinei. Haasi Kristu uyu.

<sup>271</sup> Cherechedzai zvino, Mweya Mutsvene (muchizaruro) naKristu, ndiwo, Mweya Mutsvene ndiKristu mune chimwe chimiro. Ndizvozvo.

<sup>272</sup> Cherechedzai, iGwayana rakazarura Mabhuku, uye Gwayana ndiKristu. Uye Kristu haachazoonekwi zvakare, kubva ipapo, asi Anoonekwa muBhuku raZvakazarurwa, chitsauko 19, achiuya akatasva bhiza jena.

<sup>273</sup> Kana muchida kuzviverenga, ngativhurei kuna Zvakazarurwa 19:11, 6-... Uye tongoiverenga neukasika chaiko zvino tichiri—tichiri... Tine nguva yakakwana, ndinovimba kudaro, saka zvichaita zviri nani zvishoma kwatiri. 19, 19:11, kutanga pandima yechi 11, uye tichiverenga tichidzika, kusanganisira yechi 16.

Zvino *ndakaona* denga rakazarurwa,...*ndikaona bhiza jena*; (kwete panyika; Kudenga, munoonaa) *naiye akanga agere* pamusoro *paro* ainzi *Akatendeka...* *Wechokwadi*,...*mukururama* iye *anotonga nokurwa hondo*.

*Meso ake aiva...mirazvo yomoto*, uye *nepamusoro wake* pakanga pane korona *zhinji*, (tarirai korona yacho!); uye *wakanga ane zita rakanyorwa*, *risina kuzivikanwa nomunhu*, asi...*naiye bedzi*.

<sup>274</sup> Ndinoshuva kuti dai ndambomira ipapo kwechinguvana. Oo, ini zvangu! Ndine pfungwa yakanaka, asi... Pamwe ndaigona, kana imi... [Ungano inoti, “Endererai mberi!”—Mupepeti]

<sup>275</sup> Munoonaa, hapana anoRiziva. Makambovviziva here kuti Zita rekuti *Jehovah* handiro? Chero ani zvake anozviziva. Chiremba Vayle, munoziva kuti ichokwadi. Vadudziri havana kumbokwanisa kuRidudzira. Rinopereterwa kuti J-u-h-v... J-v-h-u, waro. Harizi *Jehovah*. Havana kukwanisa kuRibata. Havazive zvaRiri. VakaRiti *Jehovah*, asi rakanga risiri Zita raKe.

<sup>276</sup> Tarisai, pese panova nekukunda, kana chimwe chinhu chinoitika, zita rinoshandurwa.

<sup>277</sup> Tarisai pamazuva aAbrahama. Aiva, kutanga, Abrama, uye haana kuzombokwanisa kuva nemwana uyu kusvikira zita rake rashandurwa kuva Abrahama. Uye Sarai, S-a-r-a-i, hapana chaakakwanisa kuva nacho kunze kwechizvaro chakafa kusvikira zita rake rashandurwa kuva S-a-r-a.

<sup>278</sup> *Jakobho* zvinoreva “gweregwere, munyengeri,” uye ndizvo zvaakaita. Akazvipfekedza dehwe ramakwai, ndokunyengera baba vake muporofita, kuti atore hudangwe. Akaisa matanda emupopura mumvura, ndokuaisa makwapa, okuvhundutsira

mombe padzainge dzine zamu re...dziine vana vadzo, kuti dziite mombe namakwai zvine makwapa. Hapana chimwe kunze kwekuva munyengeri!

<sup>279</sup> Asi humwe husiku akabata chimwe Chinhu chemazvirokzwazvo, uye akaziva kuti Chaive chemazvirokzwazvo. Uye akagara naCho, ndokubatirira kusvikira akunda. Zvino zita rake rakashandurwa, ave kunzi *Israeri*, zvichireva “muchinda ane simba pamberi paMwari.”

<sup>280</sup> Ndizvo here? Mukundi wese!

<sup>281</sup> Simoni akanga ari muredzi wehove. Asi kutenda kwake pakwakabata nekuziva kuti aive Jesu, paAkamuudza kuti Aive Mesiya, nekumuudza kuti zita rake ndiani uye kuti zita rababa vake raive ani, akakundwa, akashandurwa kubva kuna Simoni kuva Petro.

<sup>282</sup> Sauro, zita rakanaka. Sauro, akanga ari mambo imwe nguva muIsraeri, asi uyu, rekuti *Sauro*, rakanga risingakodzeri pamuapostora. Rinogona kunge rakanaka pana mambo, asi kwete muapostora. Saka Jesu akashandura zita rake (kubva kuna ani?) kubva kuna Sauro kuva Pauro.

Tarisai “Vanakomana vemutinhiro,” uye zvichienda zvichidzika.

<sup>283</sup> Uye, Jesu, Zita raKe panyika rakanga riri “Mudzikinuri,” Jesu. PaAive panyika, Aive Mudzikinuri, ichokwadi. Asi paAkakunda rufu negehena, uye akazvikunda, akakwira Kumusoro, Akagamuchira Zita idzva. Ndicho chikonzero muchikwamatata nenzira yavanoita, uye hapana chavanobata.

<sup>284</sup> Zvichazarurwa muMitinhiro. Uh-huh. Maona? Cherechedzai zvakavanzika. Ari kuuya, akatasva...Panofanira kuva nechimwe Chinhu chinoshandura Chechi iyi. Munozviziva. Panofanira kuva nechimwe Chinhu. Cherechedzai, “Hapana munhu aiziva, kunze kwake iYe.” Zvino, cherechedzai, “Hapana aiziva, asi iYe ega.”

*Zvino akanga akapfeka nguo yakanyikwa muropa:  
uye zita rake rainzi Shoko raMwari.*

Oo, ini zvangu! Cherechedzai!

*Uye hondo dzaiva kudenga dzakamutevera  
dzakatasva mabhiza machena, dzakafuka mucheka  
wakanaka, muchena uye usina tsvina.*

*Uye mumuromo make munobuda munondo unopinza,  
kuti arove marudzi nawo: uye achavatonga netsvimbo  
yedare: uye anotsika chisviniro chehasha nekutsamwa  
kwaMwari waMasimba ose.*

*Uye panguo yake napachidya chake pakanga  
pakanyorwa zita rinoti, MAMBO WAMADZIMAMBO,  
NAISHE WAMADZISHE.*

<sup>285</sup> Hoyo Mesiya ouya. *Hoyoka uYo*; kwete muchinda uyu ari pabhiza kumashure *kuno*. Tarisai musiyano wacho. Pano Amire neBhuku muruoko rwaKe, *pano* apa, basa rerudzikinguro richango... Akanga asati atora nzvimbo yaKe. Saka, akanga asiri Kristu aienda uyu, Mweya Mutsvene.

<sup>286</sup> Ndisiri hangu kupikisa varume vakuru ava. Kwete, changamire, handidaro. Handingadi kudaro, asi izvi ndizvo—ndizvo zviri chizaruro changu pamusoro paZvo. Maona? Kana uine chimwe chinhu chakasiyana, saka, zvakakanaka, asi handizvo kwandiri. Munoona, ndi—ndinoZvitenda nenzira iyi. Munoona, zvino, munoziva chii. Maona?

<sup>287</sup> Uye, cherechedzai, Kristu haachaonekwi zvachose, munoona, kubva panguva iyoyo. Asi Ari pabhiza jena. Saka kana muchinda uyu akatasva bhiza jena, anogova mutevedzeri waKristu chete. Maona? Mazvibata here? [Ungano inoti, “Ameni.”—Mupepeti]

<sup>288</sup> Cherechedzai, mutasvi ari pabhiza jena haana kana zita. Anogona kushandisa madunhurirwa 2 kana 3, munoona, asi haana kana zita.

<sup>289</sup> Asi Kristu ane Zita! Chii ichocco? Shoko raMwari. Ndizvo zvazviri. “Pakutanga Shoko rakanga riripo, uye Shoko rakanga riri kuna Mwari, uye Shoko rakanga riri Mwari. Zvino Shoko, rakaitwa nyama.” Maona? Mutasvi uyu haana zita, asi Kristu anonzi “Shoko raMwari.” Ndizvo zvaAri. Anodaidzwa kudaro. Zvino Ane Zita risina munhu anoziva; asi anonzi, “Shoko raMwari.”

Muchinda uyu haana zita raanodanwa, munoona, asi ari pabhiza jena.

<sup>290</sup> Mutasvi uyu haana miseve yeuta hwake. Mazvicherechedza here? Aive neuta, asi hapana chakataurwa nezvekunge aine miseve, saka anofanirwa kunge ari munyengeri. Ndizvozvo. Zvichida ane kutinhira kwakawanda, asi pasina mheni. Asi munoona, Kristu aive nezvose mheni nekutinhira, nekuti mumuromo maKe munobuda Munondo unopinza unochecka nekumativi ose, uye Anorova marudzi naWo. Muchinda uyu hapana chaanogona kurova, munoona, asi ari kutamba chikamu chekuva munyengeri. Ari kuenda hake, akatasva bhiza jena, achienda kunze kunokunda.

<sup>291</sup> Kristu ane Munondo unopinza, uye, tarisai, Unobva mumuromo maKe. Shoko benyu, ndiro, Shoko raMwari rakazarurwa kuvaranda vaKe. SezvaVakataura kuna Mosesi, “Enda, umire ipapo, ubate tsvimbo iyoyo ikoko; udane nhunzi,” zvino kukava nenhunzi. Chokwadi. Chero zvaakataura, Vakazviita; uye zvakaitika, Shoko raVo benyu. Mwari neShoko raVo Munhu mumwe chete. Mwari iShoko.

<sup>292</sup> Ndianiko mutasvi uyu akavanzika wezera rechechi yekutanga zvino? Ndiyaniko? Ngatifungei nezvazvo. Ndiyani

uyu mutasvi akavanzika anotangira muzera rechechi yekutanga uye anotasva chaizvo achienda kunopinda muna Ziyendanakuenda, achienda kumagumo?

<sup>293</sup> Chisimbiso Chechipiri chinouya uye choenda kunze uko chaiko kumagumo. Chisimbiso Chechitatu chinouya uye choenda kunze uko chaiko kumagumo. Chechina, Chechishanu, Chechitanhatu, Chechinomwe, chimwe nechimwe chazvo, chinoperera kuno chaiko kumagumo. Uye panguva yekupedzisira, Mabhuku aya ainge akamonwa nguva yose iyi, ane zvakavanzika izvi maari, Rinoparurwa. Zvino panobuda zvakavanzika, kuona kuti chii. Asi, chaizvoizvo, zvakatangira pazera rechechi yekutanga, nokuti chechi, zera rechechi yekutanga, rakagamuchira Mharidzo seino iYi.

<sup>294</sup> “Mutasvi webhiza jena akabuda.” Maona? Anombova aniko? Ane masimba musimba rake rekukunda. Muchinda mukuru musimba rake rekukunda. Munoda here kuti ndikuudzei kuti ndiani uyu? Ndiye wacho antikristu. Ndizvo chaizvo zvaari. Zvino, nekuti, munoona, kana antikristu; Jesu akataura, kuti, “Ava 2 vachange vari pedyo napedyo kusvikira zvaizonzyengera Vasanangurwa chaivo (Mwenga) dai zvaibvira.” Antikristu, mweya waantikristu uyu.

<sup>295</sup> Rangarirai, mumazera echechi, patakazarura zera rechechi yekutanga kumashure uko, takaona kuti Mweya Mutsvene waipesana nechimwe chinhu chavakatanga muzera iroro rechechi, uye icho chainzi “mabasa evaNikoraiti.” Munozvirangarira here? [Ungano inoti, “Ameni.”—Mupepeti] Niko zvinoreva kuti “kukunda.” Raiti zvinoreva “chechi,” ungano. ChiNikoraiti, “kukunda ungano.” “Kubvisa Mweya Mutsvene kubva muChechi nekuUpa wose kumunhu mumwe chete mutsvene. Momurega ave changamire wazvo zvose.” Makapfuura nemazviri, munoona, chiNikoraiti. Cherechedzai, chiNikoraiti chaiva “chi—chitaurwa,” mune imwe chechi. Chikava “dzidziso yechechi,” muzera rechechi yakazotevera. Zvino muzera rechechi yechi 3, kwaiva “kumbunyikidza,” uye vakava neKanzuru yepaNicaea. Uye ipapo chikabva chaitwa dzi—dzidziso muchechi. Zvino chii chekutanga chakaitika? Sangano kubva mazviri! Zvino, ndizvo here?

<sup>296</sup> Ndiudzei kuti chechi yekutanga yakaitwa sangano yakabva kupi. Chechi yeRoma Katorike! Ndiudzei kana Zvakazarurwa isingati, muBhuku raZvakazarurwa 17, kuti, “Yaiva mhombwe, uye vanasikana vayo vaiva zvipfeve.” Ndicho chinhu chimwe chete chakaita sangano pamwe naye, “zvipfeve.” “Vachitora zvinonyangadza, tsvina yeupombwe hwavo, kuita dzidziso yechechi.” “Kudzidzisa seDzidziso yechechi mirairo yevanhu.” Cherechedzai.

<sup>297</sup> Tarisai, anotanga hake kukunda. Cherechedzai, haana korona. Mutasvi webhiza jena uyu, wandiri kutaura nezvake

pano. Maona? “Uta; uye korona yakapihwa kwaari, mushure mazvo.” Maona? Akanga asina korona, pakutanga pacho, asi akazopihwa korona. Cherechedzai, gare-gare akapihwa korona, hongu, 3 chaidzo, 3 mune 1. Aya aiva makore 300 akatevera, paKanzuru yepaNicaea. Paakatanga, mweya wechiNikoraiti, kuumba sangano pakati pevanhu. Ndokubva zvaramba zvichienda, zvichienda, zvichienda, zvikava “chitaurwa,” zvikabva zvazova “dzidziso yechechi.”

<sup>298</sup> Munorangarira, Kristu achitaurazve kuchechi, akati, “Unovenga mabasa evaNikoraiti, aNdinovenga, nenliwo.” Kuedza kukunda, kutora Mweya Mutsvene pamunhu 1 mutsvene bedzi; aikwanisa kuregerera zvivi zvose nezvimwe zvose.

<sup>299</sup> Zvino tangozviverenga ipapo, Pauro akataura nezvazvo. Chinhu ichi chaizogara mumazuva ekupedzisira. Uye haaikwanisa kuzarurwa kusvika pamazuva ekupedzisira. “Zvino, iYe anotendera, achatora Mweya waMwari kubva imomo; uye obva azvizarura pachake.”

<sup>300</sup> Nhasi akazvivanza sebhiza jena. Tarisai kuti anoshanduka sei kubva pabhiza jena iroro, mumaminetsi mashoma. Haangove bhiza jena chete; anova chikara chine misoro nenyanga dzakawanda. Maona? Maona? Bhiza jena, munyengeri zvino, uye ndicho chikonzero vanhu vainge vasati vazviziva nguva yose iyi. Vakazvifunga. Asi hezvinoi izvi zvino, zvichazarurwa neGwaro. Cherechedzai.

<sup>301</sup> Apo chiNikoraiti, munoona, antikristu, pakupedzisira ndiyе ari munyama yemumunhu, obva apfekedzwa korona. Paanotanga, semweya wechiNikoraiti muchechi, anenge ari mweya. Haugone kupfekedza mweya korona. Asi makore 300 akazotevera, akazova papa, ndokubva vamupfekedza korona. Akanga asina korona, pakutanga. Asi akawana korona, pamberi apo, munoona, pakapinda mweya uyu munyama. Maona? Akava munhu. Dzidziso yechiNikoraiti yakava munhu, zvino vakabva vachikwanisa kumupfekedza korona. Vaisakwanisa kuzviita, nekuti, yaingova dzidziso chete.

<sup>302</sup> Kubwinya! Cherechedzai! Zvino kana Mweya Mutsvene uyu watinawo wava munyama matiri, Uyo ari pakati pedu zvino muchimiro cheMweya Mutsvene, anova nyama matiri, muMunhu waJesu Kristu, tichaMupfekedza korona yaMambo wemadzimambo. Ndizvozvo chaizvo. Maona?

<sup>303</sup> Zvino, rangarirai, panguva iyo Kristu akauya paChigaro chehushe, antikristu akauyawo pachigaro cheushe, Judhasi. Panguva iyo Kristu akabva panyika, Judhasi akabvawo panyika. Panguva iyo Mweya Mutsvene wakadzoka, antikristu akadzokawo.

<sup>304</sup> Munoziva, Johane akati pano, “Vana vaduku, handidi kuti musaziva, munoziva, pamusoro paantikristu, uyo akatouya kare uye achishanda muvana vekusateerera.” Antikristu

ipapo, hoyoka paaiva, akatanga kuumba imomo mweya wechiNikoraiti, kuti aite sangano.

<sup>305</sup> Ndosaka ndaivenga chinhu ichocho! Maona? Maona? Hezvoka izvo. Akanga asiri ini; chaive chimwe Chinhu mukati umu. Hechoka chinhu chacho. Chazobuda. Mazviona here? [Ungano inoti, “Ameni.”—Mupepeti] Uye ndaizvinyenyeredza zvose. Ndaisazviona kusvikira iye zvino. Uye ndinozviviza zvino. Hechoka icho. Mweya wechiNikoraiti iwoyo, Mwari vakauvenga.

<sup>306</sup> Uye zvino mweya iwoyo wakava munyama, uye vakaupfekedza korona. Uye hepano pauri apa chaipo, izvo zvakataurwa neBhaibheri kuti vaizoita nawo. Zvakakwana. Oo, ini zvangu! Kuva munyama! Akava munhu, ndokubva vamupfekedza korona.

<sup>307</sup> Verengai, cherechedzai! Kana kuti, verengai, waro, kuti Dhanieri anoti achatora sei humambo hwechechi. Mungada kuzviverenga here? [Ungano, “Ameni.”—Mupepeti] Tine nguva yekuzviita, handizvo here? [“Ameni.”] Zvakanaka. Teererai. Ngatidzokerei kuna Dhanieri, kwechinguvana. Dzokerai kuBhuku raDhanieri, uye tichaverenga muchinguvana. Uye hatizova zvichida nemamwe maminitsi 15, 20, kana 30, kana mamwe akadaro. Zvakanaka? [“Ameni.”]

<sup>308</sup> Ngatitorei Dhanieri, chitsauko 11, uye totora vhesi 21. Heuno Dhanieri, Dhanieri achitaura zvino kuti muchinda uyu achatora hutongi sei.

Zvino panzvimbo *yake kuchasimuka munhu* anova chinyadzo, (Roma, ichitaura), uyo wavasingazopi *kukudzwa kwoushe:* (zvino tarirai) *asi iye* achauya murugare...kuuya murugare, uye otora *ushe nokubata kumeso*.

<sup>309</sup> Ndizvo chaizvo zvazvakaita! Ndzvo zvakataurwa naDhanieri kuti antikristu uyu aizoita. Achakwanirana nechinzhimbo chevanhu. Hongu, zvichakwanirana nezvido zvavo—zvavo zvezuva ranhasi, zvemachechi. Nokuti, muzera rino rechechi, havadi Shoko, Kristu, asi vanoda chechi. Chekutanga, havakubvunze kana uri Mukristu. “Unopinda chechi ipi? Chechi ipi?” Havadi Kristu, Shoko. Ukaenda, wovaudza nezveShoko uye kuti vangagadzirisa sei, havadi iZvozvo. Vanoda chimwe chinhu, vongorarama nechero nzira yavanoda, uye voramba vari vechechi nekuwana huchapupu hwavo. Maona? Maona? Saka, anonyatsoenderana nezvido zvachochi chaizvoizvo. Uye, rangarirai, akazopedzisira adanwa kuti “mukadzi,” muBhaibheri, zvino akanga ari mhombwe uye aiva nevanasikana. Zvinongoenderanawo nezviriko muzuva rino, izvo zvinoda vanhu. Hezvoka izvo.

<sup>310</sup> Mwari vakazvivimbisa. Kana Shoko richinge rarambwa, zvino vanobva vatendeutsirwa kuzvishuvo zvavo. Ngativerengei

VaTesaronika zvakare. Regai...Ndinoda kuti mutarise pano kwechinguvana. Hongu, zvakanaka, tazviverenga, nguva shoma yapfuura. VaTesaronika Vechipiri 2:9-11. Yakataura kuti vaizodaro. "Vachiramba, vachiramba Chokwadi, vachakumikidzwa kumufungo wakarasika, uye vachizotenda nhema uye vogotongwa nadzo." Zvino ndizvo—ndizvo zvakataurwa neMweya Mutsvene.

<sup>311</sup> Zvino, handicho here chishuwo chechechi nhasi? Unoedza kuudza vanhu kuti vanofanira kuita *izvi*, *izvo*, kana *zvimwewo*, uye vanokuzivisa nokukurumidza chaiko kuti ivo maMethodisti, Presbyterian, kana *zvimwewo*, ivo "havasungirwe kunge vachifamba pamwe newe." Maona? Zvirokwazvo. Vanozvida.

<sup>312</sup> Uye Mwari vakati, "Kana vachizvida, Ndichavarega vave nazvo. Uye Ndichanyatsoita kuti vatende kuti iChokwadi, nokuti Ndichavapa pfungwa dzakarasika paChokwadi." Zvino tarisai pano zvinotaurwa neBhaibheri, zvakare, "SaJane naJambure vakapikisa Mosesi, ndizvo zvichaита machinda aya mumazuva ekupedzisira, vane pfungwa dzakarasika paChokwadi; vachashandura nyasha dzaMwari wedu kuita unzenza, vachiramba Ishe Mwari."

<sup>313</sup> Zvino munoonaa pazviri; kwete Katorike chete, asi Protestant. Chinhu chacho chose. Inyika yacho yose yakaitwa sangano. Ndiye mutasvi uya webhiza jena, ari pasi penzi—nzira ye—yeche—che—chechi, (chena) kururama, munoonaa, asi ari antikristu. Zvinofanira kutaridzika zvakafanana. Ari pabhiza, kunyange, sezvingori Kristu ari kuuya ari pabhiza. Maona? Oo, anti, zviri pedyosa zvekuti zvaizonyyengera Vasanangurwa chaivo! Zvino hepano paari. Ndiye antikristu wacho.

<sup>314</sup> Akatanga kutasva muzera rechechi yekutanga. Zvino anoramba achitasva achidzika, achienda achidzika nemuzera roga-roga. Zvino mutarisei. Unoti, "Kare-kare, kare-kare munguva yevaapostora?" Aidanwa kunzi "ChiNikoraiti" ikoko. Zvino, zera rechechi inotevera, akabva ava "dzidziso" muchechi. Kutanga, akanga achingova "chitaurwa," zvino akabva ava "dzidziso yechechi."

<sup>315</sup> Vanhu vapfumi, vakakurumbira, vanopfeka zvakanaka, vakafunda kwazvo, vakakwenenzverwa, vaisazvida zvese izvi zvekungoendererera zvaiitika muchechi. Kwete, ivo, "Vaisada zvinhu zvese izvozvo zveMweya Mutsvene. Inofanira kuva chechi! Uye tose tichapfuura nemuKanzuru yeNicaea, nezvimwe zvakadaro, kuRoma." Zvino pavakauya ikoko, vakatora chechi, uye vakatora kunamata zvimpunzo, Roma Katorik-... kana kuti kunamata zvimpunzo, Roma yezvimpunzo, nezvemweya-mweya zvishoma. Uye vakatora a—Astarte, "mambokadzi wekudenga," ndokuzvishandura kuti ndiMaria, amai. Vakaita varevereri kubva muvanhu vakafa, nezvimwe zvakadaro. Ndokutora hwendefa iya yedenderedzwa yekosha,

iyi ichiri kuitwa yedenderedzwa ipapo, voidaidza kuti mutumbi waKristu, "nekuti chinomiririra amai vekudenga." Uye muKatorike anopfuura nepo, ozviitira mucherechedzo wemuchinjikwa. Nekuti, mwenje unopfuta imomo, inofanirwa kuva kosha inoshandurwa kuva Mwari, nesimba remuprisita. Izvo, chisiri chinhu munyika kunze kwekunamata zvimpunzo zviri pachena. Maona? Ndizvozvo chaizvo.

<sup>316</sup> Ini handingonzwisise. Zvakana, hongu, ndinodaro. Hongu, ndinodaro. Hongu, changamire! Ndinozvinzwisisa, nenyasha dzaMwari. Chokwadi.

<sup>317</sup> Zvino cherechedzai. Oo, ini zvangu, kuti vanogona kuzviita sei! Maona? Uye vanopihwa zvishuwo zvavo. Kwete, ichokwadi, hausungirwe kuti uite iZvozvo. Kwete, changamire. Kana usingadi kuZviita, haumanikidzwe kuZviita. Kana usingadi kuenderana nenzira yemararamiro aMwari nezvimwe, nokunamata, hausungirwe kuZviita. Mwari havaite kuti ani zvake aZviite.

<sup>318</sup> Asi regai ndikuudzei chimwe chinhu. Kana zita rako rakaiswa muBhuku reHupenyu reGwayana nyika isati yavambwa, uchafara zvikuru kuZviita, haugoni kumirira nguva yokuZviita.

<sup>319</sup> Tarisai pano. Unoti, "Ndinokupai kunzwisisa kuti, ndinotonamatawo!" Zvakana, chingava chiri chokwadi.

<sup>320</sup> Tarisai, ndiani angati vaprisita vaya vaisanamata, mumazuva aShe Jesu? Ndiani angati Israeri yakanga isinganamate, murenje? Kunyangwe pavakange vatove...

"Asika, Mwari vakandiropafadza kakawanda kwazvo!"

<sup>321</sup> Hongu, Vakavaropafadzawo, zvakare. Vaisatomboshandira raramo yavo. Vakavapa zvekudya kubva kudenga. Zvino Jesu akati, "Vatori, vose, vakarasika uye hapachisina uye vakaparara."

<sup>322</sup> "Madzibaba edu," vakadaro, "vakadya mana murenje, kwemakore 40."

<sup>323</sup> Jesu akati, "Asi ivo, vose, vakafa, vakapatsanurwa neKusingaperi." Maona? Akati, "Asi ndiNi Chingwa cheHupenyu chakabva kuna Mwari kubva Kudenga. Munhu akadya Chingwa ichi, haazombofa." Maona? Ndiye Muti weHupenyu.

<sup>324</sup> Cherechedzai kuti zvanga zvakadii uye Jesu paakauya. Vaprisita ivavo, vakauya kumusoro ikoko, vainamata zvikuru. Vakomana, hapana aigona kutaura kuti vakanga vasiri vanhu vakanaka. Ini zvangu! Vaifamba chaizvo maringe nemurawo. Zvese zvaitaurwa nechechi, vaizviita. Kana vakasazyiita, vaitakwa nematombo. Uye saka Akafamba achibuda... Munoziva here kuti Jesu akavadana kuti chii? Johane akavadana kuti, "Imi boka renyoka muuswa! Musafunge, nekuda kwekuti

muri vesangano iroro, mune chekuita naMwari." Uye Jesu akati, "Muri vababa venyu, dhiyabhore." Akati, "Nguva dzose Mwari pavakatumira muporofita, chii chaitika? Makamutema nematombo mukamukandira muguva. Uye zvino munendo kunze uko kunokwenenzvera guva rake."

<sup>325</sup> Handizvo here zvimwe chete zvakaitwa nechechi yeKatorike? Tarisai Joan wekwaArc, naMutsvene Patrick, nevamwe vose. Ndivo vakavaisa mukati imomo. Ndokubva vachera mutumbi waJoan wekwaArc, ndokuukandira murwizi, mazana emakore akatevera. Uye vakamupisa vachiti muroyi.

<sup>326</sup> "Muri vababa venyu, dhiyabhore, uye mabasa ake munoina." Ndizvozvo chaizvo. Izvi zvichaenda pasi rose. Maona? Ndizvozvo! Ndizvo zvakataurwa naJesu.

<sup>327</sup> Uye unofunga kuti zvakanaka, zvinotaridzika zvakanaka kwazvo, bhiza riya jena. Asi tarisai zvamunazvo. Ndizvo chaizvo zvakaritasva. Zvino, asi Vakati vaizvida, saka Vanozovapa kutenda nhema dzakasimba.

<sup>328</sup> Rangarirai, chipfeve ichi chemuna Zvakazarurwa 17, chaiva chakavanzika, "BHABHIRONI, RAKAVANZIKA, MAI VEMHOMBWE." Uye Johane akamuyemura. Sezvakangoita murume uyu... Tarisai, mirai, tisvike apa uye tomuona achitarira bhiza iri pano. Maona? Asi macherechedza kuti zvaive... Zvakaitika ndezvekuti, izvo, "Akamuyemura nekuyemura kukuru." Asi chakavanzika chaive, chekuti, "akanwa ropa revakafira chitendero vaKristu." Chechi yakanaka yakagara ipapo, yakashongedzwa neruvara rwepepuro negoridhe, "Zvino wakange ane mukombe muruoko rwake, wetsvina yehupombwe hwake."

<sup>329</sup> Hupombwe chii? Kurarama kusina kururama. Ndiyo dzidziso yake yechechi yaakapa. Kutora Shoko raMwari nokuRiita kuti rishaye basa, nezvaana "Kwaziwai Maria," nemhando yezvime zvose izvi, uye nokuzvipa. "Uye madzimambo enyika akaita hupombwe naye."

"Asika," unoti, "iyi ichechi yeKatorike."

<sup>330</sup> Asi yaive "amai vezvipfeve," munoonaa, zvimwe chete zvaava. Hezvoka izvo.

<sup>331</sup> Chii chakaitika? Muvandudzi paakafa uye mharidzo yake yapera, maka-... Makaziita sangano, uye mukaisa boka raana "Ricky" imomo, ndokutanga chinhu ichi muchidzokera kunorarama nenzira yamunoda. Makange musingadi kugara neShoko. Pane kufambira mberi neShoko, vakagara ipapo, "Izvi ndiZvo zvacho." Huh! Hamuite izvozvo.

Iye, ndiZvo, munoonaa, iYe kumusoro uKo!

<sup>332</sup> Cherechedzai, ndechimwe chinhu. Tinoda kubata dzimwe nzvimbo dzakati wandei tisati tavhara.

<sup>333</sup> Ndiye muchinda wakaparadza; vanhu vaDhanieri. Munozvitenda here? Zvino ndave kugadzira izvi, kana mukangobatsira uye nekundiitira moyo murefu kwemaminitsi mashoma, ndicha—ndichazviita nekukurumidza kwandinogona. Asi ndinoda kuzviita kuti zvive chaizvo, nokuti ini... Mweya Mutsvene wakandipa iZvozvo, zvemazvirokzwazvo sekungomira kwandakaita pano. Maona? Maona?

<sup>334</sup> Zvino tarisai, ngatitorei, tidzokere kuna Dhanieri zvakare, kwechinguvana. Ndinoda kukuverengerai chimwe chinhu, chii... Kana mukasadzokera shure, zvakanaka. Ndinoda kuverenga Dhanieri 9, Dhanieri 9. Uye ndinoda kuverenga ndima 26 ne 27 dzaDhanieri 9. Uye, tarisai, kana ari iye achaparadza vanhu vaDhanieri, kuti achaitei.

*Zvino mushuremekupera kwemavhiki 60 ne 2 Mesiya  
achagurwa,...*

<sup>335</sup> Munoona, ndiwo mavhiki 62 aAizogurwa, kubva mune 70.

...kwete kwake iye: asi *vanhu nomuchinda* (izvi zvinzvimbō zvehukuru pano apa) *anozouya* (anozouya) *vachaparadza guta ne...nzvimbō tsvene*; zvino *kuguma kwazvo* kuchava nemafashamu makuru, zvino *kuparadzwa* kwakatemwa *kusvikira pakuguma* kwehondo.

<sup>336</sup> Ndinoda kukubvunzai imi vanhu chimwe chinhu. Mushure mekunge Kristu agurwa panyika, mumakore 3 nehafu eshumiro yaKe, zvino chii chakaparadza temberi? Ndiania akaiparadza? Roma! Chokwadi. Constantine kana, kwete, ndiregerereiwo, Titus, mukuru wehondo weRoma, akaparadza muchinda. Zvino cherechedzai.

Tarisai izvi, hama. Akauya zasi chaiko, nerusvingo urwu.

<sup>337</sup> Jesu paakazvarwa, shato tsvuku kudenga yakamira pamudzimai, kuti iparadze Mwana wake Achangobva kuzvarwa. Ndizvo here? Aiva ani, akaedza kuparadza Mwana paAkazvarwa? Roma. Maona? Heyo shato tsvuku. Heuno muchinda wenyu. Hechino chikara chenu. Maona? Havoka avo, mumwe nemumwe wavo, zvimwe chete, munoonaa, “*kuparadza Mwana*.” Mwari vakaMutakura Kudenga ndokugara paChigaro chaVo. Ndipo pana Kristu zvino kusvika panguva yakatarwa. Maona? Zvino, tarisai zvaachaita.

<sup>338</sup> Zvino, oo, zvino, ndinotenda kuti ndanga ndichitaura nemumwe munhu pano. Vanofanirwa kunge vari Hama Roberson nhasi, kana mumwe munhu wandanga ndichitaura naye, pamusoro peizvi; kwete pamusoro peizvi pano, asi pachinhu chingori zvimwe chete. Ndinotenda kuti ndakaparidza pamusoro pazvo pano, kasiri kare, zvichaitika kuUnited States ino, pamusoro pechinhano chemari ichi. Maona? Zvino, tave kubhadhara zvikwereti zvedu nemitero ichabhadharwa makore 40 kubva nhasi. Ndiwo masariro atakaita kumashure.

Makambochuna here ku KAIR kumusoro uko, kana Lifeline, nekuiteerera, munoona, kubva kuWashington? Handiti, takatochoboka zvachose. Ndizvo chete.

<sup>339</sup> Dambudziko nderei? Ndarama yakachengetwa yese, uye maJudha ndivo vakabata mari yacho. Iri kuenda kuRoma. Zvino tarisai. Tinoziva kuti ndiani muridzi wezvitoro zvikuru zvemipanda, asi Roma ine chikamu chikurusa chehupfumi hwepasi rose. Humwe hwacho hwese, maJudha anahwo. Zvino tarisai izvi. Zvino chingoteererai kune izvi, kuti Mweya Mutsvene wandibuditsira izvi sei.

*Zvino iye achasimbisa sungano navazhinji kwevhiki imwe:* (zvino tarisai) zvino pakati pevhiki achakonzcera chibayiro nebara kumira, . . . nekuda kwekupararira kwechinyangadzo achaiita dongo, *kusvikira pakuguma kwarzvo*, uye zvakatemerwa zvichadururirwa *pamusoro pezvakaparadzwa*.

<sup>340</sup> Tarisai! Oo, iye chinhu chine mano zvikuru! Heuno pano. Zvino, tawana mufananidzo wedu uye tave kuziva kuti iRoma. Tinoziva kuti ndiyе mutasvi webhiza jena. Tinoziva kuti akabuda sedzidziso yechechi. Uye zvakare Roma yezvimipunzo yaiva chii? Yakashandurwa kuita Roma yavanapapa, ndokupfekedzwa korona.

<sup>341</sup> Zvino tarisai, "Munguva yekupedzisira." Kwete mumazuva ekutanga Kristu paaiparidza, asi, "munguva yekupedzisira," chikamu chekupedzisira chevhiki, kwatichangobva kutora mavhiki 70 aDhanieri. Uye Kristu akaporofita kwemakore 3 nehafu, uye makore 3 nehafu achiri akatemerwa. Ndizvozvo here? Uye muchinda uyu munguva iyoyo achaita sungano nevanhu vaDhanieri, vanova maJudha.

Ndipo panobviswa Mwenga zvino. Hauzvione.

<sup>342</sup> Cherechedzai, muhafu yekupedzisira yevhiki raDhanieri, vanhu vanoita sungano. Muchinda uyu anoita sungano neRoma, anoita sungano navo, pasina kupokana kuitira hupfumi, nekuti maKatorike nemaJudha ndivo vakabata hupfumi hwenyika ino.

<sup>343</sup> Ndkanga ndiri kuVatican. Ndakaona korona iri muhutatu. Ndaifanira kuva nehurukuro napapa; Baron von Blomberg ndiyе akandirongera, ne. . . pa musi weChitatu masikati na 3 o'clock.

<sup>344</sup> Zvino pavakandipinza muna mambo, vakacheka kumipendero yemudhebhe wangu. Zvakanganaka. Vakandiudza kuti ndisambofuratira, ndichibva paari. Zvakanganaka hazvo izvozvo.

Asi ndakati, "Chii chandinofanira kuita pamberi pemuchinda uyu?"

<sup>345</sup> Vakati, "Zvakanaka, iwe unongopinda wonopfugama pasi nebvi rimwe chete uye wotsvoda munwe wake."

<sup>346</sup> Ndikati, "Izvozvo bodo. Izvozvo bodo. Kwete, changamire." Ndakati, "Ndicha—ndichadana chero ani zvake kuti 'hama' anoda kuva 'hama.' Ndinomudaidza kuti 'mufundisi,' kana achida kuva nedunhurirwa rakadaro. Asi, kunamata munhu, zvose izvozvo ndezvaJesu Kristu." Maona? Kwete. Kwete, changamire. Kutsvoda ruoko rwemumwe munhu saizvozvo. Kwete, zvachose. Saka, handina kuzozviita.

<sup>347</sup> Asi ndakazopfuura nemuVatican yese. Manjeka, hawaikwanisa kuitenga nezana remabhiriyon i bhiriyon emadhora. Zvino, waizo... Uye chingozvifungai, "Hupfumi hwepasi rose," Bhaibheri rakati, "hwakawanikwa maari." Oo, chimbofunga nezvenzvimbu huru, mabhiriyoni akapetwa...

<sup>348</sup> Sei communism yakasimuka iko kuno kuRussia? Zvinongondikanganisa mudumbu, kunzwa vaparidzi vakawanda kwazvo vachikwamatata pamusoro pecommunism, uye havatombozivi zvavari kuitira ruzha pamusoro pazvo. Ndizvozvo. Communism haina kana basa. Chombo chiru muruoko rwaMwari, kuunza kutsiva pamusoro penyika, nekuda kweropa revatsvene. Ndizvozvo chaizvo.

<sup>349</sup> Uye mushure mekunge Chechi yatorwa, Roma ne—nemaJudha vachaita sungano pamwe chete. Bhaibheri rakati vaizodaro, nevanhu vatsvene. Uye zvino cherechedzai, vachazviita nekuti (sei?) nyika ino ichachoboka zvachose. Uye imwe nyika yese iri pachiyero chegoridhe yakachoboka. Munozviziva izvozvo. Kana tiri kurarama nemitero, mari yezikwereti, kwemakore 40 kubva zvino, tiri papi?

<sup>350</sup> Pane chinhu chimwe chete chinogona kuitika, ndiko, kutotenga mari yacho tobhadrara zvikwereti. Zvino isu hatigone kudaro. Wall Street ndiyo mwene wayo, uye Wall Street inotungamirwa nemaJudha. Imwe yacho yese iri muVatican. Uye majudha ndivo vane imwe yacho yese muWall Street, nekutengeserana kwenyika. Hatikwanise kuitenga.

<sup>351</sup> Uye kana vaikwanisa kuzviita, munofunga kuti... Machinda ehwiski aya ne—nevanhu vese ava vefodya, avo, mabhiriyoni akapetwa mabhiriyoni emadhora pagore, uye vorega kubhadharisa mutero wavo wese pane mifananidzo yakare ine zvinyadzi nezvimbwe zvakadaro. Uye voenda kunze kuArizona uko, kunotenga mamiriyoni emaeka enzvimb, kana zviuru, uye vochera matsime makuru aya, nemadhora 50,000, zvino vozvibhadrara nemutero. Zvino iwe vanokuisa mujeri kana ukasabhadhara wako. Asi ivo vanoregeswa kuibhadhara, uye vochera matsime, nekutumira mabhrudhoza ikoko. Zvino vanoitei? Vanota zvirongwa zvekuvaka dzimba imomo, mumwaka unotevera wacho, nemari yavo yavanenge vaita. Vanofanira kuita kuti mari ibereke. Uye voisa dzimba, zvirongwa zvekuvaka, imomo, uye vodzitengesa nemamiriyoni

emadhora. Munofunga kuti machinda iwayo achabvumirana nazvo here, zvekushandura mari?

<sup>352</sup> Sezvakaitwa nemuchinda uyu zasi kuno mu... Zita rake ndiani? Castro. Akaita chinhu chega chakangwara chaakamboita, zvino, paakaparadza mari ye zvikwereti, akaibhadhara nekuiparadza.

<sup>353</sup> Cherechedzai, asi hatigoni kuita izvozvo. Machinda aya havambozvitendera. Vatengesi vakapfuma venyika ndivo vanahwo.

<sup>354</sup> Uyezve pane chinhu chimwe chete chekuita. Chechi yeKatorike inogona kuibbadhara. Ndiyo yega ine mari. Uye inogona kuzviita, uye ichazviita. Uye mukuita izvi, kuti iiwane, ichabvumirana nemaJudha, kuita sungano. Uye painoita sungano iyi nemaJudha... Zvino, rangarirai, ndiri kutora izvi kubva muGwaro. Uye zvino, paanoita izvi, nekuita sungano iyi, tinocherechedza, muna Dhanieri 8:23 ne 25, "achaita kuti mabasa emawoko abudirire," uye mabasa emaoko ndizvo zvokugadzira, "zviri muruoko rwake." Zvino anoita sungano iyi nemaJudha.

<sup>355</sup> Uye, pakati peaya, makore 3 nehafu, anoputsa sungano yake, paanongopedzisa nyaya yacho, oita kuti mari yemaJudha kuti ibatwe. Uye paanoita izvozvo... Oo, ini zvangu! Oo, ini zvangu!

<sup>356</sup> Anonzi antikristu kusvika pakupera kwezera rechechi, nekuti ndiye... iye nevana vake vanopikisa Kristu pamwe neShoko. Murume uyu anonzi antikristu.

<sup>357</sup> Zvino, achabata mari. Uye ndipo pandinofunga kuti ichapinda. Chimbomirai zvishoma, pandinotaura izvi, zvino ndinoda kudzokera kwazviri muchinguvana.

<sup>358</sup> Anonzi antikristu, uye achanzi antikristu, pamberi paMwari, kusvika panguva yekupedzisira. Zvino, asi ipapa achabva adaidzwa nerimwewo zita.

<sup>359</sup> Zvino, kana aita kuti mari yese ive muruoko rwake, "Achabva aputsa sungano iyi nemaJudha," sezvakataurwa naDhanieri pano kuti achazozviita, "pakati pehafu yekupedzisira yemavhiki 70," aDhanieri. Uye zvakare, hama, achaita sei? Achava nekutengesera kwepasi rose nemabhizimu, chibvumirano nenyika yose, nekuti achabata hupfumi hwennyika, zvizere. Zvino panguva iyoyo, vaporofita 2 ava vachasimuka panzvimbo uye vodana 144,000 ava. Zvino chii chichaitika? Zvino munembo wechikara, wemuna Zvakazarurwa 13, uchapinda, nekuti ndiye akabata zvemabhizimu, kutengesera, nezvoze zvepasi rose. Zvino chii chichaitika ipapo? Munembo wechikara uchapinda, zvekuti, "Hakuna munhu anogona kutenga kana kutengesa, kunze kwaiye ane munembo wechikara."

<sup>360</sup> Ndinotenda Mwari, Chechi ichange ichikomborerwa nemakore makuru 3 nehafu muKubwinya, haizopinda nemazviri.

<sup>361</sup> Zvino cherechedzai, panguva yekupedzisira, pakupera kwemazera echechi zvino, iye anonzi... Iye nevana vake vanonzi antikristu, nokuti chose chinopesana naKristu chinonzi anti-Kristu. Uye chose chinopesana neShoko chinopesana naKristu, nokuti Kristu iShoko. Zvino ndiye antikristu.

<sup>362</sup> Zvino, muna Zvakazarurwa 12:7-9, apo Satani anodzingwa, mupomeri. Munoda kuzvinyora pasi, nokuti ndinoda kuti muzviverenge. Hatisisina nguva zvino; dzave pedyo, 20 kana 15 maminetsi kusvika pana 10, munoona. Asi muna Zvakazarurwa 12:7-9, "Satani," mwuya, "dhiyabhare," ari kumusoro uko zvino, "mupomeri wehama dzedu." Zvakanaaka?

<sup>363</sup> Chechi inotorwa kumusoro, uye Satani anodzingirwa kunze. Kana Chechi yakwira kumusoro, Satani anouya pasi, ipapo Satani anobva azviisa muna antikristu obva anzi "chikara." Zvino, Zvakazarurwa 13, anobva aisa mucherechedzo wacho panzvimbos. Maona?

<sup>364</sup> "Kana iYe anotendera," chete zvino, Chikristu chasara panyika mukuchena kwacho, imhaka yekuti, "Iye anotendera."

<sup>365</sup> Rangarirai kumashure kuno muna VaTesaronika, "Agere patemberi yaMwari, achizvidaidza kuti Mwari, achiregerera zvivi panyika." Uye izvozvo zvichaenderera mberi, "uye kusurarama kuchawanda," uye zvichingopfuirira mberi. Nokuti, hazvizozivikanwi, zvisinei, kusvikira nguva yake yekuzarurwa yasvika.

<sup>366</sup> Uye ipapo Chechi ichabvutwa. Uye kana Yabvutwa, anobva azvishandura kubva kuna antikristu zvino, oo, ini zvangu, "chechi, chechi huru uye izvozvo," zvino anobva ava "chikara." Uh-huh! Ndinoshuvira kuti dai ndaigona kuita kuti vanhu vazvione izvozvo.

<sup>367</sup> Zvino rangarirai, antikristu nechikara mwuya mumwe chete. Hoyoka hutatu uhwo. Hongu, changamire. Matanho 3 esimba rimwe chete radhiyabhare. Rangarirai, chiNikoraiti, munoona, chaifanira kupinda munyama chisati chapfekedzwa korona. Maona? Zvino tarisai izvi, matanho 3. Danho rekutanga, anonzi antikristu; danho rechi 2, anonzi muporofita wenhem; danho rechi 3, anonzi chikara.

<sup>368</sup> Cherechedzai, chiNikoraiti, dzidziso yaantikristu yakatanga mumazuva aPauro, ichipesana neShoko raMwari, antikristu.

<sup>369</sup> Zvino anodanwa, zvakare, kuti muporofita wenhem. Apo, dzidziso payakava munhu, akanga ari muporofita kudzidziso yevakuru vemuzvinzvimbos, yeva—yevakuru vemuzvinzvimbos zvechechi yeKatorike. Papa ndiye aive muporofita kushoko renhema, uye ndizvo zvakamuita muporofita wenhem.

<sup>370</sup> Danho rechi 3 chikara, munhu anopfekedzwa korona mumazuva ekupedzisira, nesimba rose rakambova neRoma yezvimpunzo. Nekuti, chikara chine misoro 7, shato, yakadzingwa kubva kudenga, uye ikapinda munyama mumuporofita wenhema. Hechoka icho, chakanga chine korona 7, uye chakadzingirwa kunze ndokukandwa panyika nemugungwa. Zvakanaka.

<sup>371</sup> Tiri kuti kudii? Ndianiko mutasvi uyu, mutasvi webhiza uyu? Munoziva here kuti chii? Munhu waSatani wepamusoro-soro.

<sup>372</sup> Ndakaenda humwe husiku, hama 2 dzakagara muchechi ino iko zvino, Hama Norman, kumashure uko, uye, ndinotenda, naHama Fred, taive uko kuti tinzwe mumwe murume achidzidzisa pamusoro paantikristu. Murume anozivikanwa zvikuru, mumwe wevakana kisa veAssemblies of God varipo, uye dudziro yake yaantikristu yaiva, yokuti, "Vachatora vhitamini reimwe mhando, kubva mumu—mumunhu, uye vobvisa hupenyu uhu kubva mumunhu huchinopinda mune chimufananidzo chikuru chichanamira... chinotsika nhanho iri bhuroko reguta nguva yoga-yoga. Uye ndizvo..." Mungambofungidzira here murume akazadzwa neMweya Mutsvene, ari pasi pekunyengereka kwakadaro, kana kuti anozviti anawo?

<sup>373</sup> Apa, herino Bhaibheri, rinotaura kuti antikristu ndiani. Haasi... Munhu. Cherechedzai, mutasvi uyu haasi chimwe chinhu kunze kwemunhu waSatani wepamusoro-soro, dhiyabhare ari munyama. Inyanzvi yakadzidza. Zvino, ndinovimba kuti makavhura nzeve dzenyu. Vairedza mumwe wevana vase, kasiri kare, paterevhizheni, kuona kuti anga asina kutesva njere here kudarika murume aitevera, kuti akwikwidze chigaro cheMutungamiri wenyika. Maona? Asi, zvisinei, ane huchenjeri hwakawanda; ndizvo zvakaitawo Satani. Anoedza kuhutengesa. Akahutengesera Evha. Akahutengesa kватiri. Tanga tichida munhu wepamusoro-soro. Takamuwana. Zvakanaka. Nyika yese iri kuda munhu wepamusoro-soro. Vachamuwana. Ingomirirai kusvikira Chechi yakwira kumusoro, uye Satani adzingwa; achava nyama. Ndizvozvo chaizvo. Vanoda mumwe munhu anogona kunyatsoita basa. Achariita.

<sup>374</sup> Akadzidza! Uyu ndiye... Munhu waSatani wepamusoro-soro, ane dzidzo, ane huchenjeri, nedzidzo yebaibheri yechi yemashoko ake pachake, ekuzvigadzirira iye pachake. Zvino anotasva bhiza rake jena resangano, kuti anyengere vanhu. Uye achakunda chitendero chose chenyika, nekuti vese vari kupinda mumubatanidzwa we—we... wemachechi, uye mubatanidzwa wemachechi epasi rose. Uye vakatovaka zvivakwa zvavo kare, uye zvinhu zvose zviri mugwara chaimo. Hapana kana chinhu 1 chasara. Sangano rese rakabatwa mazviri chaimo, mumubatanidzwa wemachechi. Uye chii chiri kuzvitsigira?

Roma. Zvino papa ave kudanidzira zvino kuti, "Tese tiri vamwe. Ngatiuye pamwe chete uye tifambe pamwe chete."

<sup>375</sup> Uye vanhu ava, kunyangwe vamwe venyu imi vanhu veFull Gospel, munoramba, munotofanirwa kuti murambe dzidziso yenu yevhangeri, kuti mutore danho rakadaro. Makaitei? Makapofomara chaizvo, kuchinhu ichocho chesangano, makaramba Chokwadi. Uye Chokwadi chakaiswa pamberi pavo, zvino ivo—ivo vakafamba vachibva paChiri, uye vakaChisiya. Uye zvino ivo "vakavapa kunhema dzakasimba, kuti vantende nhema uye vagotongwa nadzo." Ndizvo chaizvo zvazviri.

<sup>376</sup> Zvino antikristu anozvitora zvose. Uye Bhaibheri rakataura, kuti, "Akanyengera vose," vo, na se, "vose vari panyika, vane mazita asina kunyorwa pasi peZvisimbiso izvozvo kubva pamavambo enyika." Hum! Zvino, kana Bhaibheri rakati akazviita, akazviita.

<sup>377</sup> Vanoti, "Asika, ndiri we..." Hezvoka izvo. Hongu. Ndizvozvo chaizvo. Ndiyo nzanga imwe cheteyo yezvipfeve. Hurongwa humwe chetehwo hwakatanga pamavambo, hunova antikristu, nguva dzese.

<sup>378</sup> Ndichanzwa kubva pazviri, asi ndizvo...IChokwadi. Ndinotarisira kudaro. Ameni.

<sup>379</sup> Zvino, cherechedzai, achakunda. Uye potse ane mukubata kwake kwakasimba iko zvino, achiri antikristu, asati ava chickara. Munotaura nezvemurango une hutsinye? Imi chingomirai henyu. Tarisai izvo avo vachasara pano panyika vachapindana nazvo. Uh-huh. "Kuchava nekuchema, nekuungudza, nekugeda-geda kwemeno. Nekuti shato, Roma, yakasvipa mvura kubva mumuromo mayo, kuti iite hondo nevakasara vembeu yemudzimai, avo vakasara panyika mushure mekunge Mwenga wasarudzwa nekutorwa. Zvino shato yakaita hondo nevakasara, vakanga vasingade kupinda, ndokuvavhima."

<sup>380</sup> Zvino Chechi chaiyo yaizopfuura nemazviri dai zvaibvira; asi, munoono, vari pasi peRopa iri nechekare, nenyasha dzaKristu, uye havagone kupinda nemuKutambudzika chero kupi zvako. Havana nguva yeKutambudzika. Chinhu chinotevera kuChechi Kubvutwa. Ameni, naameni! Mwari ngavarumbidzwe. Oo, ndinozvida sei izvi!

<sup>381</sup> Regai ndikuudzei. Tiri kutaura kuti mukundi achaita sei, uye ari kuzokunda zvechokwadi. Akatozviita kare. Yakatopedzwa kare, ndizvo zvoga; achazvipedzisa, nemari, mari ine tsvina. Ndizvozvo chaizvo. Vanoda mari kupfuura Mwari. Zvese zvavanofunga nezvazvo zvino ndezvezkuti, "Ane mari yakawanda sei?" Chii ichocco?

<sup>382</sup> Munoziva, zvakataurwa, nguva dzakawanda, "Ipai chechi mari, uye ichashandura pasi rose. Ipai chechi mari,

uye ichatumira vavhangeri pasi rose. Zvino ichazoita sei? Ichakundira Kristu pasi rose.”

<sup>383</sup> Rega ndikuudze chimwe chinhu, shamwari yangu bofu, inonzwisa urombo. Nyika hahwinwe nemari, asi neRopa raJesu Kristu. IpaI Mwari varume vanova varume mhare, vanomirapo paShoko iroro, kurarama kana kufa; ndizvo zvichakunda. Uh-huh. Pachava nechinhu chimwe chete chinogona kukunda, avo vane mazita avo akanyorwa muBhuku reHupenyu reGwayana kubva pakuvambwa kwenyika. Ndicho chinhu chega chichaRinzwa. Mari haizova kana nechekuita nazvo; inovaendesa kure mutsika dzavo dzemasangano.

<sup>384</sup> Ngationei. Hongu, nenyanzvi yedzidzo, achange ari izvozvo. Achange akangwara. Ini zvangu, ini zvangu, ini zvangu! Uye vana vake vose vakamupoteredza vanenge vakangwara, Ph.D., LL.D., L. na L.D., Q.S.D., A.B.C.D.E.F. kusvika kuna Z. Vachange vainazvo zvese, vakangwara. Sei? Ndezve hurongwa hwaSatani. Kuita kwemanomano kwese kunopikisa Bhaibheri ndekwaSatani.

<sup>385</sup> Ndizvo chaizvo zvaakatora Evha nazvo. Evha akati, “Oo, zvakanyorwa, Mwari vakati tisaite izvozvo.”

<sup>386</sup> Akati, “Asi, imbomira. Chokwadi Mwari havazviite. Asika ndichasvinudza meso ako ndokupa humwe huchenjeri.” Akahuwana.

<sup>387</sup> Tanga tichimudawo. Takahuwanawo, zvakare, nyika ino. Cherechedzai, achakunda nyika yose yezvinamato. Achakunda, oita sungano nevanhu vaDhanieri. Hezvinoi izvi, zvose mune veMarudzi nemuvanhu vaDhanieri, maJudha pamavhiki ekupedzisira. Uye hepano patiri, kunyangé kuzvidhirowa pamabhdhi. Uye munozviona, zvakakwana, apo ndipo pazviri. Tinotenda Mwari. Hoyoka uyo. Hurongwa hwesangano uhwu ndehwadhiyabhore. Uye hapana kuzengurira pakuzvitaura, kana. Maona? Ndizvo chaizvo. Ndiwo mudzi wadhiyabhore. Ndizvo...

<sup>388</sup> Zvino, kwete vanhu, kwete vanhu vari imomo. Ivavo vanhu vaMwari, vazhinji vavo. Asi, munozivei, kana tasvika kuno uku, kusvika tava neHwamanda idzi dzichirira; uye, nguva inotevera yandichauya, Hwamanda idzi dzichirira. Rangarirai, apo idzo, iyi yemutumwa wekupedzisira... Uya Mutumwa wechi 3 paakauya, “Budai kubva mariri, vanhu vaNgu!” Mutumwa iyeye paanobhururuka, ndiyo nguva imwe chete iyo Mharidzo inowira pano kuitira Hwamanda yekupedzisira, Mharidzo yemutumwa wekupedzisira, Chisimbiso chekupedzisira chazarurwa. Zvose zvinoitika panguva imwe chete. Hongu, changamire. Zvose zvinobva zvapidiguka zvichienda munaZiyendananakuenda.

<sup>389</sup> Zvino chii? Panguva imwe chete iyo muchinda uyu ari kukunda... Zvino ndichavhara. Mwari vachaita chimwe chinhu ipapo, zvakare. Ngatiregei kungopa Satani mbiri yeze pano,

munoona. Ngatisataurei nezvake, zvachose. Maona? Chinhu chikuru ichi pachiri kuitika kunze uko, hurongwa hukuru uhwu huchiperera mumasangano aya, mumubatanidzwa, kuti vagozvibatanidza pamwe chete uye vazomira vachipikisana necommunism, asi vasingazine kuti Mwari vakasimudza communism kuti ivakurire. Chokwadi.

<sup>390</sup> Chii—chii—chii chakaita kuti communism isimuke muRussia? Nekuda kwekusachena kwechechi yeRoma nezvimwe zvose. Vakatora mari yese yaiva kuRussia, ndokuuraya vanhu nenzara, uye ndokusavapa chinhu, uye panzvimbo yazvo, ndokungorarama sezvakangoita nyika yose.

<sup>391</sup> Ndakanga ndiri zasi kuMexico, kasiri kare, uye ndichiona vana vadiki ivavo vanonzwisa urombo. Nyika yese zvayo yechiKatorike haigone kana kuzvitsigira pachayo. Hakuna kana imwe yadzo. Ndibunzei kuti kupi. Ndiratidzei kwadziri. Nyika ipi zvayo inotongwa nechiKatorike haitombogona kuzviriritira pachayo. France, Italy, nedzimwe dzese, Mexico, chero kupi kwaunoenda, hadzigone kuzviriritira pachadzo. Sei? Chechi yakatora zvose zvavaiva nazvo. Ndicho chikonzero Russia yakaidzingira kunze. Tarisai zvakaitika.

<sup>392</sup> Ndinozviviza izvi, pachangu. Ndainge ndakamira zasi ikoko. Uye waitofunga kuti jubheri rendarama rasvika, uchinzwia mabhero acho achirira. Zvino heuno mudzimai mudiki anotambura, achidzika nemugwagwa, achikweva tsoka dzake. Nababa vakatakura mwana; uye 2 kana 3 vavo, vachichema. Akanga achideketera kune mumwe mukadzi akafa kumusoro uko. Aive nezvake...Akafunga kuti aizoenda Kudenga, nekudaro. Oo, chinhu chinonzwisa tsitsi zvakadii!

<sup>393</sup> Zvino ndakaona, ndakamira zasi uko, hekuno kuchiuya... Hupfumi hwemari yavo hwakaderera zvikuru! Chechi inotora zvose zvavanazvo. Pano, Pancho mudiki, zvichida—zvichida Pancho zvinoreva kuti Frank. Anouya zasi, uye ndibhiridha anovaka nezvidhinha, uye anowana—anowana mari inoita 20 mapeso pavhiki. Asi zvinotora ose 20 mapeso, kuti azvitengere shangu. Ndizvo zviri mari yavo. Asi zvino, pano, ko zvino kana—kana iye, ari bhiridha kudaro uye achivaka nezvidhinha, uye achiwana 20 mapeso pavhiki, kungotaurawo. Handizive hangu yaanowana, asi tongoti ndiyo mhando yezvakaita hupfumi hwemari. Cherechedzai, zvino, kana achiwana 20 mapeso pavhiki.

<sup>394</sup> Hepanoi Chico anouya, munoona, zvinoreva kuti “mudiki,” zvino anoshandira angaita 5 mapeso pavhiki kunze uko. Uye ane vana 10 vekuti ape zvekudya, asi pachauya munhu anogogodza pagonhi rake, [Hama Branham vanogogodza papurupiti kakati kuti—Mupepeti] kuti agotora angaita 5 emapeso iwayo, kana kuti 4 awo, zvisinei, kubhadhara rimwe kenduru remafuta kuti ripfute, paartari yegoridhe yemadhora miriyoni kuitira zvivi

zvake. Hezvoka izvo. Ndiwo mamiriro ehupfumi hwacho. Ndizvo zvakaita nyika dzacho.

<sup>395</sup> Chinhu ichi chinotora yese. Chechi inoitora yose. Yakangoibata mumaoko ayo. Ndizvo zvoga. Uye iyo, nemari yemaJudha, musungano iyoyo, sezvakataura Bhaibheri, vachatora chinhu chacho chose.

<sup>396</sup> Zvino anobva ava chikara. Anoputsa sungano yake, uye anobhinya. Anoparadza imwe yose yembeu yemudzimai uyu, saizvozvo. Uye osvipa mvura kubva mumuromo make; anoita hondo. Zvino pachava nekuchema, nekuungudza, nekugedageda kwemeno.

<sup>397</sup> Zvino Mwenga anenge achichata, muKubwinya, munoona, panguva imwe cheteyo. Usazvipotsa, shamwari. Mwari ndibatsirei! Ndi—ndinoda kunge ndiriko. Handina basa nekuti zvinotorerei. Ndi—ndinoda kunge ndiriko.

<sup>398</sup> Zvino, cherechedzai, panguva imwe chete iri kuitika izvi, izvi zvisati zvaitika, waro, panyika, Mwari vakavimbisa... Apo makakatanwa ese emasangano, vachikakavadzana pamusoro pemusiyano wezvitendwa zvavo, Mwari vakavimbisa kuti vachatitumira muporofita wechokwadi weShoko rechokwadi, aine Mharidzo; yokudzokera kuShoko raMwari repamavambo, uye ne “Kutenda kwemadzibaba,” kuunza pasi Simba reMweya Mutsvene pakati pevanhu, nesimba rinosusimudza pamusoro pezvinhu izvi nokumupinza mukati, panguva imwe cheteyo. Hongu. Shoko rimwe chete richisimbisa, rajesu Kristu, kuti ndiYe mumwe chete zuro, nhasi, nekusingaperi! “Tariari, Ndinemi nguva dzose, kusvikira pakuguma. Uye mabasa aNdinoita muchaaitawo. Ndichava nemi chaizvo. Kwenguva pfupi, uye havachazoNdionazve,” nokuti vachaita sangano uye vopararira kwese. “Asi imi muchaNdiona, nekuti Ndichava nemi. Ndichava kunyangwe mamuri, kusvika kumagumo.” PaAkati hasha dzaKe dzichadururwa mushure memagumo. Hezvoka izvo. O Mwari!

<sup>399</sup> Ndiyaniko mutasvi webhiza jena uyu? Hamuna kupofomara. Muri kuona kuti ndiani. Ndiye antikristu uyu, nemweya uya unonyengera wakaenda zvino ukaverevedza uchipinda. Ukaita... Uye, zvino, munoona, Mwari vanongoramba vachizvidzokorodza. Vanozviratidza somunhu anobuda nebhiza jena, uye nouta hwake uye asina museve. Munyengeri uyu. Haana kana simba. Vanoti, “Simba rechechi!” Riri kupi? Vanoitei? Vanoti ivo, “Isu ndisu chechi yepamavambo.” Chechi yepamavambo yakadzinga madhimoni, ikapodza vanorwara, nekumutsa vakafa, yakaona zviratidzo, nezvimwe zvose. Zviri kupi iko zvino? Maona? Munyengeri, uta asina museve. Huh! Ndizvozvo chaizvo.

<sup>400</sup> Asi, munoona, Kristu paakauya, Munondo wakabuda mumuromo maKe, semheni inopenya. Wakabuda ukaparadza

vavengi vaKe, uye ukadzinga dhiyabhore. Wakabvisa zvime  
zvose. Uye Akauya, nguvo yaKe yakanyikwa muropa, uye  
pachidya chaKe pakanga pakanyorwa kuti, "Shoko raMwari."  
Ameni. Hoyo Achiuya, nehondo yaKe, vachibva Kudenga.

<sup>401</sup> Mutasvi webhiza jena uyu anga ari panyika nguva yose iyi.  
Achashanduka kubva pakuva antikristu. Anoita izvozvo, obva  
ava muporofita wenhema. Munoona, akatanga ari, antikristu,  
mweya; ndokubva ava muporofita wenhema; zvino, gare-gare,  
dhiyabhore paanodzingwa, anenge ava nadhiyabhore munyama  
ipapo. Matanho 3! Rekutanga, ndidhiyabhore, kutanga  
kwacho, mweya wadhiyabhore; zvino anoba ava muporofita  
wenhema, mudzidzisi wedzidziso yenhema; chinotevera, anouya  
sadhiyabhore pachake, munyama. Maona? Hoyo uyo.

<sup>402</sup> Uye panguva imwe chete iyo dhiyabhore anodonha kubva  
Kudenga uye ova munyama mumunhu, Mweya Mutsvene  
unokwira uye wodzika wova munyama yemunhu. Ameni. Oo, ini  
zvangu! Inguva yakadini!

Mangwana manheru, Mwari vachitendera, Chisimbiso  
Chechipiri.

<sup>403</sup> MunuMuda here? Zvino, munozvitenda here?

<sup>404</sup> Ndichangobva kuvhara tepi. Zvino ndichazonzwa kubva  
kwaIri, munozviziva izvozvo, munoono, asi ndinotarisira  
kudaro.

<sup>405</sup> Regai ndikuudzei chimwe chinhu, hama. Ndava kuziva  
zvino, kwenguva imwe muhupenyu hwangu, kuti sei Mweya  
iwoyo waigara uchindiyambira pamusoro pawo, sangano iroro.  
Ndinotenda Ishe Mwari nekundiratidza zvinhu izvi. Ndinoziva  
kuti IChokwadi. Hezvoka izvo, zvazarurwa ipapo chaipo.  
Hoyo pano ari kutasva achidzika zasi nemuzera, uye obuda  
chaiko kunze kuno ozviratidza zasi kuno chaiko, akangokwana  
sezvaangava. Munoono, ndiye chaiye. Zvino isu hatinyengerwi  
pane izvozvo. Zvino mune maziso enyu akazaruka. Garirai kure  
nemhando yezvinhu zvakadaro. Uye idai Ishe nemoyo wenyu  
wese, uye mugare naVo chaizvo. Hongu, changamire. Budai  
muBhabhironi!

<sup>406</sup> [Chibenga chisina chinhu patepi—Mupepeti] Zvinhu  
3: zvakaratidzwa neShoko, zvikaratidzwa nemufananidzo,  
zvichiratidzwa nemabasa eMweya, zvichisimbisa kuti iRi  
iShoko.

<sup>407</sup> Regai Shoko riuye pamahengechepfu aya, Ishe. Podzai  
vanorwara. Podzai munhu wese anorwara aripo, Ishe, neavo vari  
kunze uko vanotumira tsamba nekufona.

<sup>408</sup> Baba, panguva ino, pane kumwe kupodzwa kunofanira  
kuitwa iko zvino, zvino tinoenda kushumiro yekunamatira  
vanorwara. Asi, Ishe, mweya iwoyo, tinouda kuti uve  
muhyurongwa, Ishe. Uye zvinhu izvi zvinofanira kuuya.

<sup>409</sup> Tinonamata, Mwari, kuti Mutore mashoko aya ataurwa zvino, moaita emazvirokwazvo kuvanhu. Vaitei kuti vaZvione, Ishe. Sezvo panga pasina nguva yakwana, zvakare, Munoziva, Baba, saka ndinonamata kuti zvataurwa zvakwana kuti Mweya Mutsvene ugoZvitora woZvizarurira mumoyo. Avo vari kunyora Magwaro aya pasi, dai vakaAnzvera. Avo vari kugadzira matepi kana—kana—kana kunzwa matepi, dai vaRinzvera; vorega kuisa dudziro yavo kwaRiri zvino, asi kungonzvera Shoko. Zviitei, Baba. MuZita raJesu, ndinokumikidza zvose kwaMuri, uye kuitira kubwinya kweNyu. Ameni.

<sup>410</sup> [Imwe hama inoporofita—Mupepeti] Ameni. Oo, ndinoKutendai, Ishe!

NgatingoMurumbidzai.

<sup>411</sup> Oo, kana paine mumwe munhu pano asingaMuzive mukuregererwa, zviite zvino. Wanzwa kutsiura uku kwakananga, kwakasimba. Kana uchizotarisira kuswedera pedyo, zviite iko zvino, kwemazuva mushure meizvi.

<sup>412</sup> Ko dai kwanga kuri iko kuparurwa kweChisimbiso ichi? Ko dai anga ari Mutumwa akatumira ikoko, akaputitsa, kutopotsa, zvandibvisa pasi, rimwe zuva, ndakamira kumashure uko, apo zvapupu 3 zvakamira pedyo. Zvandakakuudzai ndisati ndaenda, “Paizova nekuputika kwaizopotsa kwandiendesa kumusoro.” Uye ndakatorwa kumusoro neNgirozi 7, ndokuuya kumabvazuva. Chinhu chacho chakada kundizunguza kubva pasi.

<sup>413</sup> Ndizvo here, Hama Norman, Hama Fred Sothmann, vakanga vakamira neni pazvakaitika, pamusoro peTucson? Uye izvo—izvo... Ndakagara, ndichibvisa chaguduma pahembe dzangu, chaizvoizvo zvakataurwa nechiratidzo. Uye kwaiva kumawodzanyemba kwe... takananga kuTucson. Kana zviri izvo, simudzai ruoko rwenyu, Hama Fred, Hama Norman. Havoka avo. Simukai netsoka dzenyu, kuti vanhu vaone kuti manga muripo, sechapupu. Handina kumbobvira ndakanzwa chinhu chakadaro, muupenyu hwangu.

<sup>414</sup> Uye, pakarepo, havana kuvhima, zuva rose. Ndakagombedzera Fred, mangwanani akatevera. Iye haazvizive izvi. Ndakamugombedzera kuti aende kunovhima, ndokuramba ndichiti, “Zviite. Zviite.”

<sup>415</sup> Asi Akati, Akandiudza kumashure uko kuti, “Haasi kuzozviita. Uri kuenda kuMabvazuva, iko zvino.”

<sup>416</sup> Zvino ivo Vatumwa 7 ava! Kuputika kweikutanga, kwakavhurika. Hongu. Ko kana zvirizvo? Tave panguva yekupedzisira. Maona?

Ndinoda...

NgatiMunamatei.

NdinoMuda

Nokuti ndiYe akatanga kundida  
Ngatisimukei.

Ndokutenga ruponeso rwangu  
Pamuti weKarivhari.

<sup>417</sup> Ngatichenesei moyo yedu zvino, hama, tichikotamisa misoro yedu. Hanzvadzi dzangu, ndakataura zvinorwadza kwamuri, asi ndakazviita murudo rwehumwari. Ndakazviita nokuti ndakakudai; nezvekuchengeta bvudzi rakareba, nekupfeka nekuita zvakakanaka. Ndakazviita nekuda kwerudo rwehumwari. Ngatichenesei hana dzedu zvino apo—apo Clorox yaMwari . . .

<sup>418</sup> Mangwanani, tinogona kunge tatononokesa. Anogona kutouya. Zvinhu izvi zvichiyu sezvizvi, hama, kunogona kunge kuri kuguma kwehofisi yekureverera. Makambofunga nezvazvo here? Zvinoka, handizive kuti ndizvo. Handisi kuti ndizvo. Asi ko kana zviri izvo? Ko kana zviri izvo? Pakadii apo? Hapasisina rudzikinuro zvachose; rwapera, panguva iyoyo. Ndinovimba kuti harwusati, asi pane kukwanisika kwekuti ndizvo.

NdinoMuda, ndi . . .

Tichenesei, Ishe. [Chibenga chisina chinhu patepi—Mupepeti]

. . . noMuda  
Nokuti ndiYe akatanga kundida  
Ndokutenga ruponeso rwangu  
Pamuti weKarivhari.

<sup>419</sup> Ngarikudzwe Zita raShe! Mwari ngavarumbidzwe! Ndinoda manzwiro iwayo anotapira. Hamusi kuZvinzwa here? Ungori Mweya Mutsvene, sokunge, wakakupoteredza, uchifamba naWo. Oo, zvinoshamisa kwazvo! Oo, funga nezvetsitsi dzaKe!

NdinoMuda, ndinoMuda  
Nokuti ndiYe akatanga kundida  
Ndokutenga ruponeso rwangu  
Pamuti weKarivhari.

<sup>420</sup> UsaZvikanganwe, shamwari. UsaZvikanganwe. Enda naZvo kumba. Gara naZvo. Iwe Zvibate papiro yako. UsaZvikanganwe. Gara naZvo. Mwari vakuropafadzei zvino.

Hama Neville, mufundisi wenyu.



*CHISIMBISO CHEKUTANGA* SHO63-0318  
(The First Seal)

MHARIDZO DZAKATEVEDZANA DZECHIZARURO CHEZVISIMBISO ZVINOMWE

Mharidzo iyi neHama William Marrion Branham, yakaparidza kwokutanga neChirungu Muvhuro manheru, Kurume 18, 1963, paBranham Tabhenakeri muJeffersonville, Indiana, U.S.A., yakazotorwa kubva patepi yakarhekodwa ndokuzodhindhwa muChirungu pasina chakamurwa. Kuturikirwa uku muchiShona kwakazodhindhwa nokugoverwa neve Voice Of God Recordings.

SHONA

©2023 VGR, ALL RIGHTS RESERVED

VOICE OF GOD RECORDINGS, ZIMBABWE OFFICE  
8 ST. ANNES ROAD, AVONDALE, HARARE, ZIMBABWE

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Chiziviso chekodzero

Kodzero dzose dzakachengetedzwa. Bhuku iri rinokwanisa kudhindhwapi papirinda yekumba kuti ushandise uri iwe pachako kana kugovera kunze, usingatengesi, semudziyo wekuparatzira Evhangeri yaJesu Kristu. Bhuku iri harigoni kutengeswa, kudhindhwapi akawanda, kuiswa pawebhusaiti, kana kuwana mumuchina waringachengeterwa, kuturikirwa mune mimwe mitauro, kana kushandiswa kukumbira mari pasina mvumo yakanyorwa nevekuVoice Of God Recordings®.

Kuwana umwe umboo kana zvimbewo zviripo zvingawanikwa, tapota nyorerai:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)